

Hechos

“Espíritu Santo tarohca”, niha ahri tjure joariro

1 1-2 Teofilo, ahri quitire m̄hure joarocai nija. Pano ȳ joa m̄htari p̄ire Jesu to yoaare, to buheare m̄hure yahu tuhs̄i. P̄ m̄anop̄ to m̄jarire yahu batoai. To m̄jahto pano Jesu Esp̄ritu Santo mehne dutiha to bese c̄rinare. ³ ã yoa Jesu crusap̄ to yariari baharo paȳ tahari pjac̄u tiroto baja m̄jaha to c̄rinare, tina “Potoc̄ata tiro catira”, ti ni masihto sehe. Cuarenta dachori waro tiro baja m̄jaha tinare. ã bajuaro tiro to basi to catiriro jiare ñono niha tinare. ã bajuaro p̄htoro Cohamac̄u to s̄ho jiare yahuha tinare.

⁴ Jesu to c̄rina mehne jisinino tinare ò sehe ni yahuha:

—Jerusal̄ita jisiniga mip̄re. “Esp̄ritu Santore m̄sare warocaihtja”, ȳ P̄c̄u to nirirore cohtasiniga. T̄re to nirire m̄sare yahui ȳh̄. ⁵ João m̄sare bautisaro co mehne yoamare. Ȳh̄ sehe tí ȳhdoro yoaihtja m̄sare. Maha dachoric̄a baharo ȳh̄ sehe Esp̄ritu Santore m̄sa mehne jirucuch̄ yoaihtja m̄sare —niha Jesu.

Jesu m̄anop̄ m̄jaa wahaha

⁶ ã yoa tina t̄c̄u Olivo wama tid̄p̄u Jesu mehne cahmachuina sehe ò sehe ni sinitu ñ̄ha tirore:

—P̄htoro, ¿mip̄re s̄re Israe yahpare pari turi c̄u, mari coyeya warore p̄hto s̄ihcari m̄h̄? —ni sinitu ñ̄ha to yaina.

⁷ Ti ã nich̄u t̄horo Jesu ò sehe niha:

—M̄sa p̄hto s̄ahti pjare yahu quih̄riro, ã wahach̄u yoariro ȳ P̄c̄u dihta jira. M̄sa sehere t̄re ne masihto basioerara. ⁸ Wiho mejeta m̄sare Esp̄ritu Santo to wihich̄u Cohamac̄u ya masiare c̄janahca m̄sa. Tí masiare m̄sa c̄jana Jerusal̄ macainare, jipihtina Judea yahpa macainare, Samaria yahpa macainare, ã yoa jipihtina ahri dacho m̄ s̄ro macainare noaa buheare buhenahca m̄sa. Ȳ yariarire, ȳ masa m̄jarire tinare buhenahca m̄sa —ni yahuha Jesu tinare.

⁹ To ã ni tuhs̄ari baharota, Cohamac̄u Jesure m̄anop̄ m̄jach̄u yoaha j̄na. Tina tirore ti ñ̄ n̄n̄ m̄och̄ta me



curua watoru sãa, buti mujaa wahaha. **10** To ã buti mujari baharota tina Jesu to mujaritore ti ñu muno watoi puaro anjoa yehsea suhti tiina Jesu to curina watoi bajuaruca sãha. **11** ã bajuaruca su, tinare õ sehe niha:

—Musa Galilea macaina, ¿dohse jiro baro ñu mucucuna nijari musa? Ahriro Jesu, musa mehne jiro cjirota, Cohamacu manoru to mujachu yoarirota, mipure to mujachu musa ñuriro seheta, pari turi duji tarohca tjoa —ni yahuha anjoa tinare.

Jesu to curina Juda cjirore cohtotahirore beseha

12 ã yoa Jesu yaina tucu Olivo wama tiduru jiina duji taa, Jerusaleru tju sãha. Tu tucu cu kilómetro bui curero yoaro jira Jerusalé duhtu caharu. **13** Tju su, tina manoru ti jiri tahtaru mujaa wahaha. Ahriro jiha: Pedro, João, Santiago, Andre, Felipe, Toma, Bartolomé, Mateo, Santiago, Simo, Juda jiha. Santiago sehe Alfeo maceno jiha. Simo sehe cananista wama tiri curua macariro jimaha. Juda sehe Santiago maceno jiha. **14** Payu tahari ahriro jipihina, to curina, ã jichu numia, María Jesu pocoro, ã yoa Jesu bahana mehne cunu noano cahmachu, Cohamacu ã sinrucua tiha.

15 Ñ yoa tí dachorire masa payu cahmachuha. Ciento y veinte jia jiboa. Ñ jiro Pedro sehe tiro mehne macaina Cristo yaina watoi ducu, ñ sehe ni yahuha tinare:

16 —Yu coyea, Cohamacu panopu to niriro seheta ñ waharo nihre. Tíre Espíritu Santo Davi cjirore yahu dutiha Juda cjirore. Juda cjiro Jesure ñahahtinare ñoriro jihre. 17 Ñ yoah tiro jiparota mari mehne Jesu yare yoariro jimahre. Ñ jiro sã mehne macarirota jimahre —niha Pedro.

18 Juda cjiro sehe Jesure ño dutia ti waparire to wiari baharo to basita wajã yariaha. Ñ yoaro bora waha, to tu misida tuhna waha, yariaa wahaha. To wiari cjiri mehne paina mahancã yahpare nuchuha. 19 Jipihtina Jerusalẽ macaina masi pihtinocari jire Juda cjiro to ñano yoarire. Ñ masia ti ya dusero mehne to niñeru mehne ti nuchuri yahpa cjirore Acéldama wamoari jire. Acéldama nia, “Di yahpa”, nia nina. 20 Baharo ñ sehe ni namoha Pedro:

—Panopu to joariro seheta ñ wahahre Juda cjiro. Salmo to joari tjuí ñ sehe ni joaa tiha:

“Tiro to jiri wuhu masa marieni wuhu tjuarohca.

Ne noa jisi tí wuhure”,

ni joaa tiha. Ñ cuhure ñ sehe ni joaa tiha:

“Pairo to dahraa cjirore cohtotariro jirohca”,

ni joaa tiha Salmopu.

21-22 Ñ jina mari cãiro besejihna. João masare bautisariro cjiro masare to buhero watoi cãina Jesu yaina mari mehne wahare. Tina mehne macarirore cãiro bese nano cahmana mari mehne macariro cjihto. Jesu mehne mari jichu mari mehne ñ jirucurirore besero cahmana. Ñ mari beseri baharo Jesu to masa mujarire mari mehne buherohca —ni yahuha Pedro to coyeare Cristo yainare.

23 To ñ nichu tuhoa puarore bese dapoha tina. Cãiro José Justo wama tirirore beseha. Tiro Barsaba ti ni pisuriro jiha. Bese tuhsu, paire Matia wama tirirore beseha. 24-25 Tinare bese dapo tuhsu, tina Cohamacure ñ sehe ni siniha:

—Muhu sã puhtoro jipihtina masa ti tuhutuare masina. Ahrina puaro sã beseina jira. Juda cjirore cohtotahtirore diro mu cahmarirore besega. Jesure cohãtjiãhno Juda cjiro sehe pichacapu wahaha. Tirore cohtotahtiro Jesu to cãiro jirohca. Ñ jiro sã mehne noa buheare buherohca —ni siniha tina Cohamacure.

26 Ñ niata tãa mehne doca mājaha besea taa. Matia yaro to noano quihõno wijachũ, tiro sehe Jesu to cūrina once cūrina mehne macariro tjuaha.

Espíritu Santo Jesu yaina mehne ji ducaha

2 ¹ Ñ yoa Pentecoste wama tiri dacho jichũ tina jipihtina cũ wũhũ cahmachuha. ² Tí pjareta wihnono to tuaro taro seheta mũanopũ bisiro coa taha. To ã bisiro coa tachũ tũhoja jipihtina tí wũhũpũ jiina. ³ Ñ yoa picha pohna yoaro sehe jia tina jipihtina dapu poca bui bajuaha. Tí picha pohnaricã ñahmanoricã yoaro sehe bajuha. ⁴ Ñ yoa Espiritu Santo tinapũre sãarũcũ sũa wahaha. Tinapũre to sãarũcũ sũa wahachũ, paina ya durucua to durucuchũ yoaa mehne tina sehe paina ya durucua noano durucua.

⁵ Tí dachorire Jerusalẽpũ payũ judio masa, cũ curua macaina masa jipahta, paró paye yahpari macaina jiha. Cohamacũre ño payoina jiha. ⁶ Ñ yoa mũanopũ coa tachũ tũhoja tina Jesu buheina cahapũ payũ cahmachu wahcãha. Cahmachuina masape ya durucua Jesu buheina ti durucu pahñochũ tũhoja, tina tũho cũaa wahaha.

7-8 —Cuenah. ¿Dohse yoaa ahrina Galilea macaina jipahta mari ya durucua noano durucujari? Tina mari ya yahparũ taina yoaro seheta durucua nina —niha tina sehe.

9-10 —Jipihtina mari durucua mipũre durucua nina: Õpe yahpari macaina mari õre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia yahpai Cirene cahapũ jiina, Romapũ taina jija mari. Cãina judio masa waro jija mari. Paina judio masa dojoina jija mari. ¹¹ Creta macaina cũhũ, Arabia macaina cũhũ jira mari mehne. Mari payũ paró macaina soro durucua tiina mari jipanata ahrina sehe mari masape curuari macaina durucua ti durucuchũ tũhoja mari. Tina mari ya durucua mehne Cohamacũ tuaa mehne to yoirire yahua nina —ni durucua masa ti basi.

¹² Ñ niata tina cũaa waha, ti ñũri cũhũre ti tũhori cũhũre noano tũho ñahaeraha.

—¿Ahrina dohse jiro baro paina ya mehne Cohamacũ yare ã noano durucujari, mũsa tũhotuchũ? —ni cahma sinitu ñũha tina ti basi.

13 Wiho mejeta paina Jesu yaina ti durucuchũ tũhoina mehne macaina sehe tinare õ sehe ni bujũpeha:

—¿Dohse ahrina sihbiori sihni cahaa nijari? —ni bujũpeha paina tinare Jesu yainare.

Pedro masare yahuha

14 ã jiro Pedro once Jesu to cũrina mehne wahcãrucũ sũ, tuaro durucutjĩãhno masare õ sehe ni yahuha:

—Mũsa Judea yahpa macaina, jipihtina Jerusalẽpũ jiina, ahrire masiga mũsa. Yũ yahuchũ tũhoga mũsa. 15 Mũsa tũhotua quihõno jierara. Nueve hora jira mipũta. Mari chũ sihnini hora jierasínica. ã jia ahrina cahaina jierara. 16 Ahrina Cohamacũ panopũ to niriro seheta yoaa nina. Tí pjarũre Joere Cohamacũ yare yahu mũhtariro cjirore, ahrire yahu dutia tiha Cohamacũ sehe:

17 “Sohtori tia dachori jichũ õ sehe jirohca: ‘Yũ yairo Espĩriture masare jipihtinare warocaihtja.

ã jia mũsa pohnapũ yũ yare yahuahca.

ã yoa mũsa mehne macaina wahma yapia bajuamehneare ñũahca.

ã jia mũsa mehne macaina bũcũna cahãnopũ cahãahca.

18 ã jicũ yũ cahamacare, mũare, numia cũhũre yũ yairo Espĩriture warocaihtja.

ã jia tina yũ yare yahuahca.

19 Tuhsũ, yũ tuaa mehne bajuamehneare yoaa ñoihca mũanopũ.

Yahrapũ cũhũre yũ bajuamehneare ñoihca:

Dire, pichacare, mene ñoihca.

20 Tuhsũ, sũ dacho macariro nahitianore cohtotarohca.

Ñami macariro di yoaro sehe sohãriro cohtotarohca.

Õ sehe waharohca Cristo mũsa pũhtoro to tahti dacho, yũ niri dacho panoi.

Tí dachoi ñũ cũaa wahaahca masa.

ã jiro wiho jiri dacho jisi.

Tí dacho noari dacho jirohca.

21 ã jiro õ sehe jirohca.

Jipihtina masa Cristore ti ñaa buhirire cohã duti siniinare tiro tinare pichacapũ wahaborinare yũhdorohca’, nina Cohamacũ”,

ni joaha Joe.

22 'Musa Israe masa yu yahuchu tuhoga: Jesu Nazare macariro sehe Cohamacu to warocariro jihre. Jesure to warocarire masa ti masihto sehe Jesu to Pucuro ya tuaa mehne yoa ñohre musare. Musa tíre masina. 23 Jesure wajã dutina judio masa jierainare wahre musa. Cohamacu panopu to cahmariro seheta, "Ã waharohca", to niriro seheta ã yoahre. Ñ jina musa Jesure crusapu wajã dutihre Cohamacu dutiare cjaerainare. 24 Musa ã yoapachuta Cohamacu sehe Jesure yariariro cjirore masohre. Pari turi ne yariasi tiro. Tiro yaria dojoaerara. Ñ catirucutiro jira. 25 Õ sehe nia tiha Davi cjiro panopu macariro Cristo to ni durucuboriro seheta:

"Yu puhtoro yuhu mehne jira mahu.

Jipihtia dachoripe Cohamacu yu puhtoro yu cahai mu jichu ñua tihi yu cuierahto sehe.

26-27 Muhu Cohamacu yuhure yariaina ti jiropure ne cohãsi.

Yuhure mu cahirore ñanopu cohãsi mahu.

Yuhu mu cahamacuno muhure ño payoriro jija.

Yu pjacure baa dutisi mahu.

Ñ jicu tuaro wahcheja.

Wahchea mehne durucuja.

Ñ jicu muhure Cohamacure noano wacũ tuariro jicu ñaa buhiri marieriro jicu cuiro marieno noano jinocaja.

28 Yuhure pari turi catichu yoaihca mahu.

Yuhu mehne mu jichu tuaro wahcheja",

ni joaa tiha Davi cjiro Cristo to ni durucuboriro seheta.

29 'Coyea, õ sehe noano yahuihtja musare Davi cjirore mari coyeiro, panopu macarirore. Tiro yariaa wahaha. Ñ jiro tiro to masa copa mipure jisinina. (Ñ jiro "Yu pjacure baa dutisi mahu", ni joaro to basi wama payo yahuro nieraha.) 30-31 Panopu Cohamacu Davi cjirore õ sehe niha: "Potocã nii nija. Mu panamana ji turiaina mehne macariro mu yoaro seheta ahri yahpa macaina bui puhtoro jirohca", nia tiha Cohamacu Davi cjirore. Davi Cohamacu yare yahu mæhtariro cjiro jija. Ñ jiro Cristore Cohamacu to puhto sõhtore masino, Cristo to masa mæjahtore yahu mæhta tuhsuha Davi sehe. Õ sehe niha: "Tiro yariaina ti jiropure ji dojoasi. To pjacu tõi baasi", nia tiha Davi cjiro. 32 Ahriro Jesureta Cohamacu masohre. Sã jipihtina

tirore ññhi. ³³ Mipure Cohamacu poto buhuseheru jira dutiriro jiro. Tó panopu to Pucuro “Espíritu Santore mu yainare warocaihtja”, to ni cūriro seheta wari jire Jesure. Ñ jiro Jesu sehe ahrinare Espiritu Santore warocari jira. Ñ jina mipure Espiritu to yoare musa ññ, tūhona nina. ³⁴ Davi cjiro sehe Jesu to mujariro seheta manopu mjaeraa tiha. Ñ jiro tiro to basi ò sehe nia tiha:

“Cohamacu ò sehe nire yu pūhtorore: ‘Yu poto buhusehei dujiga mññ.

³⁵ Mūhure ññ tuhtiinare mūhure cūihtja mu cahamaca yoaro sehe jhtinare’, nire Cohamacu yu pūhtorore”,

nia tiha Davi cjiro.

³⁶ Ñ jina jipihtina Israe masa ahrire noano masiga musa: Ahriro Jesure musa crusapu wajāriro cjirore musa pūhtoro sōhre Cohamacu sehe. Tirore musare yūhdohtirore Cristore cūre Cohamacu —ni yahuha masare Pedro.

³⁷ To ã nichu tūhoa tuaro cahya, pjiro tūhotua, masa sehe Pedro cūhure ò sehe ni sinitu ññha:

—¿Sã coyea, dohse yoanahcari sã? —ni sinitu ññha tina.

³⁸ Ti ã ni sinitu ññchu ò sehe ni yūhtiha Pedro:

—Musa ñaa yoari buhirire cahyaga. Musa ñaa tūhotumari cjirore tūhotu cohtota, “Ñ tjiri jira” ni, Cohamacureta maca, tūhoga. Ñ yoa Jesu yaina jina, bautisarina jiga musa jipihtina. Jesure musa wacū tuachu ñño, musa ñaa yoari buhirire borohca Cohamacu. Tó sehe musa yoachu Espiritu Santore warohca musare. ³⁹ Musare, musa pohñare, musa panamana ji turiainare, yoaro macainare, ã yoa jipihtina Cohamacu mari pūhtoro to beserinare, “Potocāta yūhdoihtja musare”, ni cūha Cohamacu —niha Pedro.

⁴⁰ Tuhsu, tuaro mehne ò sehe ni yahu quihōha tinare:

—Ahri yahpa macaina, Cohamacure ji coerainare buhiri dahrerohca Cohamacu. Wiho mejeta musa sehe, tina watoi jiina, Cohamacu yahurire, “Ñ tjira”, ni bahrañoga musa yūhduhto sehe —yahu quihōha Pedro masare.

⁴¹ To ã nichu tūhoa tina payu to yahuare noano tūhoha. Ñ jiro tinare tiro bautisa dutiha. Tí dachore Cohamacu yaina mehne macaina tres mil masa waha namoha. ⁴² Ñ yoa tina masa Cristo to cūrina mehne dachoripe cahmachu, tí buheare

tũho nũnũ, tíre yũhti mũjaa tiha. Tina pãore nuha, cahma witi, Cohamacũre sini, Cristo to cũrina mehne noano jinocaa tiha.

Jesu yaina wahma ji dũcaina ti jia tiare yahuha

43 ã yoa Cohamacũ to tuaa mehne yoa ño mũjaha to cũrina. Ti ã yoachũ ñũa masa jipihtina ñũ caaa wahaa tiha. 44 Jipihtina Jesure wacũ tuaina cahmachu, noano jinocaa tiha. ã jia ti yare cahma witia tiha. 45 Ti yare dua, jipihtinare paye baro maerainare cãina ti cahmaare waa tiha tina. 46 ã jia dachoripe tina Cohamacũ wũhũ wijaaroi cahmachua tiha. ã yoa cãa wũhũse, ti ya wũhũsepũ cũhũre nohopeina cahmachu, pãore nuha, wahchea mehne tina cũnoi chũa tiha. 47 Ti ã cahmachuno watoi “Cohamacũ noariro jira”, ni ño payoa tiha. Paina masa tinare ji coa yũhdũa tiha. ã yoaroi dachoripe Cohamacũ painare to yaina to yũhdohtina wahachũ yoa tiha.

Tini masierarirore noariro wahachũ yoaha Cohamacũ

3 1 Cũ nũmũ ñamichahapũ tres jichũ Cohamacũ mehne durucuri pja jichũ Pedro, João mehne Cohamacũ wũhũpũ wahaa niha. 2 Dachoripe tí wũhũre ti sahrĩ sãari sahrĩno tãa mehne ti yuari sahrĩno macari sopaca cahai paina cũiro masũnore na ta duhu dapoa tiha. Tí sopaca noari sopaca wama tiha. Tiro masũno sehe wahma masa bajuaropũta dojori wahiro jiro tini masierariro jiha. ã jiro tiro tí sopaca cahai niñerure sini dujia tiha tí sopacai sãainare. 3 ã yoa Pedro, João mehne tí sopacare ti sãa cahachũ tini masierariro sehe tinare ñũ, niñerure siniha. 4 ã jia tina pũaropũta tirore ñũ, Pedro sehe õ sehe niha:

—Sãre ñũga mũhũ —niha Pedro tirore.

5 To ã nichũ tũhoro “Ahrina mahanocã yũhũre niñerure waahca”, ni tũhoturo ñũroca õ tũhoaha tinare. 6 To ã ni tũhotupachũta Pedro tirore õ sehe ni yahuha:

—Niñerure cjueraaja yũhũ. Cjueraepaihta, ahrire yoaihtja mũhũre. Jesucristo Nazare macariro to tuaa mehne wahcãrũca, tiniga mũhũ —niha Pedro tini masierarirore.

7 ã ninota to wamomacare poto bũhũsehe macari wamomacare ñaha, tirore waja wahcõ dapoha. To ã yoachũta tini masierarirore to ñũchũa tuaa wahaha. 8 To ã wahachũta tiro wahcãrũca purũcũ sũ, tini dũcaha. ã tini dũcaro tiro waha, pu tini “Cohamacũ noariro jira”, to ni wahcheriro mehne tina

mehne Cohamacu wuhu macari sahrino puhichapu saa wahaha. 9 To a tinichu "Cohamacu noariro jira", to nichu masa jipihtina tirore nhu. 10 A jia masa tirore nu masiha. Tiro Cohamacu wuhu macari sahrino ta mehne to yoari sahrino macari sopaca noari sopaca cahai niñerure to sini dujirire masiha masa. A jia tiro to tinichu nu, nu caa wahaha.

Cohamacu wuhui Pedro masare buheha

11 A yoa tini masierariro cjiro Pedro cuhure to siõ suha mujano watoi, masa jipihtina nu caa waha, noari warapu Salomo wama tiri warapu muroca wahca, cahmachuha. 12 Ti a cahmachurucu suchu nuño, Pedro sehe õ sehe ni yahuha tinare:

—Musa Israe masa, ¿dohseana ahrirore nu cuajari? ¿Dohseana sare musa nu nunajari? Sa sehe sa ya tuaa mehne noaina sa jia tia mehne sa mu suro ahrirore tinichu yoerahi sa. Jesu sehe tere yoahre. 13 Abrahã, Isaa, Jacobo mari nuhchusuma, panoru macaina ti yairo Cohamacu sehe to cahamacuno Jesure Jipihtina Bui Jiro cuhre. Wiho mejeta musa sehe to sehe jirore tirore nu tuhtiinare wahre. Baharo puhtoro Pilato tirore to wio duapachuta, musa sehe tirore to wiochu cahmaerare. 14 Pilato tirore wio duamahre. Wiho mejeta musa Jesure naa buhiri marierore, quihono yoarirore cahmaerana, paire masa wajariro sehere wio dutihre musa. 15 A yoana Jesure marine catichu yoarirore wajachu yoare musa sa coyea judio masa. To yariachu Cohamacu tirore masohre. Tere sa nuhi. 16 A jina Jesu pjiriro to jia tiare wacu tuaina jia. Tirore sa a wacu tuachu nuño ahrirore musa mipu nuirirore musa nu masirirore Jesu sehe to tuaa mehne tinichu yoahre.

17 Yu coyea, musa puhto mehne Jesure noano masierapanahta tirore wajachu yoare musa. Tere masija yuh. 18 Wiho mejeta panoru macaina Cohamacu yare yahu muhtaina cjiro Cohamacu tinare to yahu dutiriro sehetu, yahua tiha tina. "Cristo nano yuhdu, yarirohca", ni yahua tiha tina. Ti a ni yahuro sehetu a wahahre mipere. 19 A jina musa naare yoari buhirire cahyaga. Musa tuhutumari cjirire tuhutu cohtota, naare musa goa pjarire duhu, Cohamacureta majareruca, to ya sehere quihono tuhoga. Musa tirore majareruca, quihono tuhochu nuño, Cohamacu musa naare yoari buhirire borohca. A boro, musare wahchehti dachore cu, musare noano yajeri sachu yorohca

tiro. 20 Ñ yoa tiro m̄sa p̄htoro cjihtore to beseriro Cristore m̄sare warocarohca tjoa. Tiro Cristo sehe Jesuta jira.

21 Cohamac̄ cahap̄ jisininohca Jesu, p̄ Cohamac̄ ahri yahp̄ jipihtiare wahma to cohtota pahñoch̄p̄. To ã cohtota pahñoh̄tore Cohamac̄ yare yahu m̄htaina cjiri, to yaina waro panop̄ yahu quih̄ tuhs̄a tiha. 22 Moise cjiro tíre yahuro ò sehe ni m̄htaha: “C̄iuro mari mehne macarimore mari coyeiroreta Cohamac̄ yare yahu m̄htahtiro cjihtore Cohamac̄ mari p̄htoro warocarohca m̄sare. Ȳh̄ure to warocariro seheta warocarohca tiro c̄h̄ure. Ñ jina m̄sare to yahuch̄ t̄hona, ‘Jai’, ni ȳhti pihtinocaga m̄sa. 23 Ò sehe jirohca. Jipihtina tiore ȳhtieraina to coh̄htina jiahca. Cohamac̄ yaina mehne macaina jisi tina”, ni m̄htaa tiha Moise cjiro.

24 ‘Jipihtina Cohamac̄ yare yahu m̄htainape Samue, ã yoa to baharo jiina c̄h̄u mip̄ jia dachori cjihtire yahu m̄htaa tiha. 25 Mari ñ̄ch̄s̄uma cjirire, Cohamac̄ yare yahu m̄htaina cjiri c̄h̄ure panop̄ macainare yahua tiha Cohamac̄. Mari c̄h̄ure ã ni yahuro nia tiha. Abrah̄re to niriro seheta mari c̄h̄ure ni yahuro nia tiha. Ò sehe ni yahua tiha Cohamac̄ Abrah̄re: “Jipihtiro ahri yahpa macainare noano yoaihtja. Ò sehe tíre yoaihtja: M̄ coyeiro baharo jiriro sehe masare noano yoabasrohca ȳh̄ure”, nia tiha Cohamac̄ Abrah̄re. 26 Cohamac̄ to mac̄nore masa wijach̄ yoaro mari cahap̄ waroca m̄htare mari ñ̄aa yoare duhuch̄ yoahtirore. Ñ yoaro marine tiro noano yoare —niha Pedro tinare.

Pedro, João mehne p̄htoa mehne s̄h̄uduha

4 1-3 Pedro, João c̄h̄u masa mehne ti durucuro watoi sacerdotea, Cohamac̄ w̄h̄ure cohtaina surara p̄htoro, saduceo curua macaina c̄h̄u tinare t̄hoha. Ò sehe ni buheha Pedro João mehne masare:

—Jesu to yariari baharo masa m̄jaa wahahre. To ã masa m̄jarire ñ̄na mari c̄h̄u baharo to yaina mari masa m̄jahtore masija mari —ni yahua Pedro c̄h̄u.

Ti ã nich̄ t̄hoa p̄htoa sehe tina mehne suaha. Ñ suaa nahi cahach̄ ñ̄a tina Pedrore, João c̄h̄ure ñ̄aha, peresu yoaha. 4 Ñ tinare peresu ti yoapach̄ta paȳ ti yahua t̄hoina sehe “Potoc̄ta jira”, ni t̄hotuha. Ñ jia Jesu yaina paȳ waha, tí dachoi wahma to yaina ji d̄caina, ã yoa tó panop̄ Jesure

wacũ tua tuhsurina mehne mũa sahserore mari quihõchũ, cinco mil masa sũro cahai jiha.

5 ã yoa pa dachoi tí maca macaina pũthoa, bũcũna, ã yoa judio masa buheina cũhũ Jerusalẽpũ cahmachuha. 6 Tĩ ã cahmachunoi sacerdotia bui pũthoro, Ana wama tiro cũhũ tói jiha. ã yoa to coyea cũhũ jiha. Caifa, João, Alejandro, paina mehne Ana coyea cũhũ jiha. To coyea to dahraare dahraina jiha tina cũhũ. 7 ã jia tina Pedro cũhũre ti cahmarocachũ, surara sehe pũthoa watorũ tinare naa wihi dapoha. Tĩ ã na wihi dapochũ, tina pũthoa õ sehe ni sinitu ñũha Pedro cũhũre:

—¿Noa ya tuua mehne mũa tirore noariro yoari? ¿Noa jijari mũsare tíre yoa dutiriro? —ni sinitu ñũha tina.

8 Tĩ ã nichũ tuhoro Espĩritu Santo to yoa dutiriro seheta to tuua mehne yahuha Pedro tinare:

9 —Mũa pũthoa, ¿mũa bũcũna, sã dohse yoa ahriro tini masierarirore sã tinichũ yoarire masi duana, sãre sinitu ñũna nijari mũa? 10 Tĩ pja pini ahrire masiga mũa jipihtina, Israe masa. Jesucristo Nazare macariro, mũa crusapũ wajãriro, Cohamacũ to masoriro tiro sehe ahriro tini masierarirore noariro wahachũ yoahre. ã jina ahrirore mipũre mũa ñũrocaroi to tinichũ ñũna mũa. Õ sehe nina Cohamacũ yare ti joari pũi Jesu cjihtore yahuro: 11 “Ahriro tãca yoaro sehe jiro jira. Tãcare wũhũ dahreina wiho jiriare ti cohãriro seheta mũa judio masa tirore cohãhre. Mũa ã yoapachũta mipũre wũhũ dahreina wũhũre yoaa ti cũ mũhtari tãcare ti cũriro seheta Cohamacũ tirore pũthoro sõhre. Tiro Cristo mariachũ Cohamacũ yaina wahaeraboa masa. (To ã wiho jiro jierapachũta mũa mari pũthoa mehne tirore cahmaerare. Mũa ã cahmaerapachũta Cohamacũ sehe tirore mari pũthoro sõhre)”, ni joaha panopũ. 12 Ne, paio masare pichacapũ wahaborinare yũhdoriro ne mariahna. Ahri yahrapũre Jesu dihta masare yũhdoriro jira. Ne paina tiro yoaro sehe jiina mariahna —ni yahuha Pedro tinare.

13 To ã ni yahuri baharo Pedro, João mehne buhemahnoeraina jipahta cuiro marieno ti buhechũ ñũa, pũthoa, bũcũna, judio masa buheina mehne ñũ cũaa wahaha. ã jia Jesu yoaro sehe ti buhechũ ñũa, õ sehe masiha tina: “Potocã Jesu mehne macaina tjira ahriro”, ni masiha tina.

14 ã yoa tini masierariro cjiro Pedro cũhũ mehne jiha. Tiro to noariro jichũ ñũha pũthoa, bũcũna, judio masa buheina mehne.



Ã jia tina Pedro chre “Ñano yoaa nina”, ni yahus masieraha.
 15 Ã yahus masieraa phtoa ti cahmachuri tahtiap jianare
 Pedro chre wijaa dutiha. 16 Ti wijaari baharo phtoa sehe ti
 basi õ sehe ni shduha:

—¿Ahrinare dohse yoanahcari mari? —ni durucuha tina ti
 basi.

Õ sehe ni durucu namoha:

—Pedro, Joo Cohamac tuua mehne tini masieraritore
 tinich yoari jire. Ã jia Jerusal macaina jipihtina ti  yoarire
 masica. Ã jina mari sehe “Ã yoerare tina” ni masieraja mari.
 17 Ã jina Jesu to buheri cjirire painare buhe dutiena tjijihna
 tinare, “Paina t buheare cahmari”, nina —ni durucuha tina ti
 basi.

18 Ã ni durucu tuhsa Pedro chre pjiroca, õ sehe niha:

—Jesu to buheri cjirire ne buhena tjiga painare. Tre ne
 durucu namoena tjiga —ni yahumaha tinare.

19 Ti ã ni yahuchũ tũhoa tina Pedro João mehne õ sehe ni yũhtiha tinare:

—Mũsa õ sehe ni dutichũ mũsare yũhtina, Cohamacũ sehere yũhdũrucana niboca sã. ¿Diro ya sehere sã yoachũ quihõno jijari Cohamacũ to ñũrocarore? ¿Mũsa ya sehere sã yoachũ quihõno jijari? ¿Cohamacũ ya sehere sã yoachũ quihõno jierajari, mũsa tũhotuchũ? 20 Sã sehere sã ñũrire, sã tũhorire sãre yahto basioerara —ni yũhtiha Pedro, João mehne.

21 Ti ã nichũ tũhoa pũthoa sehe pari turi dutimaha tjoa tinare:

—Jesu to buherire mũsa buheri buhiri ñano yũhdũnahca mũsa —niri jimare pũthoa tinare.

“João, Pedro mehne ñano yoaa nina”, ni masierari jire tina. ã jia masa sehe tini masierariro to noariro wahachũ ñũa, “Cohamacũ potocãta noariro jira”, niha masa. Ti ã nichũ tũhoa pũthoa sehe Pedro cũhũre ti dohse yoa buhiri dahreboare bocaeraa, tinare wioha. 22 Tini masierariro, noariro ti yoariro cuarenta cũhmari bui cjuariro jiha.

Jesu yaina ti cuierahto cjihtore siniha Cohamacũre

23 ã yoa, Pedro João mehne ti wiori baharo tina mehne macaina cahapũ sũ, sacerdotea pũthoa, bũcũna jipihtia tinare ti niri cjirire yahuha. 24 Ti ã ni yahuchũ tũhoa tina jipihtina cũno potori Cohamacũre siniha:

—Sã pũhtoro mũhũ mũanore, yahpare, mări cũhũre yoariro jipihtina catinare bajuamehneriro jira mũhũ. 25 Mũ Espĩritu Santo sã ñũchũ cjirore Davire mũ cahamacũnore ahrire yahu dutia tiha mũ niriro seheta:

“¿Dohse yoa Israe masa jieraina suajari?

¿Dohse yoa Cohamacũre ti yũhdũrucãhtire wiho waro durucujari tina?

26 Payũ yahpari macaina pũthoa cahmachu, mari pũhtoro Cohamacũre, to pũhtoro sõriro Cristo cũhũre ñũ tuhti, ñano yoa duara tinare”, ni yahua tiha Davi cjiro mũ ni dutiriro seheta.

27 ã tjiira. Ahri macai Herode, Poncio Pilato, judio masa jieraina, ã yoa judio masa cũhũ cahmachuhre, mũ beserirore Jesure noariro mũ cahamacũnore wajãa taa. 28 Tĩ pja mũ cahmariro seheta “ã waharohca”, mũ niriro seheta yoahre tina. Mũ masia mehne ã ni yahuha mũhũ. 29 ã jicũ mipũre sã

pũtoro, tina sãre purĩno mehne mũ jia tiare ti yahu namo dutierachũ wacũ payoga mũhũ. Sãre mũ cahamacare cuiro marieno mũ buheare yahuchũ yoaga sãre. ³⁰ Mũhũ mũ tuaa mehne dohatiinare noaina yoaga. ã jicũ mũ buheare cuiro marieno yahu dutiga sãre. ã yoa Jesu noariro mũ cahamacũno to tuaa mehne yoa ño masichũ yoaga sãre. ã jicũ dohatiinare noaina sã waha dutichũ to tuaa mehne yoadohoga sãre —ni siniha tina Cohamacũre.

³¹ Ti ã ni siniri baharo, ti cahmachuri wũhũ ñuhmi mũaa wahaha. To ã ñuhmichũta Espĩritu Santo to tuaa mehne wacũ tua namoina wahachũ yoaha tinare. Tinare ã wahachũ Espĩritu Santo to dutiriro seheta yoaa, cuiro marieno Cohamacũ yare yahu namoha tjoa tina.

Jesu yaina ti yare tju waa tiha

³²⁻³³ ã jia Cohamacũ to tuaa mehne tina Jesu to cũrina õ sehe ni yahua tiha masare: “Jesu yariariro to masarire sã ñũhi”, ni yahua tiha tina masare. ã jiro tinare jipihtinare Cohamacũ noano yoadohorucua tiha. ã yoa Jesure wacũ tuaina payũ jia, tina cũno potori tũhotuina jia tiha. ã jia tina ti yare ti cjuare “Yũ ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha. ³⁴ ã jia tina mehne macaina pjacũoina mariea tiha. Tina mehne macaina yahpari cjuaina, wũhũse cjuaina ti yare duaa tiha. ³⁵ ã duaa ti wapa narire tina na ta, Jesu to cũrinare waa tiha. ã jia tina sehe tíre tina mehne macainare tju waa tiha. Jipihtina cjuarainare tju waa tiha. ³⁶ Tí pjare cũiro tina mehne macariro José wama tiro jia. Jesu to cũrina Josére Bernabé ni wama pisuha. To wama Bernabé “Masare wahchechũ yoariro jira”, nia nina. Tiro Leví ya curua macariro Chipre nũco macariro jia. ³⁷ ã jiro tiro yahpare cjuariro jiro tíre duaha. ã duaro to wapa narire Jesu to cũrinare waha tiro painare witi dutiro.

Anania to namono Safira mehne mahñoaha

5 ¹ Paina cũhũ Bernabé yoaro sehe yoaa timaha. Tina Anania wama tiro, to namono Safira wama tiricoro jia. Ti ya yahpare duaha tiro. ² ã duaparota tiro to wapatarire to basi naha. To namono cũhũ to ã yoirire masiha. ã jiro ti wapataa ti dũharire na ta, Jesu to cũrinare waha Anania sehe.

Ã waro “Wa pahñoi nija”, nimaha tiro. ³ To ã yoachũ ñũno Pedro tirote õ sehe ni yahuha:

—Anania, watĩno mũhũre mahño dutiri jire Espĩritu Santore. ã jicũ mũ ya yahpare dua, mũ wapatarire mũ basi nari jire mũhũ. ⁴ Mũ duahto pano mũ ya yahpa jihre. ã jiro mũ duari baharo mũ ya wapataa jihre. ¿Ã yoacũ dohse jiro baro ã mahñori mũhũ? Mũhũ sã dihtare mahñoerare. Cohamacũ cũhũre mahñohre mũhũ —niha Pedro tirote.

⁵ To ã nichũ tũhorota, Anania sehe doca caha sũ, yariaa wahaha. ã jia jipihtina tiro to ã wahachũ masia, tuaro cuiha. ⁶ To yariari baharo wahma yapia ta, to pjacũre suhtiro cahsaro mehne wahma, sopacarpũ na wijaa, masa coparpũ cohãnocaha tirote.

⁷ ã yoa tia hora baharo Anania mũnano namono, to yariarire masieraro Pedro caharpũ sãaha. ⁸ ã jiro Pedro ticorore õ sehe niha:

—¿Mũsa ya yahpare duatjiãhna noho puro wapatarĩ mũsa? —niha tiro.

ã jiro ticoro to manũno mũnano to niriro purota, “Tó purota wapatahi sã”, ni yũhtimaha ticoro.

⁹ To ã ni yũhtichũ tũhoro Pedro õ sehe ni yahuha ticorore: —¿Dohse yoana mũsa cũno potori Cohamacũ Espĩriture mahño duajari? “¿Potocãta marine buhiri dahrebocari?” nina. Tũhoga mipũre. Mũ manũ cjirore yarina tara. Mũhũ cũhũre mũ pjacũre naa taa nina —niha Pedro.

¹⁰ To ã ni yahuchũta ticoro doca caha sũ, yariaa wahaha. ã jia wahma yapia tí wũhũre sãa wihi, ticoro pjacũre na wijaa wahaha. Na wijaa, to manũno mũnano pari wahpa ticoro pjacũre masa coparpũ cohãha. ¹¹ ã jia Jesu yaina jipihtina paina tíre tũhoa cui yũhdũa wahaha.

Jesu to cũrina Cohamacũ tuaa mehne yoa ñoha

¹² ã yoa masa watoĩ Jesu to cũrina payũ tahari Cohamacũ tuaa mehne yoa ñoa tiha. ã yoa tina Salomo wama tiri tahtiarũ tihamahnoeni tahtiarũ cahmachua tiha. ¹³ ã jia paina Jesu yaina jieraina sehe cui curea, tina caharpũ wahaera tiha. ã cuiipahta tinare Jesu yaina warore “Noaina jira ahrina”, nia tiha masa. ¹⁴ ã jia mũa, numia payũ Jesure wacũ tua dũcaa tiha. ¹⁵ ã jia tina dohatiinare na ta, coma yosaa mehne pjũpaha duhu cũa tiha maharpũ tinare. ã yoaã Pedro tinare to ña

payochu cahmaha tinare na taina sehe dohatiina ti noaina wahachu cahmaa. Tinare to ña payoerachu Pedro ti bui masurca cūchu cahmaha tina. Tí dihtare cahmaa tiha ti noaina wahahto sehe. **16** ã jia Jerusalē cahai jia macari macaina cūhu dohatiinare, watia ti saina cūhure na taa tiha. Tí ã na tachu tina jipihtina ti pjacuri noaina wahaha.

Jesu to cūrinare paina ñano yoaa tiha

17 Tí ã yoachu ñua sacerdotea bui puhtoro, tiro mehne macaina mehne Pedro cūhure ñu tuhtiha. Sacerdotea puhtoro mehne macaina saduceo curua macaina jiha. **18** ã ñu tuhtia tina sua yuhua Jesu to cūrinare ñaha, peresu yoaha. **19** ã jiro ñamiru Cohamacu yairo anjo pjōoha tinare peresui dujiinare. ã yoa tinare wijaa ta dutiro ò sehe ni yahuha anjo:

20 —Cohamacu wuhuru wahaga. Tí wuhuru jina Cohamacu to masorire ahri noaa buheare yahuga masare —niha anjo tinare.

21 To ã nichu tuhoa, ñamiwacūnu jichu Cohamacu wuhuru sã, masare buhea tiha tina. Tí dachoihta sacerdotea puhtoro, tiro mehne macaina, Israe masa puhtoa mehne cahmachu, Jesu to cūrinare peresuru jiiinare na ta dutimaha surara puhtoare. **22** Wiho mejeta surara puhtoa peresu ti yoari wuhuru waha, ñumaha. Tinare bocaeraha. Bocaeraa tjuaa wahaha. Tju su ò sehe ni yahuha ti puhtoare:

23 —Peresuru jia pahmari bihaa pahmari jihre. ã jia tí pahmari cahai ti peresu yoinare cohtaina ti ducuchu ñuhi sã. Wiho mejeta pjō sã, sã ñuchu, ti peresu yoina mariahre —ni yahuha tina.

24 Tí ã nichu tuhoa, surara Cohamacu wuhure cohtaina puhtoro, sacerdotea puhtoa mehne tíre tuho, caaa waha, “¿Dohse waha sohtori tiahcu tina ã yoaa?” ni tuhotuha tina. **25** ã jiro tina caharu paio su, tinare ò sehe ni yahuha:

—Musa peresu yoina Cohamacu wuhuru jihre. Ñua waha wiho. Tí wuhuru masare buhea nihre tina —ni yahuha.

26 To ã nichu tuhora, surara puhtoro, to surara mehne waha, Jesu to cūrinare pari turi ñaha taha tjoa. Wiho mejeta tinare surara tuhtieraha. ã jia tinare cjāborina jipahta, masare cuia cjāeraha tinare. “Ahrinare mari cjāchu paina masa sehe tã mehne docaahca marine”, ni tuhotuha tina surara sehe.

27 Ñ jia tinare na ta, pũhtoa panoi duhu dapoha tina. Ti ã na wihi dapochũ sacerdotea pũhtoro tinare õ sehe ni tuhtiha:

28 —Mũsare sã tuaro dutimahi. “Jesu yare buhena tũjiga”, nimahi sã mũsare. Sã ã nipachũta mũsa sehe jipihtina Jerusalẽ macainare buhehre mũsa. Jesu to yariari buhiri, sãre buhiri tichũ yoa duana nica mũsa —niha pũhtoro sehe.

29 To ã nichũ tũhoro Pedro sehe paina Jesu to cũrina mehne õ sehe ni yũhtiha:

—Cohamacũ to dutiri sehere yoa mũhtanahtja. Ñ jina baharo Cohamacũ cahmachũ masa ti dutiare yoanahtja.

30 Cohamacũ, mari coyea panopũ macaina pũhtoro, Jesure masori jire. Tirota jira mũsa crusapũ cjã puha wajã dutiriro.

31 Jesure “Noariro jira” ni, to poto bũhũsehei duji dutihre Jesure Cohamacũ sehe. Ñ jiro Jesu masa pũhtoro, masare masoriro jiro, Israe masare ti ñaa yoarire cahyaina ji dutiro, ti ñaa yoari buhirire cohã duara Jesu. 32 Ñ jina sã sehe Jesu to yoarire ñũrina jina tíre yahuja sã. Espíritu Santo tíre ñũriro jiro yahura tiro cũhũ. Tirore Espíritu Santore Cohamacũ warocahre. Jipihtina Cohamacũ dutiare yoainare tiro Espíritu Santore wahre —ni yahuha tinare.

33 To ã nichũ tũhoa pũhtoa sehe sua yũhdũaha. Ñ suaa, tina Jesu to cũrinare wajã duamaha. 34 Wiho mejeta Gamalie, fariseo curua macariro tói jiro tinare wajã dutiro taro nieraha. Tiro pũhtoa mehne macariro, dutiare buheriro to jichũ, masa tirore ño payoa tiha. Tiro Jesu to cũrinare mahanocã cohta dutiro pa sehepũ tinare naa wahcã dutiha surarare. 35 Ti ã naari baharo tiro õ sehe ni yahuha masare:

—Mũsa Israe masa, ahrinare mũsa yoahitre noano tũhotuga “Mũsapũ wajãri”, nina. 36 Wacũga Teuda cjirore. Tiro to basi “Masare yũhdũrucariro jija yũhũ”, nire masare. To ã yoachũ ñũa, masa payũ cuatro cientos masa tiro mehne macaina tjuare. Baharo paina sehe tirore wajãri jire. To buheare buherina cjiri sehe waha sitea wahari jire. Ñ jia tina cjiri mipũre mariaha. 37 Baharo masare ti quihõri pja jichũ Galilea macariro Juda wama tirore cjiro masare to buhechũ tiro mehne masa payũ tjuare. Tiro cũhũ yariaa wahari jire. Ñ yoa to yaina jipihtina waha sitea wahari jire. 38 Ñ nicũ mũsare mipũ ahrire nii nija. Ñ ñũnocahga ahrinare Jesu yare yahuinare. Ñ yoa ahri buhea, ahri na ti ya buhea Cohamacũ ya buhea jieraa, pihitia wahaahca Teuda cũhũ ti ya buhea ti pihitiriro seheta. 39 Wiho mejeta

ahri Cohamacu ya buhea jia, ne pihtisi. Ahri buhea Cohamacu ya jichu ne ahrire butichu yoa masierara musa. Musa ahrire butichu yoa duana Cohamacu mehne cahmachena niboca musa —niha Gamalie tinare.

⁴⁰ To ã ni yahuchu tũhoa, “Potocã tjira”, ni tũhotuha masa. ã Jia tina Jesu to cũrinare pjiroca, ti wihichu ñna, tinare tjanaha. “Jesu yare buhe namoena tjiga musa”, ni tuhsu, tinare waha dutiha. ⁴¹ Ti ã waha dutichu tũhoa tina pũtoa cahapu jirina cjiri wahaa wahaha. Jesu yare ti yoari buhiri ñano yũhdna tuaro wahcheha Jesu to cũrina. ⁴² ã Jia dachoripe Cohamacu wũhu cahai jia waparihi, ti ya wũhusei Cristo yare buhea, yahua tiha tina.

Siete yoadohinare beseha Jesu yaina

6 ¹ Tĩ dachorire Jesu yaina payu wahaha. Wiho mejeta ti ã waharo wato, cũ curua macaina judio masa jipahta, pa seheru masa bajuaina griego ya durucuina jiha. ã Jia tina tóita masa bajuaina hebreo ya durucuinare õ sehe ni tũhotu, nureha: “Dachoripe masare yoadohoare ti witichu, mari griego ya durucuina wapewahya numia sehere daacã waro wara”, ni tũhotu, nure cohtaha. ² Ti ã nurechu masia, Jesu cũrina, doce jiina sehe jipihtina Jesu yainare ti cahapu pjiroca, õ sehe ni yahua tinare:

—Sã Cohamacu yare buheina jija. Tĩre duhu, masare yoadohoare witiborina sã jirucuchu tó wahaerara. ³ Musa sã coyera, siete mũare, paina noaina ti niinare Espĩritu Santo to dutirire yoainare, noano tũho masiinare macaga. Tinare ahri dahraare cũga musa. ⁴ Wiho mejeta sã sehe dachoripe Cohamacure sini mũja, Cohamacu yare painare buhenahca —ni yahua tina Jesu to cũrina.

⁵ Ti ã nichu tũhoa, “Jai. ãta yoajihna”, niha tina jipihtina Jesu yaina. Baharo Estebãre Cristore wacũ tuarirore, Espĩritu Santo to dutiare yoarirore beseha tina. ã Jichu Felipere, Prócorore, Nicanore, Timore, Parmenare, Nicola cũhure Jesu yainare yoadohohtinare beseha tina. Nicola sehe Antioquía macariro, judio masũno jierariro, judio masa ya buheare cahmano, tina mehne sãariro jiha. ⁶ Tinare bese tuhsu, ti beserinare Jesu cũrina cahai na wihaha tina. Ti ã na wihichu ñna, tina Jesu cũrina sehe tinare Cohamacure sini payo tuhsu, ti dapu poca bui ti wamomacarine duhu payoha.

7 Ñ yoa Jesu yaina painapũre Cohamacũ yare yahu site pahñoa wahaha. Ñ jia Jerusalẽpũ jiina paina Jesu yaina payũ waha namoha. Sacerdotea cũhũ payũ Jesu yaina wahaha.

Paina Estebãre ñahaha

8 Ñ yoa cũiro masare yoadohoare witi cohtariro Estebã sehe Cohamacũ to noano yoariro ji, Cohamacũ tuaare cjũariro jiha. Ñ jiro tiro Cohamacũ tuaa mehne yoa ño mũjaha masa ti ñũrocaroi. 9 Wiho mejeta judio masa buheri wũhũ macaina tirore ñũ tuhti, to yahuchũ, tirore soro ni cohtaha. Tina soro ni cohtaina “Cahamaca ji, wjjarina cjiri”, wama tiri curua macaina sehe jiha. Ñ jia Cirene macaina, Alejandría macaina, Cilicia macaina, ã jichũ Asia macaina cũhũ jiha tina. 10 Tirore soro ni cohtapahta, Espĩritu Santo to masia mehne Estebã to durucu mihnichũ, tina to buheare ti dohse soro ni yũhtiboare wacũ bocaeraha. 11 Ti soro ni yũhtiboare wacũ bocaeraa, tina painare mahño dutia, wapaha tinare. Ti ã mahño dutichũ õ sehe ni yahusãmaha tina:

—Ahriro Cohamacũre, ã jichũ Moise cjirore Cohamacũ to cũri dutia cũhũre to ñano durucuchũ sã tũhohi —ni yahusãmaha tina mahñoina Estebãre.

12 Ti ã nichũ tũhoa masa, judio masa buheina, bũcũna cũhũ tiro mehne suaha. Ñ jia tina Estebãre ñaha, ti pũhto cahapũ naaha tirore. 13-14 Ñ yoa tina painare mahño dutiha:

—Ahriro dachoripe Cohamacũ wũhũre, to dutia cũhũre ñano durucuriro jira. Tũhohi sã tirore to õ sehe nichũ: “Jesu Nazare macariro Cohamacũ wũhũre cohã, ã yoa Moise dutiri cjiri, marine to yahu cũri cjirire cohtotarohca”, nihre Estebã sã tũhochũ —ni mahño yahusãmaha tina.

15 Ñ jia jipihtina tói dujiina Estebãre noano ñũroca õ, to wũhdũare ñũha tina. Anjo yoaro sehe bajuha to wũhdũa.

Estebã Jesu yare yahuha

7 1 Ñ yoa sacerdotea bui pũhtoro õ sehe ni sinitu ñũha Estebãre:

—¿Ahrina ti nia potocã tjjjari? —ni sinitu ñũha tiro Estebãre.

2 To ã nichũ tũhoro, Estebã sehe tinare õ sehe ni yũhtiha:

—Coyea, bũcũna sã pũcũsuma tũhoga. Abrahã mari ñũchũ cjiro panopũ macariro Mesopotamiapũ to jisnichũ, Harãpũ to jihto pano, Cohamacũ tuariro si siteriro sehe tirore Abrahãre

bajuaa tiha. ³ Ñ bajuario, Cohamacu ñ sehe ni yahua tiha tirore: “Mu ya yahpare, ñ jichu mu coyea poto cūhure duhunoca, wahaga. Pa yahpa, yu mūhure ñohti yahparure wahaga”, nia tiha Cohamacu Abrahāre. ⁴ To ñ nichu tūhoro Abrahā cūhu Caldea yahpai jiina wijaa, Harāpu su, jisinia tiha. Abrahā pūcuro to yariari baharo, tiro cūhu tí macai wijaa, ahri yahpa, mipu mūsa jiri yahparu Cohamacu yoadohoro mehne taa tiha. ⁵ Cohamacu Abrahāre òpu sūho na taparota, tirore dói “Ahri yahpa pūro jiga”, ni cūerasinia tiha. Ne mahanocā ahri yahpare, “Pu tiga mūhu”, ni dutierasinia tiha tiro. Wiho mejeta Abrahā pohna marieriro to jipachuta, Cohamacu sehe tirore ñ sehe ni yahu mūhtaa tiha. “Mūhure ñ jichu mu panamana, pa tjuru macainapu cūhure ahri yahpare waitja”, nia tiha Cohamacu Abrahāre. ⁶ Ñ ninota ñ sehe ni yahu namoa tiha Cohamacu. “Mu panamana pa tjuru macaina pa yahparu waha, tópu paina cahapu jia, ti cahamaca jiahca tina. Tuhsu, cuatro cientos cūhmari waro tó macaina ñano yoapeahca mu panamanare. ⁷ Ñ jicu tó macainare ti ñ yoari buhiri buhiri dahrehtja yūhu. Yu ñ yoari baharo mu panamana ji turiaina ahri yahparu wihi, yūhure ño payohtina jiahca tina”, nia tiha Cohamacu Abrahāre. ⁸ To ñ ni yahu cūare ti noano wacūrucuhto sehe, ñ sehe yoa turia wahcā dutiha tirore. Mūno pjacure mahanocā cahsarocāre yihso na dutia tiha tirore. Ñ jiro ocho dachori to macūno Isaare to pohna tiri baharo, mahanocā cahsarocāre yihso naa tiha tiro Isaa pjacure. Baharo Isaa Jacobore pohna ti, to pjacu cūhure mahanocā cahsarocāre yihso naa tiha. Baharo Jacobo cūhu doce to pohmare ñ dihta yoaa tiha ti pjacurire. Tina doce mūa sehe tópe curuari, mari masa curuari dahpoto macaina cjihti jia tiha.

⁹ Ñ yoa baharo, tina Jacobo pohna, mari ñchusuma cjiiri, ti bahuro Josére pahsu tia, paina ti cahamacūno cjihtore duanocaa tiha Egiptoru wahainare. Ti ñ yoapachuta, Cohamacu Josére yoadohoa tiha. ¹⁰ Jipihti tí to ñano yūhdūare Cohamacu tirore noano yūhdūchu yoaa tiha. Cohamacu tirore noano tūho masichu yoaa tiha. Ñ yoa faraō Egipto macaina pūhtoro sehere Josére ñu ji coachu yoaa tiha. Ñ jiro faraō sehe Josére pūhto sōa tiha, tiro mehne masare dutihtiro cjihtore. Tirore faraō ya wūhu cūhure pūhtoro cūa tiha.

¹¹ Ñ yoa tí pjarure Egiptoru, Canaapu cūhure paró ne coro taeraa, yahpa sehe wūaa sāa wahaa tiha. To ñ wūa sāa

wahachũ, masa ti toamari cũhu ñai pihtia wahaa tiha. Ñ jia mari ñuchusũma cjiri ñano yũhdũa, ti chũboare ne bocaeraa tiha. 12 Wiho mejeta Egiptopũ “Trigo jiyuhca”, ti nichũ tũhoro, Jacobo sehe to pohñare, mari ñuchusũma cjirire tórpũ coã warocaa tiha. 13 Baharo pari turi to warocarina cjiri Egiptopũ ti sũchũ tjoa, José to wahmisũmare “Mũsa bahũta jija yũhu”, ni yahu, tinare masichũ yoaa tiha. Tí pja pũhtoro faraõ sehe José coyeare coã ñũno nia tiha. 14 Baharo José to wahmisũmare, ti pũcũro Jacobore, ã jichũ jipihtina ti coyea cũhũre cahmarocaa tiha. To coyea setenta y cinco masa jia tiha. 15 To macũno to pjirocachũ tũhoro Jacobo cjiro wahaa tiha Egiptopũ to macũno cahapũ. To macũno cahapũ jiro, tiro yariaa wahaa tiha. Ñ yoa to pohña, mari ñuchusũma cjiri cũhu tórpũ yaria pihtia wahaa tiha. 16 Tina ti yariari baharo, ti coyea ti pjacũri cjirire Siquẽ wama tiropũ naa tiha. Tórpũ na sũ, tãa coparipũ Abrahã Hamor pohñare niñeru mehne to nuchũri yahparũ tina ti pjacũri cjirire cũa tiha.

17 Ñ yoa Cohamacũ Abrahãre “Canaa yahpare waihtja mũhũre”, to ni cũriro cjiro mũ sũro cahachũ, Abrahã panamana, Israe masa, Egiptoi jisinia payũ wahaa tiha. 18 Ti ã payũ wahari baharo, paio faraõ, Egipto masa pũhtoro José cjirore masierariro sãa tiha. 19 Tiro mari coyeare mahño, ñano yoa, ti pohñare mũa pohñare wajã dua, cohãnocã dutia tiha tinacãre. Wahma bajuainacãre cohã dutia tiha “Tinacã yariajaro”, nino. 20 To ã yoaro watoi Moise cjihto sehe masa bajuua tiha. Tirocã noariro, Cohamacũ to noano ñũ jicoariro jia tiha. Tia sũ waro to pũcũsũma tirocãre noano ñũ wihboa tiha. 21 Ñ jiro Moiserie nũo namo masieraa, diapũ tirocãre pũhũroi comape mehne ti bihari pũhũroi poho bũroha. Ti ã yoachũ faraõ macono tirocãre ñũ boca, na maja, to macũnore yoaro seheta cjũaa tiha tirocãre. 22 Ñ jia tina Egipto macaina, noano masiina ya jipihtiare Moiserie buhe bũcũoa tiha. Baharo, ne cuiro marieno durucuriro, pũhtoa jia tia cũhũre mihni yũhdũrucũ sũriro wahaa tiha Moise.

23 Ñ yoa tiro cuarenta cũhmari cjũaro to coyea Israe masare ñũ duaro ti cahapũ ñũno wahaa tiha. 24 Tórpũ ñũno sũro, Egipto macariro cũiro Moise coyeirore to ñano yoachũ ñũa tiha. Tiro to ñano yoaborirore dũcata duaro, Egipto macariro sehere wajã cohãnocaa tiha. 25 Ñ wajã cohãno, Moise õ sehe ni tũhotua timaha. “Yũ coyea ti coyeirore yũ yoadohochũ ñũa ‘Cohamacũ marine noano yũhdũchũ yoa dutiro warocare

ahrirore', ni tūhotuahca yū coyea", ni tūhotua timaha Moise. Wiho mejeta tina sehe ne ã ni tūhotueraa tiha. **26** Pa dachoi Moise to coyeare p̄aro ti basi cahmacheinare boca s̄ua tiha. ã boca s̄uro, tinare yahu duaro tinare õ sehe ni yahua timaha: "¿M̄sa basi jipanahta cahmachejari m̄sa?" ni yahua timaha Moise tinare. **27** To ã ni yahuch̄u tūhoro, c̄uro to coyeirore ñano yoariro sehe Moisere tjurocaa tiha. "M̄h̄u s̄a p̄h̄toro jierara. S̄are yahuboriro jierara m̄h̄u. **28** ¿Can̄re Egipto macarirore m̄ waj̄ãriro seheta ȳh̄u c̄h̄ure waj̄ã duacu nijari m̄h̄u?" nia tiha tiro Moisere. **29** To ã nich̄u Moise tūho c̄uaa waha, m̄rocaa duhti wahc̄ã, Madiã yahpar̄u waha waha tiha. Tóp̄ure pa sehe macariro jiparota, numino boca, p̄aro pohna tia tiha.

30 'Ã yoa Moise cuarenta c̄hmari waro tói to jiri baharo, Sinaí wama tid̄u t̄c̄u cahai masa marienop̄u to jich̄u anjo tirore bajuaa tiha. Anjo sehe mahad̄c̄ã j̄ri picha pohnai bajuaa tiha. **31** T̄u yuc̄uc̄c̄ãp̄u to j̄rucuch̄u ñ̄no, Moise ñ̄u c̄uaa waha tiha. Tí pichacare cahac̄ã noano to ñ̄u wahc̄ãch̄u waroi Cohamac̄u to durucuch̄u t̄hoa tiha. **32** "Cohamac̄u jija ȳh̄u. M̄ ñ̄uch̄us̄ma cjiri, Abrahã cjiro, Isaa cjiro, Jacobo cjiro ti ño payoriro jija", nia tiha Cohamac̄u Moisere. To ã nich̄u tūhoro Moise sehe tetere, ne ñ̄u wahc̄õeraa tiha. **33** Cohamac̄u õ sehe ni durucu namoa tiha tirore. "Ȳh̄u ñ̄aa marieriro ȳ õi jiro wato, m̄ ducuri yahpa sehe wiho jiri yahpa jierara. ã jic̄u m̄ dahpo suhtire tjuwe c̄uga. **34** ã yoa ȳ yaina masa Egiptop̄u ti ñano ȳhd̄ch̄u ñ̄ja. Ti tiich̄u t̄hoja. ã jic̄u õp̄ure wihija ȳh̄u, tinare ȳhd̄u witich̄u yoai tai. Ti ã wahach̄u, ñ̄uc̄u wahaga m̄h̄u c̄h̄u. Egiptop̄u m̄h̄ure warocaiht̄ja. Tinare na wioi wahaga", nia tiha Cohamac̄u Moisere.

35 'Tó panop̄u tina sehe mari coyea, Israe masa Moisere cahmaeraa tiha. "M̄h̄u s̄a p̄h̄toro jierara. M̄h̄u s̄are yoadohoboriro jierara", ni tuhtia tiha tina tirore. Wiho mejeta baharo, Cohamac̄u ti ã niriro cjirore Egiptop̄u warocaa tiha, mari coyea Israe masare ȳhd̄u witich̄u yoah̄tiro, ã jich̄u ti p̄h̄toro jihtiro cjihtore. ã yoa anjo, tirore j̄d̄p̄u bajariro sehe to ã yoah̄tire yahua tiha tirore. **36** Moise jia tiha mari coyea, Israe masare Egiptop̄u j̄inare na wioriro. Tinare na wioro, Egiptop̄u Cohamac̄u tuaa mehne tiro sehe yoa ño d̄caaa tiha t̄op̄u j̄inare. Pjiri ma soh̄ãri map̄u ãta yoa ñoa tiha tjoa. Baharop̄u masa marienop̄u c̄h̄ure cuarenta c̄hmari waro

Cohamacu tuaa mehne yoa ño mɔjaa tiha tiro to masare. 37 Ñ yoa Moise cjiro jia tiha mari coyea, Israe masare õ sehe ni yahuriro: “Cohamacu cɔiro mɔsa coyeiro, to yare yahu mɔhtahtiro, yu yoaro sehe jiriore warocarohca mɔsare”, nia tiha Moise tinare. 38 Moise masa marienopu mari coyea Israe masa mehne jia tiha. Tuhsu, Sinaí wama tidu tɔcupu ti cahmachuchu tiore yahuriro anjo mehne jia tiha. Ñ yoa mari ñuchusuma panopu macaina cjiri mehne jia tiha tiro. Cohamacu to dutiare cɔiro jia tiha Moise.

39-40 Ñ jia tí dutiare tɔcui Moisere to cɔno watoi mari ñuchusuma cjiri Egiptopu tjua dua Moisere yuhdurucaa tiha. Tina tiore cahmaeraa tiha. Ñ cahmaeraa tina Moise cjiro wahminore Aarõ wama tiriro cjiore õ sehe nia tiha: “Paina cohamanare yoaga mari yaina cjihti. Tina mari wahahti mahare marine suho naahca. ¿Wiho mejeta marine Egiptopu jiinare na tariro Moise dohse wahari tiro? Masieraja sã”, nia tiha tina. 41 Ñ jia tí dachorire tina wachu masure uru mehne yoaa tiha. Ñ yoa tuhsu, tina wahiquinare wajã, ti yoariro cjiro cahai na ta, ño payoa tiha tiore. Ñ jia tina ti yoariro cjiore wachure ñu, wahche, bose numu yoaa tiha. 42 Wachure ti ño payochu ñno, Cohamacu tinare cohã wahcã waha timaha. “Yuhure cohã, muanopu bajuua, sũ dacho macariro, sũ ñami macariro, ã yoa ñahpichoha poca cɔhure ño payowahnojaro”, nino cohã wahcã waha timaha. Cohamacu yare yahu mɔhtaina cjiri ã ni joaa tiha:

“Musa Israe masa, yuhure nu ñano yoare.

Masa marienopu cuarenta cɔhmari waro jina wahiquinare musa wajãinare musa wajã, jũ wa mɔpanahta, yuhure musa ño payoboriro sehta yoamare musa.

Wiho mejeta yuhu sehere musa ño payoerare.

43 Ñ jina musa Molo wama tiri masure ño payoina jiina, tí masure ño payori wuhure cɔure musa. Ñ yoa paio cohamacu ñahpichohaca Refã wama tiria to masure musa yoariare musa cɔure tjao. Tí masurine musa yoarire musa ño payore. Musa ã yoiari buhiri musare Babilonia sie seheru cohãrocahtja yuhu”,

ni yahu joaa tiha Cohamacu yare yahu mɔhtaina cjiri.

44 'Ã jia masa marienopu Cohamacu masa mehne to jiri wuhure wahiquina cahsari mehne ti yoari wuhure cjuaa tiha mari nuhchusuma cjiri panopu macaina. Ti wuhu Cohamacu masa mehne to durucuri wuhu jia tiha. Ti wuhuru Cohamacu dutia to joaa pjini taã pjini jia tiha. Ti wuhure Cohamacu Moisere to ñoriro seheta, "Õ sehe yoaga", to ni yoa dutiriro seheta yoaa, ti wuhure cjuaa tiha tina. 45 Ñ yoa ti panamanapu cuhu cjuã turia nunu tia tiha ti wuhure, wahiquina cahsari mehne ti yoari wuhure. Baharo mari nuhchusuma cjiri Josué mehne Cohamacu mari coyea Israe masare to cühti yahparure, ahri yahparure pu tia taha. Ti pu tia tachu ahri yahpai ji mughtaina cjirire Cohamacu cohãnocaa tiha. Ti pjare Cohamacure ti ño payori wuhure na taa, cjuaa tiha tina ahri yahparu, mipure mari jiri yahparu. Pu Davi cjiro to jiri tjurupu cjuã batóa tiha ti wuhure. 46 Tiro Davi cjiro sehe Cohamacure wahchechu yoariro jia tiha. Cohamacu ya wuhu cjihtore pa wuhu tiro yoa duaro, sinia timaha Cohamacure. 47 To ã sinipachuta Salomopu Cohamacu ya wuhu sehene yoaa tiha. 48 To ã yoapachuta Cohamacu Jipihtina Bui Jiriro sehe masa ti yoari wuhurure jierara. Õ sehe nia tiha Cohamacu yare yahu mughtariro cjiro:

49 " 'Mũano yu dujuro jira.

Tói dujicu dutija yuhu.

Ñ jiro yahpa sehe yu dahporire duhu payoro yoaro sehe jira.

Yuhu tua yuhduariro jija.

Yu ya wuhu cjihtore yoa masierara musa.

Cohamacu yu jichu yu jihti wuhure musa yoa masierara.

50 Yu basi ahri yahpare jipihtiro yoahi yuhu',
ni durucua tiha Cohamacu",

ni joaa tiha Cohamacu yare yahu mughtariro cjiro.

51 'Musa Cohamacu yare tuhpanahta, tirore yuhti duaerara. Cohamacure masieraina yoaro sehe tuhutuina baro jira musa. Espiritu Santore yuhduruca yuhduara musa. Musa nuhchusuma cjiri ti yoariro cjiro seheta yoara musa cuhu. 52 Musa nuhchusuma cjiri jipihtina Cohamacu yare yahu mughtaina cjirire ñano yoaa tiha. Tina Cohamacu yare yahu mughtaina cjiri "Baharo cüiro ñaa buhiri Marieriro tarohca", ti ni yahu quihõ mughtachu tuhoa, musa nuhchusuma cjiri sehe tinare wajãã tiha. Ñ yoa mipu cühure tiro "Ñaa buhiri Marieriro", tó panopu ti niyuriro


sehe õpɾɿ to wihichɿ, “Mũhũ mehne macaina jija”, ni ji mahño, tirore wajähre. ⁵³ Cohamacɿ dutiare anjoa sehe yahu turia timaha mʉsare. Ti ã yahu turiachɿ mʉsa tí dutiare cɿɿamaha. Wiho mejeta tí dutiare yũhdɿɾucara mʉsa —niha Estebã.

Tina Estebãre tãa poca mehne doca wajãha

⁵⁴ To ã nichɿ tũhoa tina sehe tuaro suaha. ã tuaro suaa, cuaina wahaha. ⁵⁵ Ti ã suapachɿta Estebã sehe Espíritu Santo mehne wacũ tuariro to tuaa mehne mʉanopɾɿ ñɾoca mʉo, Cohamacɿ si siteare ñũha. ã yoaro Cohamacɿ poto bũhũsehei Jesu to ducuchɿ cũhũre ñũha tiro. ⁵⁶ ã ñɾoca mʉono, õ sehe niha:

—Ñũ mʉoga mʉsa. Mʉanopɾɿ mahanocã to tjuwe mʉachɿ, Jesu Cohamacɿ to warocariro Cohamacɿ poto bũhũsehei to ducuchɿ ñũja yũhũ —niha Estebã tinare.

⁵⁷ To ã nichɿ tũhoata tina tuaro sañurucu, ti cahmo coparire bihanoca, cũno potori tiro cahapɿ mʉroca wahcã, tirore ñahaha. ⁵⁸ Ñaha tuhsɿ, tirore na wahcã, tí maca dũhtɿ cahapɿ cohãha tirore. ã jia tãa poca mehne doca wajãha tirore. Ti ã wajãhto pano tirore yahusãrina tirore tãa poca mehne docahtina ti bui sãa suhtire tjuwe na, wahmʉnore Saulo wama tirirore ti suhtire cɿɿabasa dutiha. ⁵⁹ Estebãre ti tãa docaro watoi, sinino sehe õ sehe niha tiro:



—Jesu, yu puhtoro yu catiare naga —niha tiro.

60 Ni tuhsu, tiro na tuhcuca caha su, o sehe ni tuaro sañurucuha:

—Puhtoro Jesu, ahrina mipu yuhure ti wajari buhiri tinare buhiri dahrei tjia —ni sañurucuha Estebã.

Ã ni sañurucu batoarota, yariaa wahaha tiro.

Saulo Jesu yainare ñano yoaha

8 1 Estebã to ã yariachu ñano, “Noana”, niha Saulo sehe. Tí dachoreta Jesu yainare Jerusalẽ macainare ñano yoa dũcaha Saulo mehne macaina sehe. Ti ã yoa dũcachu Jesu yaina Judea yahpau, Samaria yahpau yoraropu duhti site wahcã wahaha. Ti puhto, Jesu to cũrina dihta wahaeraha. 2 Ã yoa paina Cohamacure ño payoina Estebã pjacu cjirore tãca copau, duhu sãa, tiro cjirore tuaro tii payoha tiro cjirore tina. 3 Wiho mejeta Saulo sehe Jesu yainare ñabiaro yoaa timaha. Tiro ti wuhusepu sãa, mure, numiare ñaha wahcã, peresupu biha dapoa tiha.

Samariai Jesu yare buheha Felipe

4 Ã yoa yoraropu waha siteina cjiri nohoi ti waharoi Jesu yare buheha tiha. 5 Cũiro tina mehne macariro Felipe cã maca, Samaria wama tiri yahpai jiri macapu su, Cristo masare yuhdoriro ya quitire buheha tí maca macainare. 6 To ã buhechu, tó macaina sehe tirore tũho cahmachu, Cohamacu to tuaa mehne to yoa ñochu ñua tina. Ã jia tina jipihina cãno potori to yahuare noano tũho nũna tiha. 7 Payu masa watã sãanohrina tiro caha ti wihichu ñano, watã sehere tiro wijaa dutia tiha masapu jirinare. To wijaa dutichu, tina watã sehe tuaro sañurucu, wijaa wahaha. Tuhsu payu pjacu buhainare, pari yuri tiniina cũhure pjacu noaina wahachu yoaa tiha.

8 To ã yoa ñochu ñua tí maca macaina payu masa wahchea tiha.

9 Tí pjare Simo wama tiriro tí maca macariro yairo jiha. Ã jiro yaya ti yarire yoa ñoa tiha Samaria macainare. To ã yoa ñochu ñua, tó macaina ñu cuaa waha, tirore cua pisaro ñuina jiha.

—Yuhu masi pahñoriro jija —nimaha Simo sehe tinare.

10 To ã yoachu ñua masa sehe o sehe nia timaha:

—Ahriro Cohamacu ya tuaare cjuariro jira. Cohamacu yoaro sehe tuariro jira —nia timaha tirore masa, puhtoah mehne. Tina jipihtina noano tuhoh nuna tirore.

11 Tiro yaya ti yoaa mehne yoari pja yoa noa tiha tinare. To a yoa nochu na tina caaa wahaha. A caaa waha, tina tirore no payoa tiha. 12 Wiho mejeta ti a no payopachuta Felipe sehe puhtoro Cohamacu to suho jiare, Jesucristo yare noaa buheare yahuha. To a yahuchu tina tirore noano tuhoha. Ti a noano tuhochu nuno mare, numia cuhure bautisaha Felipe. 13 A jiro Simo cuhu Felipere noano tuhoa tiha. A jiro tiro cuhure bautisaha. To a yoari baharo Felipe mehne tjuaa tiha tiro. Felipe sehe Cohamacu tuaa mehne to yoa nochu nuno Simo nu caaa wahaa tiha.

14 A yoa Samaria yahpa macaina Cohamacu yare ti tuaro cahmachu tuhoa Jerusaleru jiina tuhoroaca tiha tinare. A ti cahmachu tuhoa Pedroe, Joao cuhure waroaca tiha Samaria yahparu. 15 Toru sua Pedro cuhu Cohamacure siniha: “Ahriha Samaria yahpa macaina mure no payoinare mu Espiritu Santo saajaro”, ni sini payoha tina Cohamacure. 16 Tina Samaria yahpa macaina Jesucristo yaina jia to bautisarina jiha. Ti dihtare masiha tina. A jiro Espiritu Santo tinare saerasiniha. 17 A jia Pedro, Joao mehne Samaria yahpa macainare ti wamomacarine ti dapupoca bui ti duhu payori baharo Espiritu Santo tinare saari jire.

18 A yoa Pedro cuhu ti wamomacari mehne ti duhu payochu nuha Simo. Espiritu Santo tinare to saachu cuhure nuha tiro. A nuhriro jiro, ti tuaare cahmano niheru mehne wapa duamaha. 19 O sehe nimaha Simo:

—Yuhu cuhure waga ahri tuaare. Yuhu cuhu yu wamomacari mehne masa dapupoca bui duhu payoi tai nija Espiritu Santo tinare to saahito sehe. A jicu ahri yu yoahiti wapare wapa duaja —nimaha Simo tinare.

20 To a nichu tuhoro Pedro o sehe niha:

—Muhu niheru mehne Cohamacu ya tuaare mu nuchu duari buhiri mu niheru mehmeta pichacaru wahaga muhu. Cohamacu mu tuhotuare masina. Muhu nariro jisinina. 21 A jicu ahrire sa yoare yoa masierara muhu. Ahri mu yoaa baro jierara. 22-23 Paina ti cjuare nu suariro jira muhu. A jicu na yoare ne duhu masierara muhu. A jicu ahrire mu na yoarire cahyaga muhu. Cohamacure mu na tuhotuare to bohto sehe siniga

mũhũ. Mũ ã yoachũ ñũno tiro mũ ñaa buhirire boboca, pa tehe nino —ni yahuha Pedro tirore.

24 To ã nichũ tũhoro Simo õ sehe ni yũhtiha tirore:

—Yũhũre sini payoga mũsa Cohamacũre mũ niriro sehe yũ wahaerahto sehe. Tĩ buhiri pichacapũ waha duaeraja yũhũ —niha Simo tirore.

25 Baharo Pedro João mehne Cohamacũ yare yahuha:

“Jesu to masa mũjachũ ñũhi sã”, ni payũ Samaria yahpai jia macari macainare noaa buheare buheha. Tinare Cohamacũ yare buhe tuhsũ, Jerusalẽpũ tjuaa wahaha.

Felipe Etiopía yahpa macarirore buheha

26 ã yoa Cohamacũ yairo anjo Felipere õ sehe ni yahuha:

—Mĩpũre sur sehepũ wahaga. Jerusalẽ cahai jiri mahapũ Gazapũ wahari mahapũ, masa marienopũ jiri mahapũ wahaga —ni yahuha anjo Felipere.

27 To ã nichũ tũhoro tiro sehe tí mahapũ wahaa tiha.

Baharo tí mahapũ cũiro masũnore piti bocaro taro niha. To piti bocahtiro jiha Etiopía yahpa macariro pũhtoro. Tiro numiare cahmaerariro eunuco masũno jiha. ã jiro Candace wama tiricoro Etiopía macaricoro pũhtorocoro yare niñerure jipihtiare ñũ wihboriro jiha. Wiho jiro jieraha. Tiro Jerusalẽpũ Cohamacũre ño payoro waha tuhsũha. 28 To ya macapũ tunuria mehne tjuataro tiapũ wahaparota buhero niha. Cohamacũ yare yahu mũhtariro Isaia cjiro to joari pũre buhero niha. 29 ã jiro Espĩritu sehe Felipere õ sehe ni yahua tiha:

—Siro tunuriapũ wahariro cahapũ wahaga —niha Espĩritu tirore.

30 To ã nichũ tũhoro Felipe sehe tunuria cahapũ mũroca wahcã, Isaia cjiro to joarire Etiopía macariro to buhechũ tũhoha. ã tũhoro Felipe õ sehe ni sinituha tirore:

—¿Mũ buheare tũho ñahajari mũhũ? —niha tiro.

31 To ã nichũ tũhoro Etiopía macariro õ sehe ni yũhtiha:

—Pairo yũhũre yahu yũhdoriro mariachũ noano masieraja yũhũ. Õi yũhũre yahu dujii taga yũ pari wahpa —ni yũhtiha tiro Felipere.

—Jai —ni nuju sũha to cahai.

32 ã yoa Cohamacũ yare Etiopía macariro to buheri pũ õ sehe niha:

“Ovejare ti ñaha wajãriro seheta tiro cũhũre ñaha wajãahca masa.

Ã jiro ovejacã to pjoare ti sachũ to sañurucueraro seheta tiro masũno cũhũ dihta marieriro jirohca.

33 Tirore tina bũjũpeahca.

Ã jia tiro to ñano yoerapachũta tina sehe ñano yoahca tirore.

Tiro ahri yahparũ to jichũ tina tirore wajãahca.

Ã jiro tiro pohna marieriro yariaa waharohca”,

ni joaha tí pũpũre.

34 Tí pũ to ã ni yahuchũ ñũno, Etiopía macariro õ sehe ni sinituha:

—Yahuga yũhũre. ¿Õ sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿O pairore yahuro nicari? —ni sinituha Etiopía macariro.

35 To ã ni sinitu ñũchũ tũhoro Felipe sehe tí pũre ñũ, Jesu yare yahuha Etiopía macarirore. 36 ã yoa tina tia mehne waha, mácarũ sũha.

—Ñũga, õi máca jira. Ahri mácarũ yũhũre bautisaga —niha Etiopía macariro.

37 [—Jesure mũ noano wacũ tuachũ ñũcũ mũhũre bautisaihũa —niha Felipe tirore.



—Jesure wacũ tuaja yũhũ. Tiro Cristo Cohamacũ macũno jira. Tíre noano masija yũhũ —niha Etiopía macariro.]

38 Æ ninota tiro tunuria uturirore yũsũ dutiha. Tia to yũsũ caha sũri baharo wijaaha tina. Wijaa, tí macarũ sũ, ñumurũcũ sũha tina. Tóí ñumurũcũ sũ, Felipe sehe tirore bautisaha.

39 Bautisa tuhsũ ti maja sũrũcũ sũchũ Cohamacũ to Espíritu Felipere naa wahaha. To ã wahari baharo Etiopía macariro noano wahcheriro to ya yahparũ tjuaa wahaha. To ã yoari bato tichũ ne pari turi Felipere ñũeraha. 40 Æ yoa tuhsũ Azotopũ sũha Felipe sehe. Tuhsũ, payũ macarine noaa buheare buheha masare. Pũ Cesarearũ buhe batoa tiha.

Saulo Jesucristore ñũno tirore wacũ tua dũcaha

(Hch 22.6-16; 26.12-18)

9 ¹ Wiho mejeta tí pjare Saulo Jesu yainare ã ñũ tuhtirucusinino, “Tinare wajãihtja” nino, tiro sacerdotea pũhtoro caharũ wahaha. ² Tórpũ sũro tiro joaa pũrine õ sehe ni siniha sacerdotea pũhtorore:

—Joaa pũrine waga yũhũre yũ tuahti pũri cjihtire. Tí pũripũ mũ wama mũ joa payochũ, yũhũ sehe tí pũri mehne, mũ dutiro mehne Damascopũ wahaihtja. Tórpũ sũ, judio masa mari buhea wũhũserũ Jesu yaina mũa, numía cũhũre boca sũcũ, tinare ñaha dũhte, õpũ Jerusalẽpũ na majare tjuaa taihtja —ni siniha Saulo sacerdotea pũhtoare.

³ Tí pũrine na tuhsũ, tiro waha, Damasco cahai to sũro cahachũ waro mũanopũ wacũenoca si siteroca boroha tirore. ⁴ Wacũenoca to ã si siteroca borochũta tiro yahparũ bora caha sũro, õ sehe ni durucuchũ tũhoha:

—Saulo, Saulo, ¿dohseacũ mũhũ yũhũre ñano yoajari? Mũhũ yũhũ mehne suacũ yũhũre yũhtieracũ, mũ basita ñano yũhdũra —nino coa taha.

⁵ —Pũhtoro, ¿diro baro jijari mũhũ? —ni sinitu ñũha Saulo sehe.

—Yũhũta jija Jesu, mũ ñano yoarucuriro —niha Jesu Saulore. ⁶ [To ã nichũ õ sehe ni sinituha Saulo:

—Pũhtoro, ¿dohse yũ yoachũ cahmajari mũhũ? —niha Saulo.]

—Wahcãrũcaga mũhũ. Macarũ wahaga. Tí macarũ mũ sũchũ tó macariro mũ yoahũtũre yahurohca mũhũre —niha Jesu Saulore.

7 To ã nichu Saulo mehne macaina sehe to durucua dihtare tuhoha. Wiho mejeta Jesu sehere ñueraha. To ã wahachu ñha, cuia, tina durucu masieraha. 8 Æ jiro Saulo yahparu coãiro wahcãruca, to ñuchu to capari bajueraha. Æ jia tina to wamomacare ñaha, Damascoru tuã wahcãa wahaha tirore. 9 Tõru sũro, tiro tia dacho waro ne ñuera, chuera, ne sihniera tiha.

10 Æ yoa cũiro Jesu to buheriro Anania wama tiriro Damascõi jiha. Æ jiro Jesu bajua tiha Ananiare. Æ bajuaro õ sehe ni pisuha tirore:

—Anania, ¿jimajari mũhu? —niha Jesu.

—Jimajú —ni yũhtiha Anania tirore.

11 To ã nichu Jesu sehe õ sehe ni yahuha tirore:

—Potori Maha wama tiri maharu wahaga. Æ wahacu Juda ya wũhuru cũiro Tarso macariro Saulo wama tirirore macaga. Tiro Cohamacure sinino nica. 12 Tiro cahãnopure tirore mu yoahtere ño tuhsuhi yũhu. Õ sehe jiare ñuhre tiro: Mũhu mu wamomacarine tiro bui duhu payo, to capari noaa wahachu ñuhre tiro to cahãnopure —niha Jesu Ananiare.

13 To ã nichu tuhoro Anania sehe õ sehe ni yũhtiha:

—Pũtoro, tiro mu yainare, noainare Jerusalẽ macainare nu ñano yoa mujayuhti. Payu masa yũhure ã ni yahure. 14 Æ yoa õ cũhure tiro jipihtina mũhure cahmainare peresu yoaro taro niyuhti. Sacerdotea pũtoa tirore ã yoa dutiyuhti —ni yũhtiha Anania Jesure.

15 To ã nichu Jesu sehe õ sehe ni yahuha tirore:

—Tiro Saulo sehe yu beseriro jira. Tiro yu ya buheare judio masa jierainare, ti pũtoare, ã jichu Israe masa cũhure buherohca. Æ jicu wahaga mũhu. 16 Payu tahari yu yare yoaro tiro ñano yũdũrohca. Tíre tirore masichu yoaihtja —niha Jesu Ananiare.

17 To ã niri baharo Anania sehe waha, su, Saulo to jiri wũhuru sãaha. Sãa su, to wamomacarine Saulo bui duhu payo, õ sehe ni yahuha tirore:

—Coyeiro Saulo, mu capari mu ñũhto sehe, Espíritu Santo mũhu mehne to jihto sehe, to dutiriro seheta mu yoahto sehe, mari pũtoro Jesu sehe maharu mũhure bajariro yũhure warocahre —ni yahuha Anania Saulore.

18 To ã nichuta to caparire wahi nũtari yoaro sehe bajua to capariru wahãa pahna borachu ñuha Saulo. To ã ñu tuhsuri

baharo to wahcāruc̄ s̄uch̄u paio sehe tirore bautisaha.
 19 Tirore to bautisa tuhs̄uch̄u, tiro sehe ch̄u, tuariro wahaha.

Saulo Damascoi Jesu yare buhe d̄ucaha

Ã yoa Saulo mahaa dachoricã Damasco macaina Jesu yaina mehne jiha.

20 Dói tí dachorita tiro judio masa buhea w̄h̄usep̄u s̄u, Jesu Cohamac̄u mac̄uno to jiare yahu d̄ucaha masare. 21 To ã yahuch̄u ñ̄ua jipihtina tirore t̄uhoina c̄uaa wahaha.

—Cho, ahriro Jerusalēp̄ure Cohamac̄u yainare Jesure cahmainare ñ̄ano yoiro cjiro jira. ã yoa tirota jimana õ macaina Jesure cahmaina c̄uh̄ure ñ̄aha, d̄uhte, sacerdotea p̄h̄toare wiaboriro. ã yoa duaro õp̄ure tari jimahre tiro —niha masa tirore t̄uhoina.

22 Wiho mejeta Saulo sehe cui t̄uhoturo marieno buhe mihni wahcãa tiha. “Ahriro Jesu potocãta Cristo, marine ȳh̄dohtiro jira”, to ni yahu mihnich̄u, tó macaina judio masa ti ni ȳhti ȳh̄d̄ur̄caborirore bocaeraha.

23 ã jia paȳu dachori baharo judio masa tirore wajã duaa, ti basi durucua tiha. 24 Wiho mejeta Saulo tirore ti wajã duach̄u masiha to basi. Tina tí macare sahr̄ino tãa mehne ti yoiro sahr̄ino macaa sopacarire dachop̄ure ñ̄amip̄u c̄uh̄ure cohtaa tiha tirore wajã duaa. 25 Ti ã wajã duach̄u ñ̄ua ñ̄amip̄u Saulo buheina tirore p̄h̄uro pjiri p̄hi na sãa, tí maca macari sahr̄ino baharo b̄h̄usehei duhu boroha tirore. Tó sehe ti yoach̄u ȳhd̄uha tiro.

Saulo Jerusalēi jiha

26 ã yoa Saulo Jerusalēp̄u s̄uro, tópu Jesu yaina mehne tiro ji duamaha. Wiho mejeta tina tirore “Jesu buheriro jierara ahriro” nia, tirore cui niha. 27 Ti ã cuipach̄uta Bernabé sehe tirore na wahcãha Jesu to c̄urina cahap̄u. ã jiro Saulo mahai Jesure to ñ̄urire, Jesu Saulore to durucurire, ã jich̄u Damascop̄u cuiro marieno Jesu yare to buhe d̄ucarire yahuha Bernabé sehe. 28 To ã ni yahuri baharo Saulo sehe tina mehne sãano, Jerusalēp̄u tina mehne jia tiha. 29 Tiro cuiro marieno judio masare Jesu yare yahu ȳh̄d̄ur̄caro niha. Tina judio masa griego masa yare durucuina jiha. ã yoa Saulo to ã yahu ȳh̄d̄ur̄cach̄u, tina tirore wajã duamaha. 30 Ti ã wajã duach̄u ñ̄ua, Saulo mehne macaina Jesu yaina sehe tirore Cesareap̄u

na duhti wahcãa wahaha. Tóꝑu tirore sũho jirucuma Tarsopũ warocaha tirore.

31 ã yoa jipihtiropũ, Judea yahparũ, Galilea yahparũ, Samaria yahparũ cũhũre Cohamacũ yaina noano jia tiha. Tí pjare ne masa ñano yoæra tiha tinare. ã jia noano buheha tina. Tina Cohamacũ yare buhe, tirore masi namo, noano yũhtia tiha. ã yoa Cohamacũre cua pisaro ñaa tiha. Espíritu Santo tinare to yoadohochũ tina sehe payũ wahaa tiha.

Pedro Eneare noariro wahachũ yoaha

32 ã yoa Pedro jipiehtia macaripũ waharo, Jesu yaina Lida macaina caharũ cũhũre sũha tiro. **33** Tóꝑu sũro Enea wama tirirore boca sũha. Enea pjacũ buhariro jiro, ocho cũhmari waro ti pũpaha cũriro coãa tiha. **34** ã jiro Pedro sehe tirore õ sehe niha:

—Enea, Jesucristo mũhũre noariro wahachũ yoara. Wahcãrũcaga. Mũ pũpaha coãri cahsarore cahnoga —niha Pedro tirore.

To ã nichũta tiro wahcãrũcaha. **35** ã jia jipiehtina Lida macaina, Sarón macaina tirore ñaa, tina ti ñaa yoæare duhu, Jesure wacũ tuaa tiha.

Dorca wama tiricorore masoha Pedro Jesu to tuaa mehne

36 ã yoa Jope wama tiri macai Jesure ño payoricoro Tabita wama tiricoro jiha. To wama Tabita griego ya dũsero mehne Dorca jira. Ticoro noaare yoaro payũ waa tiha pjacũoinare. **37** ã jiro tí pjare ticoro dohati wahcõ, yariaa wahaa tiha. To yariachũ ñaa, tina ticorore noano cosa, mũano macari tahtiarũ cũa tiha ticorore. **38** Lida wama tiri maca Jope cahai jire. To ã jichũ Jesu buheina Jope macaina Pedro Lidapũ to jichũ tũhorocaa tiha. ã tũhorocaa, pũaro warocaha Pedro caharũ. Tiro caharũ sũa Pedore õ sehe ni yahuha tina:

—Soaro mehne sã jiropũ wahaga —ni yahuha tina.

39 Ti ã nichũ tũhoro tina mehne wahaa wahaha tiro. Tóꝑu tirore ti na sũri baharo mũano macari tahtiarũ na mũjaa wahaha tirore. ã jia jipiehtina wapewahya tiro cahai sũrũca, tiia tiha. Tabita tina mehne jisininopũ payũ suhtire yoaa tiha. ã jia tina to yoari suhti cjirire ñoha Pedore. **40** Wiho mejeta Pedro tinare tí tahtiarũ jĩinare wijaa dutiha. Ti wijaari baharo

tiro na tuhcuca caha sũ, Cohamacure ticorore sini payoha.

Å jiro to pjacu cjirore majare ñũ:

—Tabita wahcãga —niha tiro.

To ã nichuta ticoro sehe ñũ wahcõ, Pedroro ñũ, wahcã nuju sũha. ⁴¹ To wahcã nuju sũchũ ñũ, tiro to wamomacare ñaha, tuã wahcõ dapoha ticorore. Å jiro tiro tó macainare Jesu yainare, wapewahyare pjiroca, ticorore catiricorore wiaha tinare. ⁴² To ã yoari baharo jipihtina Jope macaina tíre masia, payũ masa Jesure wacũ tua dũca tiha. ⁴³ Baharo Joperũ Simo wahiquina cahsarire cahnoriro mehne payũ dachori Pedro tiro mehne jia tiha.

Pedro Corneliore Jesu yare yahu dũcaha

10 ¹ Ti pjare Cesareapũ cũiro Cornelio wama tiroiro jiha. Tiro cien surara pũhtoro jiha. Tina surara sehe ti ya curua Italiano wama tiha. ² Cornelio to ya wũhũ macaina mehne judio masa jieraina jipahta, Cohamacure ño payoina, cua pisaro ñũina jiha. Tiro judio masa pjacũoinare yoadohoro payũ waha. Å yoa dachoripe tiro Cohamacure siniha. ³ Cũ nũmũ ñamichahapũ tres jichũ Cohamacũ yairo anjo tirore bajuaha. Å bajuaro Cornelio cahapũ sãaha.

—Cornelio —niha anjo tirore.

⁴ To ã nichũ tũhororo Cornelio tirore ñũ, cuiro õ sehe niha:

—Pũhtoro, ¿yabare cahmajari mũhũ? —niha tiro.

—Masa pjacũoinare mũ warire, Cohamacure mũ sinirire Cohamacũ noano ñũno nina. ⁵ Å jicu Joperũ mũ mũare warocaga. Tórpũ Simo Pedro wama tiroiro jira. Tirore na ta dutiga mũ mũare. ⁶ Tiro paio Simo wahiquina cahsari cahnoriro cahai, pjiri ma dũhtũ cahai jiri wũhũ jira —niha anjo Corneliore.

⁷ Anjo ã ni tuhsũ, wijaa wahaha. To wijaari baharo Cornelio pũaro tirore dahra cohtainare, ã yoa cũiro to surara mehne macarirore pjirocaha. Surara sehe Cohamacure ño payoriro jiro, dachoripe Corneliore yoadohoa tiha. ⁸ Å jiro Cornelio tinare anjo to yahuri cjirore yahu pahũo, Joperũ warocaha tinare.

⁹ Å yoa pa dachoi Joperũ ti waharo watoi cohari pja jichũ Pedro sehe wũhũ buipũ Cohamacure sinino wahaha. ¹⁰ To mũja sũri baharocã tirore jũca purĩchũ chũ duaha. Wiho mejeta paina to chũare ti dahrero watoi, tiro sehe õ sehe bajuachũ

ñuha. **11** Muanore parĩ mũachũ, p̄jiri cahsaro pititia sohtoarire dũhteri cahsaro to duji tachũ ñuha. **12** Tí cahsaro puhichapũre payũ wahiquina bũa tiniina, chihchõina, wũina peri cũhu jiha. **13** Tíre to ñũri baharo, Pedro durucuro coa tachũ tũhoha:

—Pedro, wahcãrucaga. Ahrinare wajã chũga —nino coa taha tirore.

14 To ã nipachũta Pedro õ sehe niha:

—Pũhtoro, ne tina barore chũeraja yũhu. Ñainare, Cohamacũ to chũ dutierainare ne chũera tihĩ yũhu —niha Pedro.

15 To ã niri baharo Pedro pari turi durucuro coa tachũ tũhoha:

—Cohamacũ “Noaina jira”, to nirinare “Ñaina jira”, nii tjia mũhu tinare —nino coa taha Pedrore.

16 Ñ yoa tia taha ti ã ni durucuri baharo tí cahsaro muanopũ mũjaa wahaha tjõa. **17** To ã mũjaa wahari baharo, Pedro tuaro wacũ “¿Dohse ni duaro nijari ã bajuaro?” ni tũhotuha tiro to basi. To ã ni tũhoturo watoĩ Cornelio mũa to warocaina sehe Simo ya wũhũpũ sũha. “¿Simo ya wũhũ nohopũ jijari?” ni, ti sinituri baharo to ya wũhũpũ sũha tina. **18** Sũ, tina sinitu ñũ bahrañoha. “¿Simo Pedro wama tiriro ahri wũhũi jijari?” ni sinitu ñuha tina. **19** Ñ jiro Pedro to tũhoturo watoĩ Espĩritu Santo tirore õ sehe ni yahuha:

—Ñũga. Tiaro mũa mũhũre macaa nina. **20** Wahcãrucaga. Dujiaga. Tina mehne wahaga. Jiape ni tũhotuecũta wahaga noano mehne. Yũhu sehe tinare õpũre warocahi —niha Espĩritu Santo Pedrore.

21 To ã nichũ tũhoro Pedro ti cahapũ dujia wahaha.

—Ñũga. Õi jija yũhu mũsa maca tariro. ¿Dohse yoana tana niri mũsa yũ cahai? —niha Pedro tinare.

22 To ã nichũta tina sehe õ sehe niha:

—Cornelio cien surara pũhtoro, noaare yoariro, Cohamacũre cua pisaro ñũriro, jipihtina judio masa “Noariro”, ti niriro mũhũre p̄ji ta dutiro warocahre sãre. Cohamacũ yairo anjo Corneliore mũhũre p̄ji dutiyuhti. Õ sehe niyuhti: “Pedrore mũ wũhũpũ na ta dutiga mũ mũare. Ñ yoa tiro mũhũre to yahuchũ, noano tũhoga tirore”, ni p̄ji dutiyuhti anjo Corneliore —ni yahuha Cornelio Pedrore to p̄ji dutirina sehe.

23 Tĩ ã nichũ Pedro sehe tinare sã ta duti, chũa wa, to jiri wũhũpũ carĩ dutiha tinare. Pa dachoi Pedro wahcã, tina mehne

wahaa wahaha. Ñ yoa paina Cristo yaina Jope macaina Pedrore piti ti wahcãha.

24 Pa dachoi tina Cesareapũ sũha. Ti sũhto panocã Cornelio sehe to coyeare, tiro mehne macaina cũhũre pji cahmachu, Pedrore cohtaa niha. 25 Ñ jiro Pedro Cornelio ya wũhũ cahapũ to tachũ ñũno Cornelio sehe tirore piti boca wijaa, to dahpori cahai caha sũha. 26 Wiho mejeta Pedro tirore na wahcõ õ sehe niha:

—Ducuga mũhũ. Yũhũ cũhũ mũ yoaro seheta jiriro jija —niha Pedro tirore.

27 To ã ni tuhsũri baharo Cornelio tirore na sãa wahaha to ya wũhũpũ. Tõpũ sãa sũro masa peri tí wũhũpũ cahmachu tirore cohtainare ñũha Pedro. 28 Tinare ñũno õ sehe ni yahuha tinare:

—Judio masũno jipaihta pa curua macaina mũsa mehne jicũ, mũsa wũhũsepũ sãacũ, judio masa sã dutiare yũhdũrũcai nija yũhũ. Tĩre noano masina mũsa. Wiho mejeta pa curua macainare “Ñaina jira”, yũhũre ni dutierare Cohamacũ. Tĩre ni yahuhre yũhũre tiro. 29 To ã nichũ tũhocũ õpũre mũsa cahapũre tahi. Mũsa yũhũre pjirocachũ “Ne wahaeraja”, nierahi. ¿Dohse jiro baro yũ õpũ tachũ cahmari mũsa? —niha Pedro tinare.

30 To ã nichũ tũhoro Cornelio sehe õ sehe niha:

—Pititia dachori wahara, Cohamacũ yairo anjo yũhũre to bajuari baharo. Tĩ dachore tres jichũ, ahri hora waroihta Cohamacũre yũ sinino watoi anjo minoa suhti tiriro yũ cahai ducuhre. 31 Ñ ducuro tiro yũhũre õ sehe nihre: “Cornelio, mũhũ Cohamacũre mũ sinichũ tiro tũhohre. Ñ yoa pjacũoinare ti cahmaare mũ wachũ noano masino, Cohamacũ mũhũre yoadohorohca. 32 Ñ jicũ Jopepũ mũ mũare warocaga, Simore, Pedro wama tirirore mũ cahapũ ti na tahto sehe. Tiro paio Simo wahiquina cahsari cahnoriro ya wũhũi, pjiri ma dũhtũ cahai jiri wũhũi jira tiro. Mũ cahapũ wihiro mũhũre yahurohca”, ni yahuhre yũhũre tiro. 33 To ã nichũ tũhocũ dõicãta yũ mũare mũhũre na ta duticũ warocahi yũhũ. Ñ jicũ noano yoacũ tari jira mũhũ sã cahapũre. Ñ jina sã jipihtina õre Cohamacũ to ñũrocaroi jina nija sã. Jipihtiare Cohamacũ mũhũre to yahu dutirore tũho duana, cohtahi sã —niha Cornelio Pedrore.

Pedro Jesu yare yahuha

34 To ã nichu tũhoro, Pedro õ sehe ni yahuha:

—Mipũ masija. Potocã tjira. Cohamacu cũno potori noano yoara marine. **35** ã jiro jipihtia macari macaina Cohamacure cua pisaro ti ñũchu, noaare ti yoachũ Cohamacu sehe tinare ñũ wahchera. **36** Cohamacu sã judio masa cahai Jesucristore noaa buheare yahuhtirore warocare. Masa Cohamacu mehne noano ji masica Jesu to yaria masa mũjano mehne. Tí buheare mũsa masina. Jesucristo sehe jipihtina masa pũhtoro jira. **37** João bautisariro masare, “Mũsa ñaa yoari buhiri tiare masiga”, ni yahu, to bautisari baharo, Galileapũ noaa buheare Jesu sehe yahu dũcare. Baharo Judea yahpũ cũhũre tí buheare yahu pahũore. **38** Ahriro Jesu Nazare macarirore Cohamacu sehe to tuaare Espĩritu Santo mehne to yoa masihtire ware Jesure. ã jiro Jesu noano yoaro wahare. ã waharo watĩa sãanohrinare, ñano yũhdũinare jipihtinare noaina wahachu yoare. Cohamacu Jesu mehne jiri jire. **39** Judea yahpai, Jerusalẽ cũhũre jipihtia to yoarire sã ñũhi. Baharo tina crusapũ cjã puha wajãhre tirore. **40** Wiho mejeta tia dacho wahaboroi Cohamacu tirore masori jire. Maso, Jesure sãre bajuachu yoari jire Cohamacu. **41** Tí pjare Jesure jipihtina ñũerare. Sã dihtare bajuahre tiro. Cohamacu to cahmainare, Jesure ñũ, painapũre yahuhtinare panopũ sãre beseha. Sã sehe Jesu to masari baharo tiro mehne chu, sihnihi. **42** ã jiro tiro sãre õ sehe ni dutihre. “Masare õ sehe ni yahuga. Yũhu Jesu jipihtina catiinare, yariaina cjiri cũhũre ti ñaa yoari buhiri tiare yahuhtiro buhiri dahrehtiro yũ jichũ yoare yũhũre Cohamacu. ã jina tíre masare yahuga”, ni dutihre Jesu sãre. **43** Dohse jiina baro Jesure ti wacũ tuachu ñũno Cohamacu ti ñaa yoari buhiri tiare borohca. Tíre jipihtina Cohamacu yare yahu mũhtaina cjiri panopũ macaina yahuyuha —ni yahuha Pedro.

Judio masa jierainapũ cũhũre Espĩritu Santo sãarũcu sua wahaha

44 Tí jipihtiare to ã ni yahuro watoi, jipihtina tíre tũhoinapũre Espĩritu Santo sãarũcu sua wahaha. **45-46** Tinapũre to sãarũcu sua wahachu, tũho mahnoeraa dũseri mehne wahchea mehne durucu dũcaha tina. Tí dũseri mehne Cohamacure “Tuariro, noariro jira mũhu”, nia niha. Ti ã nichu tũhoha Pedro mehne

tarina judio masa, Jesu yaina. Ñ tũhoa Espíritu Santo judio masa jierainapũ cũhũre to sãarũcũ sũ yoadohochũ ñũa, judio masa sehe cũaa wahaha. Ñ jiro Pedro õ sehe ni yahuha judio masare:

47 —Mari yoaro seheta Espíritu Santore cjuara ahrina cũhũ. Ñ jina tina bautisa duaa ti sinichũ, tinare, dũcataena tjijihna —niha Pedro tinare.

48 Ñ ni tuhsũ judio masa jierainare Jesu yaina ti jiare ñohto sehe bautisa dutiha Pedro. Ti ã yoari baharo “Sã mehne mahaa dachoricã tjuasiniga”, niha tina Pedro cũhũre.

Pedro Jerusalẽ macainare Jesu yainare yahuha

11 1 Ñ yoa judio masa jieraina cũhũ Cohamacũ yare ti noano cahmachũ Jesu to cũrina sehe ti coyera Judeapũ jiina mehne tũhorocaha. 2 Ñ jia Pedro Jerusalẽpũ to tju sũchũ ñũa judio masa Jesu yaina mahainacã tirore õ sehe ni tuhtiha:

3 —¿Judio masa jierainare dohse jiro baro ñũi sũri mũhũ? ¿Dohse jiro baro tina mehne chũri mũhũ? —ni tuhtiha Pedrore tina.

4 Ti ã nichũ tũhoro Pedro to yoari cjirire yahu pahũoha tinare. Õ sehe ni yahuha:

5 —Yũhũ Joperũ jicũ Cohamacũre sinii nihi. Ñ jiro yũhũre õ sehe bajuahre. Pjiri cahsaro pititia sohtoarire dũhteri cahsaro mũanopũ yũ cahai to duji tachũ ñũhi. 6 Ñ jicũ tí cahsarore noano ñũhi “¿Yaba baro tí cahsaropũre jijari?” nicũ. Ñ jicũ ñũhi tí cahsaropũre jiinare: Tí cahsaro puhichapũre payũ wahiquina, bũa tiniina, chihchõina, waina peri cũhũ jire. 7 Ñ jicũ yũhũre to durucuchũ tũhohi. “Pedro, wahcãrucaga. Wajã chũga ahrinare”, nino coa tahre yũhũre. 8 To ã nichũ tũhocũ õ sehe nihi yũhũ: “Pũhtoro, ne tina barore chũeraja yũhũ. Ñainare, Cohamacũ to chũ dutierainare ne chũera tihi yũhũ”, nihi yũhũ. 9 Wiho mejeta mũanopũ pari turi yũhũre durucuro coa tahre tjoa. “Cohamacũ ‘Noaina jira’ to niinare, ‘Ñaina jira’, nii tjia mũhũ”, nino coa tahre yũhũre. 10 Ñ jiro tia taha sã ã ni durucuri baharo tí cahsaro mũanopũ mũjahre tjoa. 11 Yũ ã ñũno watoi tiaro mũa sã jiri wũhũpũ sũri jihre. Tina Cesarea macariro to warocarina jiri jihre. 12 Ñ jiro Espíritu Santo sehe yũhũre tina mehne waha dutiro, “ ‘Tina ñaina jira’, nii tjia tinare”, ni yahuhre yũhũre tiro. Ñ jia ahrina seis mehne yũ coyera Jesu yaina mehne Cesarea macariro ya wũhũpũ sãahi

sã. 13 Ñ jiro tiro sãre õ sehe ni yahuhre: “Anjo yu wuhui ducuchu ñuhi yuhu. Õ sehe ni yahuhre yuhure: ‘Joperu Simore Pedro wama tirirore na ta dutiga. 14 Tiro muhure mu coyea mehne musare jipihtinare pichacaru wahaborina musa yuhduhtore yahurohca’, nihre anjo yuhure”, ni yahuhre Cesarea macariro yuhure. 15 Ñ yoa yu durucuro watoi Espiritu Santo sehe tinapure saarucu sahare, marine to yoa muhtariro seheta. 16 Ñ jicu Jesu to yahurire wacuhi yuhu. Õ sehe ni yahuhre tiro: “João musare bautisaro, copu yoamahre. Yuhu sehe ti yuhdoro yoaihtja musare. Baharo Espiritu Santore musa mehne jirucuhu yoaihtja musare”, ni yahuha. 17 Ñ jiro Jesucristo mari puhtore mari wacu tuachu ñno Cohamacu to Espiritu Santore wahre marine. Ñ jiro Cohamacu marine to Espiritu Santore to wariro seheta judio masa jieraina cuhure tiro wahre. Cohamacu to ñ yoachu ñucu tirore yuhduruca masieraja yuhu —niha Pedro tinare, judio masare Jesu yainare.

18 To ñ nichu tuhoa, tina tirore ne ni namoeraha. Ñ ni namoeraa, Cohamacure wahche payo, tina õ sehe niha:

—Tí pja pini judio masa jieraina cuhure Cohamacu cahiri jira. Ti ñaa yoari buhiri tiare masi, Cohamacure cahma, tina cuhu Cohamacu mehne ñ catirucuahca —niha tina.

Antioquíai paina Jesu yaina jiha

19 Ñ yoa Estebãre ti wajãri baharo masa Jesu yainare ñano yoaha. Ti ñ yoachu ñua Jesu yaina duhti sitea wahaha. Ñ jia tina Feniciaru, Chiprepu, Antioquíaru cuhure waha site, tãpuru judio masa dihtare Cohamacu yare yahua timaha tina. 20 Wiho mejeta paina Jesu yaina mehne macaina Chipre macaina, Cirene macaina, Antioquíaru su, judio masa jierainare Jesu yare buheha Cohamacu tinare to yuhdohto sehe. 21 Ti ñ buhechu, Cohamacu tinare yoadohoha. Ñ jia masa payu Cohamacure cahma duca, mari puhtoro Jesure wacu tuaha.

22 Ñ yoa “Antioquía macainaru Jesure cahmaca”, ni tuhorocaha Jerusalẽ macaina Jesu yaina. Ti ñ tuhorocari baharo Jerusalẽ macaina Bernabẽ wama tirirore Antioquíaru warocaha. 23 Tãpu sũro, Cohamacu yoadohoha mehne judio masa jieraina to yaina ti wahachu ñno, tuaro wahcheha. Tuaro wahche, tiro tã macainare õ sehe ni yahuha:

—Jesure ñ wacu tuarucuga. To yare ne duhuena tjiga —ni yahuha tiro jipihtina tinare.

24 Bernabé noariro jiro, Espíritu Santo dutiare yoariro Jesure noano wacū tuaha tiro. Ā jia to buheri baharo Jesure wacū tuaina payu waha namoha tjoa.

25 Baharo tiro Tarso wama tiri macapu Saulore macano wahaha. 26 Tópu tirore boca sūha. To boca sūri baharo Antioquíapu na majare tjuaaha Saulore. Tópu ti sūri baharo cū cahma waro tina Cohamacu yaina mehne cahmachu, payu masare buheha tina. Ā jia Antioquíapu Cristo yaina Cristiano wama ti dūcaha.

27 Tí pjare Cohamacu yare yahu mūhtaina Jerusalēpu jiina cjiri waha, Antioquíapu sūha. 28 Ā ti sūri baharo tina mehne macariro Agabo wama tirore Jesu yaina watoi ducuro, Espíritu Santo to tuaa mehne yahuha tinare. “Jipihtiro yahparure tuaro jūcaro waharohca”, ni yahuyuha tiro. Tí pjare chūa marieni pja jichū jipihtina bui pūhtoro Claudio jiha. 29 Ā jia Cristo buheina, jipihtina ti cjūaro puro ti coyeare wa duaa ti basi cahma durucuha. “Judea yahpa macaina Jesu yainare niñerure warocajihna”, niha tina ti basi. 30 Ti ā niri baharo Bernabé Saulo mehne tí niñerure na wahcābasaha. Tópu sūa Judea yahpa macainare Jesu yaina pūhtoare waha tí niñerure pja cūoinare tju wa dutia.

Pedrore peresu yoaha

12 1 Tí pjare pūhtoro Herode cāinare Jesu yainare ñano yoa dūcaha. 2 Tiro João wahminore Santiago sehere yoari pjī mehne to wajā dutichū paio sehe tirore wajāha. 3 Santiagore to wajāchū judio masa wahcheha. Ti wahcheare Herode masino, “Ā dihta cahmana tina”, nino Pedro cūhure peresu yoaha. Tí dachorire būcūaerari pāore ti chūhti bōse nūmūri pascua jiha.

4 Ā jiro Herode Pedrore ñaha, peresu yoaha. Peresu yoa diez y seis surarare cohta dutiha tirore. Pititiaro surara cohtaha tirore. Baharo pititiaro ti cohtotaina tirore cohta mūjaa tiha. Āta yoaha tina diez y seis surara. Herode sehe pascua baharo Pedrore peresupu jirirore masa panoi duhu dapo duamaha tirore wajā dutiro taro. 5 Ā jiro Pedro peresupu jiha. Tópu to jichū Jesu yaina sehe Cohamacure tuaro sini payorucua niha tirore.

Cohamacu peresupu jirirore Pedrore wioha

6 Ñ yoa ñamine Pedro puaro surara mehne comaa dari mehne ti dũhteriro jiha. Ñ ti dũhteriro jiro, ti watoi carĩno niha. Ñ yoa paina surara sopacai cohtarucua niha tirore. Tĩ ñami bohrearo Herode Pedrore judio masa panoi duhu dapu duamaha tirore wajã dutiro taro. 7 Wacũenoca Cohamacu yairo anjo Pedro cahai to ducuchũ to peresu jiri tahtia buhria pihtia wahaha. Ñ jiro anjo Pedro cahai ducuro Pedro patipahmai be careha, tirore wahcõno.

—Cjero wahcãrucaga —niha tiro Pedrore.

To ã nichũta to wamomacarine ti dũhtea dari comaa dari parĩ site boraah wahaha. 8 Ñ yoa anjo tirore õ sehe ni yahuha:

—Tũã dihoga mũ tũã dihori dare. Mũ dahpo suhti cũhũre sãaga —niha tiro.

To ã nichũ Pedro sehe to niriro seheta yoaha.

—Mũ bui macari suhtirore sãa, yũhũ mehne wahaga —niha anjo.



9 To ã nichũ tí tahtiapũ jiriro wijaa, anjo baharo wahaa wahaha tiro. Ñ wahaparota õ sehe ni tũhotumaha tiro. “¿Ahri potocã jieracari? ¿Cahãĩ nicari yũhũ?” ni tũhotumaha tiro. 10 Ñ yoa tina to jiri tahtia sopacai ducuína surarare yũhdũ wahcã, paina yoawacũno ducuína cũhũre yũhdũ wahcã, pjiri sopacaru sũha. Tĩ sopa pahma, comaa pahma macaru wahari mahare dũcatari pahma jiha. Tĩ sopa pahma to mũ sũro

parĩchũ tina wijaa wahaha. Wijaa waha, tina mahapũ mahano wahachũta, anjo sehe buti mũa wahaha. 11 Ǻ jiro Pedro cũirota tjuaha. 11 Ǻ tirore anjo to wahari baharo to yoirire Pedro masiha. Ǻ sehe ni tũhotuha tiro. “Potocǻ tjira. Anjo Cohamacũ to warocariro peresupũ jirirore yũhũre wioro wihihre. Mĩpũ tíre masija to ǻ yoirire. Judio masa sehe yũhũre ti ñano yoaborire Cohamacũ sehe tinare yoa dutierare. Ǻ jiro yũhũre, Herode to peresu yoirirore wiohre”, ni tũhotuha Pedro.

12 To ǻ ni tũhoturi baharo María João pocoro ya wũhũpũ sũha Pedro. João sehe pa wama Marco wama tira. Tí wũhũpũ masa payũ cahmachu, Cohamacũre sinia niha. 13 Tí wũhũpũ sũro, Pedro sopa pahmare dotaha. Cũcoro ti cahamacono Rode wama tiricoro to dotachũ tũhoro, ñũno sũha ticoro. 14 Ǻ yoro Pedro ticorore to pisuchũ tũhoro to durucuare tũho masi, tuaro wahche, sopa pahmare pjõoboricoro pjõoeraha. Pedro tói to ducuchũta ticoro majaregũca mũroca sãa wahaha painare yahuro waharo.

—Pedro sopacapũ wihihre —ni yahuro sãaha.

15 To ǻ nichũ tũhoa, tí wũhũi jiina sehe:

—Ǻ ninocaco nica mũhũ —niha tina ticorore.

—Potocǻ tjira. Potocǻ nicota nija —niha ticoro.

To ǻ nichũ tũhoa:

—Tiro jieraca. To yairo anjo wihiro nica —nimaha tina sehe.

16 Ti ǻ nino watoi Pedro sopa pahmare ǻta dotarucuro niha. To ǻ yoachũ tũhoa, tina sopacare pjõo, tirore ñũ, cũaa wahaha. 17 Ǻ jiro tiro Pedro to wamomaca mehne “Dihta mariaha” ni, Cohamacũ peresupũ tirore to wiorire yahuha tinare:

—Ahrire yahuga mũsa pũhtoro Santiagore, paina Jesu yaina cũhũre —niha tiro.

Ǻ ni yahu tuhsũ tiro pa sehẽpũ yũhdũ wahcãa wahaha.

18 Ǻ yoa bohrea bora tachũ surara Pedro to dohse yoa wijaarire ne masieraha. Ǻ masieraa cũaa wahaha. 19 Ǻ jiro Herode Pedore maca dutimaha. Ǻ dutiro tiro surarare peresu cohtainare to sinituri baharo tinare wajã dutiha Herode sehe. Ǻ jiro Herode Judeapũ jiriro waha, Cesareapũ jiro wahaha.

Herode yariaa wahaha

20 Ǻ yoa Tiro wama tiri maca macaina mehne, Sidõ macaina mehne Herode sehe suaha. To ǻ suachũ ñũa tí macari macaina

sehe Herode tina mehne to suarire cahnoa waha, tiro mehne durucua wahaha. Ñ jia to docai jiro pũhtoro Blasto wama tirirore piti tiha. Ñ jia tina Blasto to yoadohoro mehne Herode cahapũ sũha. Tiro cahapũ sũa, õ sehe niha:

—Mari noano jijihna. Mari basi ñũ tuhtiena tjijihna —ni siniha tina Herodere.

Tina ya yahpa macaina Herode ya yahpai chũare boca tiha. Ñ jia Herode tinare ñũ tuhtichũ cahmaeraha tina. **21** Ñ yoa Herode to quihõri dachoi, pũhtoro to sãa suhti noaa suhtire sãa tiha tiro. Ñ sãano tiro to dujiroi dujitjiãhno, masare durucu ñoa tiha. **22** To ã durucu ñochũ tũhoa masa sehe õ sehe ni sañurucuha:

—Ahiro durucuro masũno jierara. Cohamacũ jira —ni sañurucu payomaha tina Herodere.

23 Ti ã nichũta Cohamacũ yairo anjo Herodere dohatichũ yoaha. Cohamacũre ño payoeraro, “Cohamacũ jieraja yũhũ”, ne nieraha Herode. To ã nierari buhiri anjo tirore dohatichũ yoaha. To ã dohatichũ tirore dachoa chũ wajãnocaha.

24 Ñ yoa Jesu yaina payũ masare Jesu ya buheare buhe tiha.

25 Ñ jia Bernabé, Saulo mehne buhe tuhsũ, Jerusalẽpũ tjuaa wahaha. Ñ jia João Marco wama tirirore tina na wahcãha tina mehne.

Jesu yaina Bernabére Saulo cũhũre Cohamacũ yare buhe dutia warocaha

13 ¹ Tí pjare Antioquíapũ Cohamacũ yaina mehne macaina Cohamacũ durucua yahu turiaina jiha. Ñ yoa Cohamacũ to joa na dutiri cjirire, Jesu yaina ti yoaa tiare yahuina cũhũ jiha. Bernabé, Simo Negro wama tiro, Lucio Cirene macariro, Menahem, Saulo mehne tina jiha. Menahem sehe pũhtoro Herode cjiro mehne tina pũaro cũno potori bũcũaina jimaha. ² Cũ nũmũ tina Jesu yaina chũ duhu, Cohamacũ yare ti buhero watoi Espíritu Santo õ sehe ni yahuha tinare:

—Bernabére, Saulo mehne cũga yũ cahmano sehe yoahinare. Tíre yoahinare bese cũi nija tinare —niha Espíritu Santo.

³ To ã nichũ tina sehe chũ duhu namo, Cohamacũre sini, Bernabé dapu bui Saulo dapu bui ti wamomacarine duhu payoha. Ñ duhu payoa tinare buhe dutia warocaha.

Chiprepu Jesu to cūrina buheha

4 Ñ jia tina Espírítu Santo to warocaina jia, Seleuciapu su, tí macare dohoriapu samu, Chipre wama tiri nūcopu pahāha tina. 5 Ñ pahāa, Salamina wama tiri pitamahapu wahā sūha. Tí macai judío masa buhea wūhūsepū, Cohamacu yare yahu dūcaha tina. Ñ yoa João Marco cūhū tina mehne jiro, tinare yoadohoha. 6 Tuhsu, tina tí nūco sohtoai maja, tí nūco topai jiri macapu Pafu wama tiri macapu sūa, yairore boca sūha tina. Tiro judío masūno, Barjesu wama tiro jia. Barjesu griego ya mehne nia Elima ti ni pisuriro jia. “Cohamacu yare yahu mūhtariro jia yūhū” ni, masare mahñoperucuriro jia tiro. 7 Ñ yoa tiro Sergio Paulo wama tiro mehne macariro jia. Sergio Paulo sehe tí nūco macaina pūhtoro masi pahñoriro jia. Ñ jiro Cohamacu yare tūho duaro tinare Bernabé, Paulo mehne pjirocaha tiro. 8 Wiho mejeta Elima yairo sehe tinare buhe dutieraha. Tiro Sergio Paulo Jesu yare to ño payochū cahmasāaeraha yairo sehe. Ñ jiro Sergio Paulore Cohamacu yare cohā dutiro nimaha. 9-10 To ã dutipachūta Saulo, Paulo ti niriro Espírítu Santo dutiare yoariro jiro yairore noano ñū diho cū tirore ò sehe ni yahuha:

—Mūhū mahñoa payūriro, ñariro, watīno to dutiare yoariro, noare ñū yabiriro jira mūhū. ¿Dohseacu Cohamacu yare “Ñaa jira. Mahñoa jira”, ã nirucujari mūhū? 11 Mūhū ã yoariro jicu Cohamacu mūhūre to pihachū capari bajuerariro jiihca mūhū. Ñ jicu mahaa dachoricā mūhū ahri dachore ñūsinisi —niha Paulo.

To ã nichūta tiro yairo sehe me yoaro sehe jiare ñū mūhtano, baharo nahitiano dihtare ñūha. Ñ jiro tirore tūāhtirore macaha tiro. 12 To ã wahachū ñūno, Sergio Paulo sehe Jesu yare “Potocā tjira”, ni masiha. Mari pūhtoro yare tiro tūho, cūaa waha, Jesure wacū tua dūcaha.

Paulo Bernabé mehne Antioquíai Pisidia yahpai jiri macai jia

13 Ñ yoa Paulo cūhū Pafopu jiina dohoria mehne pahā turia waha namo, Pergepu sūha. Perge Panfilia yahpapu jira. Tópu su, João Marco tinare cohā wahcā, Jerusalēpu majare tjuaa wahaha. 14 To ã wahapachūta tina sehe Pergepu jiina waha namo, Antioquíapu sūha. Antioquíai Pisidia yahpapu jira. Tópu sūa, Sabado dacho jichū tina judío masa buheri wūhūpu sūa

sɛ, tóprɛ dujiha. ¹⁵ Tí wɛhɛ macaina pɛh̄toa Cohamacɛ dutiare, Moise cjiro masare to c̄irire, ã yoa Cohamacɛ yare yahu mɛhtaina cjiri ti joari cjirire ti buhe ñori baharo tina pjirocaha Paulo c̄ɛh̄re:

—Coyea, ¿masare wahchechɛ yoah̄ti cjihti mɛsa yahu duaa jijari? Tíre yahu duana, yahuga michapucacã —niha tí wɛhɛ macaina pɛh̄toa.

¹⁶ Tí ã nichɛ tɛhoro, Paulo wahc̄ɛrɛcɛ sɛ, “Durucuena tjiga”, nino to wamomaca mehne c̄jã tuha. Tí dihta mariachɛ ñɛ, tiro ò sehe niha:

—Israe masa, ã yoa mɛsa Israe masa jieraina, Cohamacɛre ño payoina, tɛhoga mɛsa. ¹⁷ Mari ñɛchɛsɛma cjiri Cohamacɛre ño payoa tiha. Tina cjirire Cohamacɛ besea tiha. Æ jia mari ñɛchɛsɛma cjiri yoari pja Egiptopɛ jia tiha paina jipahta. Tóprɛ ti jichɛ Cohamacɛ noano yoaa tiha tinare. Æ jia payɛ masaputia tiha tina. Ò sehe yoaa tiha tinare. Tinare Egiptopɛ jiinare to tuaa mehne wioa tiha Cohamacɛ. ¹⁸ To ã wiori baharo tina cuarenta cɛhmari waro masa marienopɛ tinia tiha. Tóprɛ tirore ti yɛhdɛrɛcachɛ Cohamacɛ ãta tɛhotunocaa tiha. ¹⁹ Tuhsɛ, Canaa wama tiri yahpɛrɛ siete curuari macainare cohã tuhsɛ, Cohamacɛ tí yahpare waa tiha Israe masa sehere. ²⁰ Israe masa Egiptoi ti ji dɛcachɛ, pɛ Cohamacɛ ahri yahpare to wachɛpɛ cuatrocientos cincuenta cɛhmari waro yɛhdɛa tiha. Baharo Israe masare dutihtinare c̄ɛa tiha Cohamacɛ tinare. Pɛ, Cohamacɛ to c̄irina Samue to jichɛpɛ ji batoa tiha. Samue sehe Cohamacɛ yare yahu mɛhtariro cjiro jia tiha.

²¹ Baharo Israe masa sehe ti pɛh̄toro cjihtore macaa tiha. Æ jia Cohamacɛre sinia tiha. Tí ã sinichɛ ñɛno Cohamacɛ Saulo cjirore c̄ɛa tiha tinare. Saulo cjiro Cis macɛno jiro, Benjami ya curua macariro jia tiha. Æ yoa cuarenta cɛhmari waro ti pɛh̄toro jiltiro cjihtore c̄ɛa tiha Cohamacɛ tiro cjirore.

²² Cohamacɛ Saulo cjirore to cohãri baharo Davi cjirore c̄ɛa tiha tiro. Ò sehe nia tiha Cohamacɛ Davi cjirore: “Davi Jesé macɛnore bocahi yɛhɛ. Tiro mehne wahcheja yɛhɛ. Tiro yɛ cahmaare yoarohca”, nia tiha Cohamacɛ. ²³ Ahriro Davi cjiro to panamino ji turiariro jira Jesu. Cohamacɛ Jesure c̄iri jire Israe masare yɛhdohtiro cjihto. “Masare noano yoaihca”, niha Cohamacɛ. To niriro seheta yoare tiro. ²⁴ To ã yoah̄to pano Jesu to tahto pano João cjiro ò sehe ni buheri jire: “Mɛsa ñaa tɛhotumari cjirire tɛhotu cohtota, Cohamacɛre macaga.

Ã yoana bautisarina jiga”, ni buheri jire João cjiro jipihtina Israe masare. 25 João cjiro to buhe batohto pano, to yariahto pano õ sehe ni yahua tiri jire: “¿Diro baro jijari yũhũ, mũsa tũhotuchũ? Cristo jieraja yũhũ. Pairo jija. Ã jipachũta tũhoga yũhũre. Yũ baharo yũ yũhdoro tuariro tarohca. Tiro noa yũhdũariro jira. Tiro yoaro sehe jieraja yũhũ”, ni yahuha João cjiro masare.

26 'Coyea, Abrahã panamana, jipihtina Cohamacũre cua pisaro ñũina marine ahri to yũhdohtore yahua buheare warocari jire Cohamacũ. 27 Jerusalẽ macaina ti pũhtoa mehne Sabado dachori jichũ Cohamacũ yare yahu mũhtaina cjiri ti joarire buhepahta noano tũho ñahaerari jire. Ã tũho ñahaera, Jesu tinare yũhdohtiro to jichũ cũhũre masierari jire. Tina ã masierapahta Jesure wajã dutiha. Ã yoaa Cohamacũ yare yahu mũhtaina cjiri ti joariro seheta yoaa niha. 28 Tirore ti wajãhto pano tina Jesure yahusãmaha. Wiho mejeta to ñaa yoerapachũta tina Pilatore Jesure wajã dutia taa, siniha. 29 Ã yoaa, panopũ ti joariro seheta Jesure yoa tuhsũ, tirore crusapũ jirirore na boro, masa copapũ tãcai ti sahari copapũ na sãa, duhu payoha tirore. 30 Tirore ti ã wajãpachũta tiro to yariari baharo Cohamacũ masori jire tirore. 31 Ã jia Galileapũ taina Jerusalẽpũ tiro mehne sũina payũ dachori tirore yaria masa bajuarirore ñua tiri jire. Ã jia mipũre tirore ti ñũire masare yahuhre tina.

32-33 'Ã jina noaa buheare yahuja sã mũsare. Cohamacũ mari ñũchũsũma cjirire “Masare noano yoaihca”, panopũ to niriro seheta mipũre marine tinare ji nũnũ ti turiainare yoahre. Tĩre to yahuri cjirire õ sehe yoahre tiro. Cohamacũ Jesure masori jire. Ã jina Jesure to masore yahuja mũsare. Salmo capítulo dosre panopũ to joariro seheta ã wahari jire: “ ‘Mũhũ yũ macũ jira. Michare mũhũre yũhũ mũ Pũcũ jiare masichũ yoahi’, nina Cohamacũ to macũnore”, ni joaa tiha panopũ. 34 Ã jiro Cohamacũ Jesure to masohtire pari turi to yariaerahtore yahuyuro õ sehe ni yahu joaa tiha Salmo joariro. “ ‘Davire yũ pja ñũriro seheta tirore yũ niriro seheta potocãta noano yoaihtja mũsa cũhũre’, nire Cohamacũ”, ni joaa tiha. 35 Tuhsũ, pa Salmo cũhũre õ seheta ni yahua tiha: “Cohamacũ mũ yairo ñaa buhiri marieriro to pjacũre baa dutierara mũhũ”, ni joaa tiha. 36 Ã jiro Davi Cohamacũ to cahmariro seheta to jisiniri pja macainare yoadohoha. Baharo

tiro yariaa wahaha. To yariari baharo to p̄c̄s̄um̄are ti yoariro seheta masa copap̄ siō s̄āaha tiro c̄ūh̄ure. ã jiro tiro baa wahaha. **37** To ã baapach̄ta ahr̄iro, Cohamac̄u to masoriro sehe ne baaerare. **38** ã jina m̄sa ȳu coȳea ahr̄ire masiga: Jesu to yariaro mehne Cohamac̄u mari ñaa yoari buhiri tiare to cohãhtore m̄sare yahuja s̄a. **39** ã jiro Jesure wac̄u tuinare Cohamac̄u ti ñaa ñano yoaa, buhiri tiare bonocanohca. Wiho mejeta Moise cjiro to c̄ūri dutiare m̄sa yoari mehne m̄sa ñaa yoari buhiri tiare ne cohãsi Cohamac̄u. **40** ã jina noano yoaga. M̄sa noano yoerach̄u Cohamac̄u yare yahu m̄htaina cjiri ti joariro seheta m̄sare wahaboca. Õ sehe ni joaa tiha:

41 “T̄uhoga m̄sa.

Cayōa paȳuina, ȳuh̄ure ñ̄u tuhtiina jira m̄sa.

Ȳu ò sehe yoach̄u cuiga m̄sa.

ã jina pichacap̄u wahaga.

M̄sa jia dachorire m̄sare yōa ñoihtja.

Ȳu ã yōa ñoch̄u ñ̄upanahta ‘Potocã tjira’, nisi m̄sa.

Pair̄o tíre m̄sare to noano yahupach̄ta ‘Potocã tjira’, nisi m̄sa”,

ni joaa tiha Cohamac̄u yare yahu m̄htar̄iro cjiro —ni yahuha Paulo tinare.

42 To ã ni yahuri baharo judio masa buheri w̄uh̄up̄u ti wijaari baharo, masa sehe tinare ò sehe ni siniha:

—Pa somanap̄u Sabado jich̄u s̄āre ahr̄ire buhega tjoa —ni siniha tina Paulore.

43 ã yōa tí w̄uh̄up̄u jirina wijaa, judio masa paȳu, judio masa jieraina c̄ūh̄u Paulo c̄ūh̄u mehne wahaha. Judio masa jieraina sehe judio masa yare Cohamac̄u warore ti ño payōa tiare buheina jiha. Ti ã wahach̄u Paulo, Bernabé mehne noano yahuha tinare: “Cohamac̄u m̄sare cah̄ina. ã jina tirore ño payōina, wac̄u tuaina ã jirucuga m̄sa”, ni buheha tina.

44 ã yōa pa somanare Sabado jich̄u jipihtina Jesu yare t̄uho duaina cahmachuha. **45** Wiho mejeta judio masa sehe paȳu masare Jesu yare t̄uho duinare ñ̄ua pahsu tia wahaha. ã pahsu tia tina soro ni durucu, Paulore ñano quit̄i dojomehneha. “M̄sare to buhea potocã jierara”, niha tina. **46** Ti ã nich̄u t̄uhoa, Paulo, Bernabé mehne tinare quit̄i dojomehnerinare cuiro marieno ò sehe ni yahuha:

—Cohamac̄u to dutir̄iro seheta m̄sare buhe m̄htamahi s̄a. Wiho mejeta m̄sa sehe tíre cahmaera tuhs̄uh̄re. Cohamac̄u

catia mehne ã catirucua cũhũre cahmaera tuhsũhre mũa. Æ jina sã sehe judio masa jieraina sehere buhe dũcanahca. 47 To joa dutiri cjiri mehne õ sehetã dutiha Cohamacũ sãre:

“Mũa judio masa jierainare buhena tinare yũ yare noano masichũ yoanahca mũa.

Æ jicũ ahri yahpa mũ sũro macainare mũa buhechũ, noano yũhũre wacũ tuaina sehere pichacarpũ wahaborinare yũhdoihca yũhũ”,

ni yahu dutiha sãre Cohamacũ —ni yahuha Paulo, Bernabé mehne.

48 Ti ã nichũ tũhoa judio masa jieraina sehe wahcheha. “Cohamacũ ya sehe noaa jira”, niha tina. Tópeina Cohamacũ to cahmaina, to catia mehne ã catirucua to wa duarina Jesure wacũ tua dũcaha. 49 Æ jia mari pũhoro Cristo yare tí yahparũre yahu site pahũoha. 50 Ti ã yahu site pahũochũ ñũa judio masa ji coaeraha. Æ jia tina Paulo cũhũre ñãno durucuha. Tórpũ Cohamacũre ño payoa numia, masa ti cua pisaro ñũa numia jiha. Æ jia judio masa Paulo cũhũre ñãno durucuha. Ti ã ni durucuchũ tũhoa tí numia Paulo mehne, Bernabé mehne cũhũre suaha. Æ yoa tí maca macaina pũhtoa cũhũ tina mehne suaha. Æ suaa tó macaina ñãno yoaha Paulo cũhũre. Ti ã yoari baharo Paulo cũhũre ti ya yahpai jiiare cohã wioha. 51 Ti ã yoachũ ñũa Paulo, Bernabé mehne ti dahpori macaa dihta pohcarire cjã site boro cũha tí maca macaina ti ñãa yoari buhiri tiare ñoa. Æ yoa tuhsũ tina Iconiopũ wahaa wahaha. 52 Æ yoa tina Jesu yaina pjíro wahchea, Espíritu Santo dutiare yoaina jiha.

Paulo, Bernabé mehne Iconioi jiha

14 1 Æ yoa Iconiopũ sũ, Paulo Bernabé mehne judio masa buheri wũhũrpũ sãa, Jesu yare noano durucu mihnia mehne yahuha. Æ jia payũ masa Jesure wacũ tua dũcaha, judio masa cũhũ, judio masa jieraina cũhũ. 2 Wiho mejeta judio masa Jesure cahmaeraina cũhũ tina mehne jiha. Tina judio masa jierainare Jesu yaina mehne ti suachũ yoaha tjoa. Ti ã yoachũ judio masa jieraina ñãno tũhotuha Jesu yainare. 3 Ti ã tũhotuchũ ñũa Paulo, Bernabé mehne tórpũ yoari pja jia, cuiro marieno mari pũhoro Jesu yare noano buheha. Cohamacũ masare to cahĩare buheha. Æ buhea Cohamacũ to tuua mehne yoa ñoha tina, “Ahri buhea potocã tjira”, nia. 4 Wiho mejeta tí

maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina cūhũ tjuaha. Tina p̄na curua tjuaha. ⁵ ã jia judio masa jieraina, judio masa ti p̄h̄toa mehne Jesu to cūrinare ñano yoa duama, tãa mehne doca wajã duamaha tinare. ⁶ Ti ã yoa duarire masia, Paulo Bernabé mehne Licaonia yahpap̄ duhti wahcãa wahaha. Tí yahpai jia macarip̄ Listra, ã yoa Derbep̄ sũha. ⁷ Tóp̄ sũa, noaa buheare buheha tjoa tí macari macainare, tó cahai jiina cūh̄ure.

Listrai Paulore tãa mehne docaha

⁸ ã yoa Listrai tini masierariro jiha. Tiro wahma masa bajarop̄ta tini masierariro jiro ne tinieraa tiha. ⁹⁻¹⁰ ã jiro tiro Paulo to buhechũ tũhoha. To tũhoro watoi Paulo sehe tiro dihtare ñũha.

—Ahr̄iro Jesure wacũ tuara. ã jiro tiro noariro waha duara —ni tũhotuha.

ã ni tũhoturo tuaro mehne durucut̄jiãhno ò sehe niha Paulo tireore:

—Wahcãrucaga —niha Paulo tireore.

To ã nichũ tũhorota tini masierariro sehe pu s̄rucũ sũ, wahaa wahaha. ¹¹ Paulo to ã yoachũ ñũa masa ti ya mehne, Licaonia ya mehne ò sehe ni sañurucuha:

—Ahr̄ina cohamana, m̄na yoaro sehe bajuina m̄nanop̄r̄ jiina mari cahap̄ duji tari jira —ni sañurucuha tina.

¹² ã jia tina cohamanare ti ni pisua wamari mehne tinare ni wama pisuha. Tina Bernabé “Zeus”, ni pisuha. ã yoa Paulo buhe m̄htariro to jichũ ñũa, “Hermes”, ni pisuha tina tireore. ¹³ ã jiro Zeusre ño payoina ya wũhũ tí maca dũhtũ cahai jiha. ã jiro Zeus yaina ti sacerdot̄e sehe wachũare cohor̄i mehne macap̄r̄ sãa tari sopaca cahap̄r̄ na taha. Zeusre ño payo duaro to wachũare jũ m̄nono, Paulore, Bernabé wa duamaha tiro, to masa mehne. ¹⁴ Ti ã yoachũ ñũa Paulo, Bernabé mehne ti basi ti ya suhtire tũhr̄erocaha tí cahyaare masare ñoa. Tũhr̄eroca tuhsũ masa watoi m̄urocaa, ò sehe ni sañurucu wahcãha tina:

¹⁵ —M̄sa ò sehe yoaena tjiga. Sã cūhũ m̄sa yoaro seheta masa jija. Ò sehe m̄sa yoaa ne yaba cjihti jierara. ã jina m̄sare buhena tahi m̄sa ò sehe yoare duhu dutina tana. Ahri cohamana m̄sa niare, m̄sa yoaa, wiho jia mas̄ri jira. Tí mas̄rine cohãga. ã jina Cohamac̄ure catiriro sehene ño

payoga. Cohamacu sehe muanore, yahpare, pjiri mare, jipihtiare yoariro jira. **16** Panopure tiro jipihtia macari macaina ti yoarire ã ñnocaha. **17** Wiho mejeta tiro to jia tiare ñona masare. Tiro masare noaare yoa, coro tachu yoa, dichare wa, masare chware ã warucura. To ã wachu masa wahchera. Tó seheta tiro to jia tiare ñona masare —niha Paulo, Bernabé mehne.

18 Wiho mejeta ti ã nichu tuhopahta masa wachware wajã jũ muo tinare ño payo duamaha. Tó sehe ti ño payo duachu ñna tinare ã yoa dutieraha Paulo cãhu. Ti ã yoare duhu duaerapahta duhuha tó macaina sehe.

19 ã yoa paina judio masa Antioquia macaina, Iconio macaina cãhu Listrapũ suha. Tópũ suã, Paulore ñano durucuha tjoa judio masa. Ti ã ni durucuchu tuhoa masa tiro mehne suaha. ã suaa tãa mehne docaha tireore. Tãa mehne tireore doca tuhsu “Ahriri yariaa wahara” nia, tí maca dũhtu cahapũ tireore waja su cũnoca, waha wahaha. **20** Ti ã yoari baharo Jesu yaina Paulore ñna wahaha. Tiro cahai ti cahmachurucu sũchu waro Paulo wahcãrũca, tina mehne macapũ waha wahaha. ã yoa pa dachoi tiro Bernabé mehne Derberũ wahaha.

21 Tópũ su, tina noaa buheare tó macainare ti yahuri baharo, payu masa Jesure wacũ tuaina ji dũcaha. ã yoa baharo tina ti suã macaripe Listra, Iconio, Antioquiapũ majare tjuaa wahaha. **22** Tí macaripũ suã tí macari macainare Jesu yainare noaa buheare yahua, tinare noano yajeripohna tichu yoaha. ã Jesure wacũ tuarucu dutia õ sehe ni yahuha tinare:

—Cohamacu to jiropure mari suhto pano, tuaro marine ñano yũhdũro cahmana —ni yahuha.

23 ã jia macaripe macainare Jesu yainare ti puhtoã cjihtire cũha Paulo Bernabé mehne. Cũ tuhsu, ti chu duhuri baharo Cohamacure õ sehe ni sini payoha:

—Puhtoro, ahrina mu yainare ñu wihboga —ni sini payoha tina Cohamacure ti wacũ tuarirore.

**Paulo Bernabé mehne Antioquiapũ ti
ji muhtari macapũ tjuaa wahaha**

24 Ti ã yoari baharo tina Pisidia yahrapũ jirina cjiri waha wahaha Panfilia yahrapũ. **25** Tópũ su, Pergepure tina buhe tuhsu Atalia wama tiri macapũ waha wahaha. **26** Tí macapũ su, Antioquiapũ tjuaa, dohoria mehne pahãa wahaha. Tí

macaihta panopu ti jisinicu Jesu yaina Cohamacu yare buhe dutia Paulo cūhure warocaha. Ā warocaa:

—Cohamacu mu cahia mehne ahnare nu wihboga —ni warocaha tina.

Ā tju sua tinare ti buhe dutirire buhe tuhsuha Paulo, Bernabé mehne. ²⁷ Antioquiapu ti tju suri baharo Jesu yaina mehne cahmachu, Cohamacu to tuua mehne ti yoirire yahu pahnoha tina. Judio masa jieraina cuhu Cohamacu yaina ti waharire yahuha tina. ²⁸ Ā jia Paulo cuhu torure Jesu yaina mehne yoari pja jiha.

Jerusalēpu Jesu yaina cahmachuha

15 ¹ Ā yoa Judea yahpa macaina mahainacā Antioquiapu sua, Jesu yainare o sehe ni buhe ducaha tina:

—Cohamacu to dutiare Moise cjirore cūno o sehe ni cūha. Jipihitina ti pjacure mahari cahsarocāre ti yihsohtore yahu cūha Moise cjirore. Musa tīre yoerachu Cohamacu musare yuhdosi —ni buheha tina tó macainare.

² Ti ā ni buhechu tuhoa Judea yahpa macaina sehe cahma sayoha Paulo cūhure Bernabé mehne. Ti ā cahma sayori baharo Jesu yaina sehe Paulore, Bernabére paina tó macaina cūhure Jerusalēpu warocaha. Judea yahpa macaina ti buherire Jesu to cūrinare Jesu yaina puhtoā cūhure sinitu nu dutia warocaha Paulo cūhure.

³ Ā jia Jesu yaina tinare ti warocachu waha, Fenicia yahpare su, yuhdu wahcā, Samaria yahrapu suha. Tí macaripu sua, judio masa jieraina Cohamacu yare ti cahma ducarire yahuha tina tó macainare. Ti ā yahuchū tuhoa tó macaina Jesu yaina tuaro wahcheha.

⁴ Ā yoa tina Jerusalēpu ti suchu nu tó macaina Jesu yaina, Jesu to cūrina, to yaina puhtoā mehne wahchea mehne noano piti boca ha tinare. Ti ā piti bocachu Paulo, Bernabé mehne Cohamacu to tuua mehne ti yoirire yahuha tina Jerusalē macainare. ⁵ Wiho mejeta torpu fariseo curua macaina Jesu yaina mahainacā jiha. Ā jia tina torure wahcārca, o sehe ni yahuha:

—Tinare judio masa jierainare ti pjacure mahari cahsarocāre yihsoro cahmana. “Cohamacu Moise cjirore to dutirire yoaga musa cūhu”, nino cahmana tinare —niha tina fariseo curua macaina cūhu.

6 Ti ã nichu tãhoa Jesu to cõrina, to yaina puhtoia mehne ti ã nirire cahnoa taa, cahmachuha. 7 ã cahmachua tina payu ti durucuri baharo Pedro wahcãruca, õ sehe ni yahuha tinare:

—Coyea, panopu yuhure musa mehne jirirore Cohamacu õ sehe yoa dutiro yuhure cõre. Tiro yuhure noaa buheare judio masa jierainare yahu dutiro cõre. Tinare Jesure wacũ tua dutiro yuhure tinare buhe dutire. 8 Cohamacu masa ti tãhotuare masina. ã jiro tiro judio masa jierainare to yaina to yoirire ñono taro tiro Espõritu Santore ware tinare, marine to yoiriro seheta. 9 ã waro tiro marine tina cõhure cõno potori noano yoare. Tina tirore ti wacũ tuachu ti ñaa buhirire bore tiro. 10 Mari sehe Cohamacu Moise cjirore to cõri dutiare cõno pjaeraja. Mari ñuchusuma cjiri cõhu cõno pjaeraha. ¿ã mari cõno pjaerapachuta dohse yoana Jesu yainare judio masa jierainare tãre yoa duti duajari musa? ã yoa dutina Cohamacu tinare to yoirire “Quihõno wahaerara”, nina nica musa. 11 Wiho mejeta õ sehe sã tãhotuja. Mipure judio masa jieraina yoaro seheta mari cõhure mari puhtoro Jesu cahã mehne Cohamacu yãhdorohca. Dutiare mari yoaa mehne marine yãhdosi —niha Pedro tinare.

12 To ã nichu tãhoa jipihtina dihta mariea wahaha. Ti ã dihta mariachu Paulo, Bernabé mehne judio masa jieraina watoi Cohamacu tuaa mehne ti yoa ñorire yahuha tinare.

13 ã ti yahu tuhsuri baharo Santiago õ sehe ni yahuha:

—Coyea, tãhoga yuhure. 14 Cohamacu judio masa jierainare to yaina cjihtire to coã yoirire yahu tuhsure Pedro. 15 Panopu macaina Cohamacu yare yahu mũhtaina cjiri ti yahurore seheta ã wahahre judio masa jierainare. Õ sehe ni Cohamacu yare joaa tiha tina:

16 “Panopu Davi cjiro ya curua macaina ti puhtoia jiri cjiri pihtia wahare.

Baharo tjua taihca yuhu.

ã jicu pari turi to ya curua macarirore puhtoro sõihca.

17 Yu ã yoiari baharo jipihtina paina judio masa jieraina yuhure puhtoro tiahca tina.

‘Yu yaina jiga’, yu ni pjirocarina sehe yuhure cahmaahca.

18 ãta nina mari puhtoro.

Panopu tiro ahrire masare yahua tiri jire”, ni joaa tiha Cohamacu yare yahu mũhtaina cjiri.

19 'Á jicü ò sehe ni tũhotuja yũhũ. Judio masa jierainare Cohamacü yare wahma cahma dũcainare payü yoa dutiena tjjijhna mari. 20 Wiho mejeta tinare joa, warocajihna mari. Ò sehe ni joarocajihna: “Ñaa chũare, ‘Cohamacü jira’, ti nia masũrine ti waa chũare chũena tjiga. Tuhsũ, numia mehne ñano yoaena tjiga. Numia cũhũ mũa mehne ñano yoaena tjiga. Á yoa wamũa ti ñaha wajãinare wahiquinare chũena tjiga. Dire sihniena tjiga”, ni yahu joarocajihna. 21 Yoari pja judio masa buhea wũhũsepũ Sabado jichũ Cohamacü Moise cjirore to cũri dutiare buhea tire masa. Á yoa jipihtia macaripũ Moise cjiro to yahuare buhea tire. (Á jina yũ niriro seheta judio masa jierainare Jesu yainare joarocajihna, judio masa sehe tina mehne “Suari”, nina) —niha Santiago.

22 Tí pjare Jesu to cũrina, Jesu yaina pũhtoa, jipihtina Jesu yaina mehne pũaro tina mehne macainare beseha ti warocahtinare. Antioquíapũ Paulo, Bernabé mehne ti wahachũ wahahtinare tinare bese warocaha. Á jia tina Judare, Sila mehne warocaha. Juda sehe Barsaba pũaro wama wama tiha. Ti coyea Jesu yaina tinare ño payoha. 23 Tinare ti beseri baharo Jesu yaina joarocari pũre warocaha tina mehne. Ò sehe ni joaha tina:

“Jesu to cũrina, to yaina pũhtoa, mũsa coyea Jesu yaina mehne sã noa dutija mũsare. Jipihtina judio masa jierainare Antioquíapũ, Siriapũ, Ciliciapũ jiinare mũsare Jesu yainare noa dutija sã. 24 Sã mehne macaina mũsa cahapũ sũa, mũsare payü dutiare yoa dutiyuhti. Á yoa mũsare cariboyuhti. Tina Cohamacü dutiare Moise cjirore to cũri cjiropũre, mahari cahsarocãre yihsoa cũhũre yoa dutiyuhti. Wiho mejeta sã sehe tinare tíre buhe dutina warocaerahi. 25-26 Á jina sã jipihtina cũno potori mũsa cahapũ warocahtinare sã besehi. Mari cahĩinare Paulo, Bernabé mehne Cristo Jesu mari pũhoro yare cuiro marieno ti buhechũ payü tahari paina tinare wajãmoñoha. Ti ã wajãmoñochũ mahanocã mehne yũhdũha tina. Tina mehne sã beserinare mipũre warocaja. 27 Á jina Judare, Sila mehne mũsa cahapũ warocaja. Sã joarocarire tina sehe mũsare yahuahca. 28 Espiritu Santo to wacũno seheta sã cũhũ tũhotuja. Ò sehe jira tí: Paye dutiapũre cũeraja mũsare. Ahri dutia dihtare cũnahca mũsare: 29 Ñaa chũare, ‘Cohamacü jira’, ti nia masũrine ño payo ti duhu payoa chũare chũena

tjiga. Dire sihniena tjiga. Wamũare ti ñaha wajãinare wahiquinare chũena tjiga. ̂ jina numia mehne ñano yoaena tjiga. Numia cũhũ mũa mehne ñano yoaena tjiga. Ahri yũ yoa dutierare yoerana noaare yoana nica mũa. Tó puro tjira mũsare sã yahu duaa”, ni joarocaha Jesu yaina Jerusalẽpũ jiina.

30 Tí pũre joa tuhsũ, waha Antioquíapũ wahainare. Ti wari baharo waha, Antioquíapũ sũha. Ti tópũ sũri baharo payũ masare cahmachu duti, ti joari pũre wiaha tinare. 31 Tí pũre ti buheri baharo tina yajeri sãa, noano wahcheha. 32 ̂ jia Juda, Sila mehne Cohamacũ yare yahu mũhtaina jia, yolari pja Jesu yainare Cohamacũ yare yahuha. Ti ̂ yahuchũ tũhoa, Jesu yaina sehe wahche, noano tũhotuha. 33 ̂ jia Juda, Sila mehne tópũ mahaa dachoricã ti jiri baharo Jerusalẽpũ ti tjuaa wahachũ tó macainare ti coha sitichũ, “Noano wahaga mũa”, niha Antioquía macaina. ̂ jia Juda cũhũre warocarinare noa dutirocaha. Ti ̂ niri baharo Juda sehe tjuaa wahaha. 34 [Wiho mejeta Sila sehe tópũta tjuanocaha Antioquíapũta.] 35 ̂ jia Paulo Bernabé cũhũ mahaa dachoricã tjuasiniha tí macai tjoa. Tóí tina paina payũ mehne Jesu yare buheha.

Pari turi Paulo noaa buheare buhe tinino wahaha

36 ̂ yoa mahaa dachoricã baharo Paulo õ sehe ni yahuha Bernabé:

—Jipihtinare mari buhe dũcarinare “¿Dohse jijari tina?” ni, ñũna wahajihna tjoa —niha Paulo cũhũ ti basi.

37 ̂ ni tuhsũ, Bernabé sehe João MarcCore tina mehne naa duamaha. 38 To ̂ naa duapachũta tó pano tiro tina mehne Panfiliapũ sũro tina mehne tjuaeraha. Ti yoaaare cũno pjaeraro tjuaa wahaha. ̂ jiro Paulo pari turi tirore naa duaeraha. 39 To naa duaerachũ ñũno Bernabé Paulo mehne pũaro ti basi cahma durucu cahno masieraa, soro dihta wahaa wahaha. Bernabé sehe Chipre wama tiri nũcopũ MarcCore na pahãa wahaha.

40 Paulo sehe Silare piti ti wahcãa wahaha. Ti buhea wahahto pano Jesu yaina tinare waroca, “Cohamacũ mũsare noano ñũ wihbojaro”, niha. Ti ̂ niri baharo Paulo Sila mehne wahaa wahaha. 41 ̂ wahaa, Siria yahrapũ, Cilicia yahrapũ cũhũre sũa, tópũ Jesu yainare noano yajeripohna ti, Jesure wacũ tua namochũ yoaha tinare.

Timoteo Paulo mehne wahaha

16 ¹ Ti ã yoari baharo Paulo cũhu Derberu, Listrapu sũa, Timoteore boca sũa. Timoteo Jesu yairo jiro, judio masono macũno jiha tiro. To pocoro cũhu Jesu yacorota jiha. To ruũro sehe griego masũno jiha. ² ã jia Listra macaina, Iconio macaina Jesu yaina, “Timoteo masa noariro jira”, ni yahua tiha. ³ ã jiro Paulo Timoteore naa duaha. Wiho mejeta tí yahpa macaina judio masa sehe Timoteo ruũro griego masũno to jichũ masiha. ã jiro Paulo judio masare “Suari” nino, Timoteo pjacũre mahari cahsarocã yihso naha. Judio masa ti dutia ti niriro seheta yoaha. ⁴ To ã yoari baharo tina ti sũa macari macainare ti joarocari pũ macaare yahuha. Tí pũ Jesu to cũrina, to yaina puhtoah mehne Jerusalẽpu jiina ti joarocari pũ jiha. ã jia tí dutiare noano yahu turiaha tó macainare Jesu yainare. ⁵ Ti ã yahuchũ tuhoa Jesu yaina sehe Jesure wacũ tua namoha. ã yoa Jesure wahma wacũ tua dũcaina dachoripe payũ waha namoha.

Paulo cahãnoru Macedonia macaritore ñũa

⁶⁻⁷ ã yoa Asia yahparu sehere noaa buheare buhe dutieraha Espĩritu Santo tinare. ã jia tina Frigia yahpare yũhdũa Galacia yahpare yũhdũa, Misia yahpa duhtũ cahai sũa. Tõru sũa, Bitinia yahpa sehe waha duamaha tina. Wiho mejeta Espĩritu Santo sehe tinare tõpũre waha dutieraha. ⁸ To ã niri baharo tina sehe Misia yahpare yũhdũa, Tróaderu buhtũ wihire. ⁹ Tõru ti buhtũ wihiri baharo, tí ñamine õ sehe cahãri jire Paulo. Macedonia yahpa macariro to cahai ducuchũ ñũri jire tiro. “Sãre Macedonia yahpa macainare yoadohoi taga” ni, pjiri jire tiro Paulore. ¹⁰ To cahãri baharo wahcã wihi, sã yare cahno tuhsũa, Macedoniaru wahaa wahai sã. “Cohamacũ tí yahpare noaa buheare buhe dutiro nina marine”, ni tuhotui sã.

Paulo, Sila mehne Filiporu jiha

¹¹ ã jina sã Tróaderu jiina dohoria mehne Somatracia wama tiri nuũoru pahã sui sã. ã yoa pa dachoi Neapoliru pahãa wahai sã. ¹² Tí macare yũhdũana, Filiporu Roma macaina ya macaru sui sã. Tí maca Macedonia yahpai jiri maca jire. Wiho jiri maca jierare. Tõpũre mahaa dachoricã sã jii. ¹³ Tõru jina

Sabado jichu sã tí maca dũhtu caharu, dia dũhtu caharu sui. Tói Cohamacu mehne ti durucuro jire. Tói dujina tói cahmachua numia mehne sũhũdui sã. **14** Cãcoro sãre tũhoricoro Tiatira wama tiri maca macaricoro Lidia wama tiricoro jire. Ticoro noaa suhti wapa tia suhtire duaricoro, Cohamacure ño payoricoro jire. ã jiro Paulo to yahuare noano tũhochu yoare Cohamacu ticorore. **15** To quihõno tũhochu ñũno ticorore to wũhu macaina mehne bautisare Paulo. To ã bautisari baharo õ sehe nire ticoro:

—“Jesu yacoro tjira mũhu cũhu”, nina mũsa yũhũre. ã jina ya wũhũi sãa tasinia mũsa. Yũhu mehne tjuasinia —nire ticoro sãre.

To ã nichu tũhona to wũhũi tjuasinii sã.

16 Pa dacho Cohamacu mehne ti durucuropu sã wahachu watĩno to cohtotaricoro piti bocare sãre. Ticoro paina cahamacono jire. Ticoro watĩno yoadohoro mehne masare “Õ sehe waharohca mũsare”, ni yahuyuricoro jire. ã yahuro pjĩro wapatabasare to puhtoare. **17** ã jiro Paulo mehne sã wahachu, sãre nũnu ti, saũurucure ticoro:

—Ahrina Cohamacu Jipihtina Bui Jiriro to yoadohoina jira. Cohamacu marine to noano yũhdohtire yahura tina —ni saũurucure ticoro.

18 Payu dachori ã ni cariborucure Paulore. To ã ni saũurucuchu Paulo majare ñu, õ sehe nire watĩnore:

—Jesucristo tuaa mehne dutija mũhũre. Ticorore wijaahga. Waharisa mũhu —nire Paulo.

To ã nichuta watĩno sehe waha wahare.

19 To ã wahari baharo ticoro puhtoa sehe niñeru to wapataeraricoro to wahachu ñua, tina Paulore, Sila cũhũre ñahare. Ñaha tuhsu, tinare naahre tí maca dacho macaru jiina puhtoa caharu. **20** ã naa wahcã, buhiri tiare cahnoina caharu tinare cũre tina.

—Ahrina judio masa mari ya macare cariboa nina. **21** Tina mari dutiare cohã dutia, paye buheare buhea nina. Mari ya dutiare yũhdurucachu yoa duaa nina. Mari Roma macaina jina ahrina ti yahua sehere yoa masieraja mari. ã jina ti buheare mari cahmaeraja —nire ticoro puhtoa buhiri tiare cahnoinare.

22 Ti ã nichu tũhoa masa payu Paulo cũhu mehne sua yũhdũa wahare. ã jia buhiri tiare cahnoina sehe Paulo cũhu suhtire ti tũhrẽ cohãri baharo, yucũri wasõri mehne tjana

dutire tinare. **23** Tuario tjana tuhsu peresu yoare tinare. Ti ã peresu yoari baharo peresure cohtaritore noano ñu wihbo dutiha tina. **24** Ti ã dutiri baharo tinare cohtariro sehe tí wuhu puhicha macari tahtiapu tinare cû, taboa pahtari mehne ti dahporire biha dapoha.

25 Ñami dacho macai Paulo, Sila mehne Cohamacure sini, tirore basa payoha. Ti ã basachu tuhoha paina peresupu jiina. **26** Ti ã ni basachuta tí wuhu tuaro ñuhmiha. To ã ñuhmichu cûno potori jipihtia sopa pahmari parí mu, peresupu jiinare ti dhteate dari comaa dari nuhnu site boraa wahaha. **27** To ã wahachu tí wuhure cohtariro sehe wahcã wihi, “Peresu jiina duhti tuhsuri jire”, ni tuhutumaha. Ñ ni tuhuturo to ñosari pjine naroca, to basi ñosamaha. **28** To ã yoachu ñano Paulo tirore tuaro sañurucu õ sehe niha:

—Mu basi ñano yoai tjiga. Jipihtina õre jija sã —niha tiro tinare cohtaritore.

29 To ã nichu tuhoro tinare cohtariro sehe sihã buhria duti, tina cahapu muroca wahcã Paulo, Sila ti dahpori cahapu tetere, caha suha tiro. **30** Tuhsu, tiro tinare tí tahtiapu jiinare na wijaa, sinituha tinare:

—¿Dohse yoaicari yuhu Cohamacu yairo ji duacu, to yuhdohtiro ji duacu? —ni sinituha tiro.

31 —Jesucristore wacû tuaga muhu. Mu coyea cûhu tirore wacû tuajaro. Musa ã yoachu musare pichacapu wahaborinare Cohamacu yuhdorohca —ni yahuha tina.

32-33 Ti ã niri hora ñami dacho maca baharocã jiha. Ti ã niri baharo tinare cohtariro to ya wuhupu naaha tinare. To ya wuhupu na su ti camine cosaha tiro. To ã cosa tuhsuri baharo to coyea mehne Cohamacu yare buheha Paulo cûhu. Ti buheri baharo bautisaha tinare. **34** Ti bautisa tuhsuri baharo tinare cohtariro cjiro Paulo cûhure chure payoha. Ñ jia tiro to coyea mehne noaa buheare ti tuhori baharo tuaro wahcheha, Cohamacure masi dca.

35 Bohrea parí cahachu ña puhtoa sehe surarare peresupu warocaha Paulo cûhure wio dutia. **36** Ti ã wio dutiri baharo tí wuhure cohtariro Paulo cûhure yahuha:

—Puhtoa musare wio dutire. Ñ jina cuenata wijaahga —niha tiro Paulo cûhure.

37 Ti ã wio duapachuta Paulo õ sehe ni yahuha surarare:

—Sã ñano yoaerahi. Ñ jina sã ne buhiri cjueraja. Wiho warota tina puhto sehe masa ti ñurocaroi yucuri wasõri mehne tjanahre sãre, Roma macaina sã jipachuta. Tjana tuhsu peresu yoahre sãre. Ñ jia mipu masa ti ñueraroi wio duara sãre, sãre ñano ti yoarire “Buoro yuhduri”, nia. Puhto ta, wioa tajaro sãre —niha Paulo surarare.

38 To ã nichu tuhoa surara sehe puhtoare yahua wahaha. Ti ã ni yahuri baharo Paulo, Sila mehne Roma macaina ti jichu masia puhto sehe cui niha. **39** Ñ jia tina Paulo cõhu cahai su, õ sehe niha:

—Ñano yoahti sã musare. Ne pari turi ã yoasi —niha puhto Paulo cõhure.

Ñ ni tuhsu puhto tinare peresupu jinare wio, tinare pa sehepu waha dutiha. **40** Ti ã niri baharo Paulo, Sila mehne peresupu jiina wijaa, Lidia wama tiricoro ya wuhupu wahaha. Ti wuhupu ti suri baharo Jesu yainare piti boca. Ñ jia tina Jesu yainare noano buhea, noano yajeripohna tichu yoaha tinare. Ti ã yoari baharo Paulo, Sila mehne waha wahaha.

Tesalónica macaina suaha Jesu yaina mehne

17 ¹ Ñ yoa tina Anfipolipu su, yuhdua, Apoloniapu su, yuhdua, Tesalonicapu suha tina. Tõi judio masa buheri wahu jiha. ² Somanaripe to yoiro sehta Paulo buheri wuhupu waha tiha. Tõpu su, tia somana waro sabado dachoripe tiro panopu macaa ti joari cjiire Cohamacu yare masare buhe, tãre tina mehne suhdua tiha Paulo. ³ Ñ yoiro tiro Cohamacu yare õ sehe ni yahuha:

—Judio masa, musa puhtoro musa cohtariro Cristo tari jire ñano yuhduhtiro. Cohamacu to ni cõiro cjiro sehta tiro yariaa wahaha masa mujano taro. Ñ jiro ahiro Jesu, yu yahuriro, tiro Cristo warota jira marine yuhdohtiro. Tirota jira musa cohtariro. Ñ sehta nina Cohamacu yare ti joari pu —ni yahuha Paulo.

⁴ To ã nichu tuhoa, cãina tõi jiina “Potocã tjira”, niha. Ñ jia tina Paulo cõhu mehne wahaha. Ñ jia paina cõhu griego masa payu Cohamacure ño payoina sehe Paulore quihõno tuhoa, ã yoa tina mehne macaa numia cõhu payu puhto numia masa ti cua pisaro ñua numia cõhu tirore quihõno tuhoa Jesu yaina tjuaha. Ñ jia tina cõhu Paulo cõhu mehne wahaha. ⁵ Wiho

mejeta judio masa sehe ti ã wahachũ ñna, pahsu tiha. Ñ jia tina ñaina dahraerainare payũ pji cahmachu õ sehe ni dutiha: “Ahrina ñano yoaa nina”, ni sañurucu dutiha tinare. Ñ sañurucua jipihtina tí maca macainare suachũ yoaha Paulo cũhũ mehne. Ñ jia judio masa Jasõ ya wũhũpũ sãa, Paulo cũhũre macamaha, tinare masapũre waa taa. ⁶ Wiho mejeta tinare bocaeraha. Ñ jia Jasõre, paina Jesu yaina cũhũre ñaha, waja wijaa wahaha tinare. Pũhtoa cahapũ na sũ õ sehe ni yahusãha tina:

—Paulo cũhũ masare jipihtirupũre caribobiara. Ñ jia mipũre tina mari ya macare wihi tuhsũhre. ⁷ Ñ jiro ahriro Jasõ tinare to ya wũhũpũ sãa ta dutihre. Tina jipihtina mari bui pũhtoro Roma macariro to dutiare yũhdũrucara. “Pairo mũsa pũhtoro jira. Jesu tirota jira” nia, mari pũhtoro dutiare yũhdũrucara tina —ni yahusãha judio masa sehe pũhtoare.

⁸ Ti ã ni yahusãchũ tũhoa, jipihtina masa, pũhtoa cũhũ sua, tuaro sañurucuha. ⁹ Wiho mejeta pũhtoa Jasõre, tiro mehne macaina cũhũre, niñerure wapa duti, wioha.

Paulo Sila mehne Bereapũ sũha

¹⁰ Tí pjata ñamipũ Paulo cũhũre Jesu yaina nũo warocaha Bereapũ. Tórpũ sũa tina judio masa buheri wũhũpũ sãa wahaha. ¹¹ Berea macaina sehe Tesalónica macaina yũhdoro Jesu yare noano tũhoina jiha. Ñ jia tina Jesu yare ti tũhori baharo “¿Potocã tjjjari?” ni masi duaa, dachoripe Cohamacũ yare ti joari pũre ã buherucua tiha tina. ¹² Ñ jia tina payũ Jesure wacũ tua dũcaha. Griego masa cũhũ, mũa, pũhtoa numia mehne Jesure wacũ tuaina jiha. ¹³ Wiho mejeta Paulo Bereapũ Cohamacũ yare to buhechũ cũhũre tũhorocaa Tesalónica macaina judio masa tórpũ sũha. Tórpũ sũa, Berea macainare quiti dojomehnea, Paulo cũhũ mehne suachũ yoaha tina. ¹⁴ Ti ã yoachũ ñna Jesu yaina Paulore soaro mehne pjiri ma dũhtũ cahapũ warocaha. Wiho mejeta Sila, Timoteo mehne Bereapũ tjuaha. ¹⁵ Paina sehe Paulore Atenapũ na wahcã soha. Tirore so tuhsũ majare tjuaa wahaha Bereapũ tjoa.

—Soaro mehne waha, piti tina wahaga Paulore —ni yahuha Silare, Timoteo cũhũre.

Ñ ni yahu dutiha Paulo tinare.

Paulo Atenai jiha

16 Ñ jiro Paulo Atenapɯ cohtaro niha Sila, Timoteo cūhɯre. Tinare cohtaro Atena macaina ti “Cohamana jira”, ti nia masɯrine payɯ ti cjuachɯ ñɯno Paulo tuaro cahyaha tina mehne. 17 Ñ cahyaro, judio masa buheri wuhɯpɯ judio masa mehne, ã yoa judio masa jieraina mehne cūhɯre durucuha tiro. Judio masa jieraina sehe Cohamacɯre ño payoina jiha. Ñ yoa Paulo tí maca dacho macai dachoripe tiro cahapɯ ã tini majare sãaina mehne durucuha. 18 Paina Epicureo yare buheina, Estoico yare buheina cūhɯ Paulo mehne durucuha:

—¿Ahriro durucua pihrierariro dohse ni durucuro nijari tiro? —niha tina.

Paulo Jesu yare, to masa mɯjarire to yahuchɯ tũhoa ò sehe ni tũhotumaha masa: “Tiro paina cohamanare yahuro nica”, ni tũhotumaha tina. 19 Ti tũhori baharo tina Areópago wama tiropɯ Paulore naaha.

—Ahri buhea, wahma buheare mɯ mipɯ yahurire masi duaja sã. 20 Mɯ buhea soro sehe jira. Ñ jina sã tíre masi duaja —niha tina Paulore.

21 Jipihtina Atena macaina, ã yoa paye yahpari macaina cūhɯ Atenapɯ jiina dachoripe wahma buheare durucurucu duaha. Ñ jia Paulo to yahuare tũho duaha tina.

22 Ñ jiro Paulo Areópago wama tiroi wahcãrɯca ò sehe ni yahuha:

—Atena macaina, payɯ mɯsa cohamanare mɯsa tuaro ño payoina mɯsa jichɯ masija yuhɯ. 23 Ahri maca mɯsa ya macare cohamanare mɯsa ño payoa altarire ñɯ tinihi yuhɯ. Ñ ñɯ tinicɯ yuhɯ cū altarpɯ, cohamanare ño payona mɯsa waare mɯsa cūnoi ahrire buhehi. “Cohamacɯ, mari masimahnoerariro ya altar jira”, ni joari jire mɯsa tíre mɯsa cūnoi. Mɯsa tirore masierapanahta tirore ño payori jire mɯsa. Tiroreta mɯsa masierarirore yahu potoi nija yuhɯ mɯsare.

24 'Cohamacɯ jipihtiri yahpare, jipihtiare bajuamehneriro jira. Tiro mɯanore, yahparɯre pũhtoro jiro, tiro masa ti yoaa wuhɯsei jierara. 25 Ñ jiro tiro mari jiare, mari yajeri naare, jipihtia marine paye barore wariro jiro, mari yoadohoare cahmaerara. Tiro pjacɯoriro jierara.

26 'Tiro cūiro mɯnore yoa dɯcaha. Tiro mehneti jipihtia yahpari macaina cjihtire masare yoaha. Ñ masare yoaro

jipihtiro yahparære marine cūha tiro. “Õ puro yoari pja ðpære jiahca”, nino quihõ cūha marine. ²⁷ “Tina yũhũre maca, bocaboca”, ni tũhotuha Cohamacũ. Wiho mejeta Cohamacũ yoaropũ jierara. Mari mehneta jira. Õ sehe ni joaa tiha paina: ²⁸ “Marine jichũ yoara tiro. Mari masapere catiina, ñuhmiina jichũ yoara tiro”, ni joaa tiha. Mũsa mehne macaina panopũ macaina basaare noano joaina quti yahuina cjiri ti joariro seheta nii nija. “Mari cũhũ Cohamacũ pohna jija”, ni joaa tiha tina. ²⁹ Æ jina mari to pohna jina õ sehe ni tũhotuena tjiga mũsa. Masũrine, uru, plata, tãa mehne mũsa mũ sũro mũsa yoari masũrine “Cohamana jira”, ni tũhotuena tjiga mũsa. ³⁰ Panopũ masa ti masieraina jisnichũ ti ñaare yoapachũta Cohamacũ ã ñnocasiniha. Wiho mejeta mipære jipihtiri yahpa macainare ti ñaa yoari buhiri tiare masi, cahya dutira Cohamacũ. ³¹ Baharo Cohamacũ to quihõri dachoi jipihtiri yahpa macainare potocã beserohca noaina, ñainare. Tiro to bese duti to cũriro Jesu sehe beserohca. Jesure yariarirore masoha tiro. Æ masono “Ahriro yũ cũriro jira” ni, ñono niha Cohamacũ masare —ni yahuha Paulo Atena macainare.

³² To ã nichũ masa mũjarire to durucuchũ tũhoa paina tirere bũjũpeha. Wiho mejeta paina sehe õ sehe niha:

—Pari turi ahrire mũ yahuchũ sã tũho duaja —niha tina Paulore.

³³ Ti ã niri baharo Paulo wahaa wahaha. ³⁴ To ã wahachũ, cãina tiro mehne waha, Jesure wacũ tua dũcaha. Dionisio Areópago macariro pũhtoa mehne macariro Jesure wacũ tua dũcaha. Æ yoa Damari wama tiricoro cũhũ, paina mehne Jesure ãta wacũ tua dũcaha.

Paulo Corinto wama tiri macai jiha

18 ¹ Æ yoa, Paulo Atenapũ jiri waha, Corinto wama tiri macapũ sũha. ² Tópũ sũro, judio masũno Aquila wama tirirore boca sũha tiro. Jipihtina bui pũhoro Claudio wama tiro judio masare Romapũ jinaro to cohãchũ Aquila sehe to namono Priscila mehne waha, Corintopũ sũha. Aquila sehe Ponto wama tiri yahpai masa bajariro jiha. Æ jia tina Corinto ti jichũ, Paulo tina cahapũ sũha. ³ Aquila cũhũ suhti wũhũsere yoaina jiha. Paulo cũhũ suhti wũhũsere yoarirota jiha. Æ jiro tiro tina mehne dahra, tói tjuaha. ⁴ Æ jiro Paulo sabado jichũ somanaripe judio masa ti buheri wũhũpũ judio masare, judio

masa jieraina cūhure Cohamacu yare yahuha. To ã ni yahuchu tūhoa, “Potocã tjira”, niha tina cãina.

5 Æ yoa Sila, Timoteo mehne Macedoniapu jiina, Paulo cahapu sūha. Tópu ti sūri baharo Paulo sehe jipihtia dachoripe judio masare noano buhea tiha.

—Jesu, Cristo masare yūhdohtiro mari cohtariro jira —ni yahua tiha.

6 To ã ni buhepachuta, judio masa sehe tirore tūho duaeraha. Æ jia tina ñano ni quitu dojomehneha tirore. Ti ã yoachu Paulo tinare to tuhtiboriro seheta, to suhti macaa mene cjã siteroca cūha.

—Musa ya buhiri pichacapu wahanahca. Cohamacu to dutiro sehta musare buhemahi yūhu. Wiho mejeta musa yūhure tūho duaerare. Mipure judio masa jieraina sehere buhei wahaihtja —niha Paulo judio masare.

7 To ã niri baharo tiro tópu jiriro waha, Ticio Justo wama tiro ya wūhupu sūha. Justo Cohamacure ño payoriro jiha. To ya wūhu sehe judio masa buheri wūhu cahai jiha. 8 Æ jia Crispo wama tiro buheri wūhu pūhtoro, to namono, ti pohna cūhu Jesure wacū tuaina jiha. Æ yoa paina Corinto macaina payu Cohamacu yare tūhoa, Jesure wacū tuaha. Ti ã wacū tuaina jichu tinare bautisaha. 9-10 Cū ñami Cohamacu cahānopu ò sehe ni yahuha Paulore:

—Mūhu mehne jija. Ahri maca macaina yu yaina masa payu jira. Æ jia paina masa mūhure ñano yoa masierara. Æ jicu cuiecu tjiga mūhu. Wiho mejeta yu yare tuaro yahu namoga mūhu. Yahu duhuecu tjiga —ni yahuha Cohamacu Paulore.

11 Æ yoa cū cūhma noano, pa cūhma dacho maca waroi Paulo Corintopu ji, tó macainare Cohamacu yare buhea tiha.

12 To ã buhero watoi Galiō wama tiro Acaya yahpa macaina pūhtoro to jichu, judio masa jipihtina cūno potori Paulore yahusāa taa, tirore buhiri tiare cahnoina cahapu naaha tina.

13 —Ahriro Paulo masare Cohamacure ño payo dutiro ahri yahpa macaa dutia sehere cohā dutiro nina —ni yahusāa judio masa buhiri tiare cahnoinare.

14 Ti ã ni yahusāchu tūhoro Paulo sehe tinare yahu duamaha. Wiho mejeta Galiō sehe judio masare ò sehe ni yahuha:

—Ahriro sã Roma macaina ya dutiare yūhdurucariro to jichu, musare yūhtiboa yūhu. 15 Wiho mejeta musa judio masa ya dutia sehere ahriro yūhdurucariro to jichu musa basi ahrire

cahnoga. Ahrire masieraja yũhũ mũsa mehne —ni yahuha tiro judio masare.

16 Ñ ninota tinare judio masa Paulore yahusāmarina cjiire to ya tahtiapũ jiiinare cohã wioha tiro. 17 To ã cohã wiori baharo jipihtina tí wũhũ jiiina Sostenere judio masa buheri wũhũ pũhtorore Jesu yairore ñaha, buhiri tiare cahnoina cahapũ cjãha tirore. Ti ã cjãchũ ñũno Galiõ ã ñũnocaha.

Paulo Antioquíapũ tjuua wahaha

18 Ñ yoa Paulo Corintoi yoari pja jiro jiro “Wahai nija”, ni coha sitiha tiro Jesu yainare. To ã niri baharo tiro Priscila, Aquila mehne Siria yahpapũ pahãa taa niha. Ti pahãhto pano Cencrea wama tiri macapũ sũ, tórpũ jisninino Paulo Cohamacũre “Õ sehe mũhũre yoabasaihtja”, to nirire yoa tuhsũriropũ jiha. Ñ jiro tó sehe yoaina judio masa ti yoarucuriro seheta to pjoarire waha pahño dutiha. 19 Tíre to yoari baharo tina Efeso wama tiri macapũ pahã sũ, Priscilare, Aquila cũhũre cũ, judio masa ti buheri wũhũpũ wahaha Paulo. Tí wũhũpũ sũ, Cohamacũ yare yahuha. Ñ yahuro judio masa mehne sũhũduha. 20 To ã sũhũduri baharo tirore tina mehne tjua dutimaha.

—Tjuajeraja mũsa mehne. 21 Wiho mejeta Cohamacũ cahmachũ, pari turi tjuaa taihtja —niha tinare Paulo.

Ñ ni tuhsũ, Efesopũ jiro jiro pahãa wahaha tiro.

22 Pahãa, Cesareapũ pahã sũ, yũhdũ wahcã, Jerusalẽpũ sũha. Tórpũ sũ, tó macaina Jesu yainare “¿Ne jimajari mũsa?” ni, tinare ñũ yũhdũa Antioquíapũ sũha. 23 Tói mahaa dachoricã jiha. Tói jiro jiro yũhdũha. Galacia yahpai jia macaripũ, Frigia yahpai jia macaripũ pari turi sũ, tí macari macainare Jesu yainare buhero, Jesure wacũ tua namo wahchechũ yoaha tiro.

Apolo wama tiro Efesoi buheha

24 Tí pjare, judio masũno Apolo wama tiro, Alejandría macariro Efesopũ sũha. Tiro noano yahu mihniro jiha. Ñ jiro tiro Cohamacũ to joari cjiire noano masiha. 25 Pairo tirore Cohamacũ yare yahu tuhsũa tiha. Ñ jiro tiro João masare bautisariro to buheha dihtare masiha. Ñ jiparota tiro tuaro wahcheha mehne Cohamacũ yare noano buheha. 26 Ñ jiro judio masa ti buheri wũhũpũ tiro cuiro marieno tinare buhe dũcaha. To ã buhechũ ti tũhori baharo Priscila, Aquila mehne

tirore tina mehne naaha. Cohamacu yare to quihõno yahu pahñoerachu ñña quihõno yahu pahñoaha tina tirore. 27-28 Ñ jia tiro Apolo sehe Acaya yahpapu to waha duachu Jesu yaina tirore “Noano wahaga”, ni joaa pūrine waha tirore. Tí pūri Acayapu jiina Jesu yainare Apolore noano piti boca dutia pūri jiha. Ñ jiro Apolo tōpu sūro, tó macainare noano yoadohoha. Tó macaina Cohamacu cahña mehne Jesure wacū tuaina jiha. Judio masare tí macai jiiinare ò sehe ni yahuha:

—Cohamacu to warocariro mūsa cohtariro jira Jesu. Cristo waro jira tiro —ni yahuha Apolo judio masare paina masa ti ññrocaroi.

Cohamacu yare ti joari cjiri mehne to noano quihõno yahuchu tūhoa tina “Potocã jierara”, ni masieraha.

Paulo Efesopu wahaha

19 ¹ Corintopu Apolo to jiro watoi, Paulo sehe tūyucupu mūja yūhdūa, Efesopu sūha. Tōpu sūro cāina Jesu yainare bocaha. ² Tinare boca sūro tiro tinare ò sehe ni sinitu ññha:

—¿Mūsa Jesure wacū tuari baharo mūsa sehe Espiritu Santore cjuā ducari? —ni sinitu ññha Paulo.

To ã nichu tūhoa tirore ò sehe ni yahuha tina:

—“Espiritu Santo jira”, ni yahuerare sāre —ni yahuha tina.

³ Ti ã ni yahuri baharo Paulo tinare ò sehe ni sinitu ññha tjoa:

—¿Noa ya buheare mūsa tūhori baharo bautisari mū sare? —niha tiro tjoa.

—João ya buheare sã tūhori baharo bautisahre sāre —ni yahuha tina.

⁴ Ti ã nichu tūhoro ò sehe niha Paulo:

—Masa ti ñaa yoarire cahya, tíre ti duhuchu ñño bautisaha João. Ñ jiro to bautisari cjiri sehe ti ñaa yoarire ti duhurire masare ti ñohti cjihti jira. Wiho mejeta paye baro cūhure yahu namoha João. “Yū baharo tariro sehere wacū tuaga mūsa”, ni yahuha tiro. Ñ nino Jesure yahuro niha —ni yahuha Paulo tinare.

⁵ To ã nichu ti tūhori baharo, Jesu wama mehne to tuaa mehne bautisaha tinare. ⁶ Ñ to bautisachu, Paulo tina cāina bui to wamomaca to duhu payochu, Espiritu Santo sehe

wihiha tinapũre. To ã wihiri baharo tina sehe tũhomahnoera dũseri mehne durucu, Cohamacũ yare yahuha. **7** Tina jipihtina doce mũa jia jiboa.

8 Baharo Paulo judio masa ti buheri wũhũpũ sãa, tia sũ waro cuiro marieno pũhtoro Cohamacũ to sũho jiare yahu, durucuha tina mehne. Tirore ti ã tũhori baharo “Ahri potocã jira”, niha tina. **9** Wiho mejeta paina sehe tũho duaeraha. ã jia tina masa ti tũhoro noaa buheare ñano ni ñoha. Ti ã nichũ tũhoro Paulo sehe Jesu yainare pji wijaa, pa sehepũ wahaha. Waha, Tirano wama tirore to buheri wũhũpũ dachoripe masare Cohamacũ yare yahuha Paulo. **10** Pũa cũhma waro buhea tiha tinare. To ã buhechũ jipihtina Asia yahpa macaina judio masa, judio masa jieraina mehne mari pũhtoro Jesu yare tũhoha. **11** ã yoa Cohamacũ tuaa mehne Paulo masare ñũ cũa yũhdũachũ yoaa barore yoa ñoha. **12** Masa sehe suhti cahsari Paulo to pjacũre pihaa cahsari cjirire, ã yoa tirore pihaa suhti cũhũre naa, dohatiinare pihoha masa. Tĩ suhtire dohatiinare ti pihochũ noaa wahaha. ã jichũ watĩa tinapũre jirina cjiri wijaa wahaha, tĩ suhtire ti pihori baharo.

13 Wiho mejeta paina judio masa, ã tinirucuina, watĩare cohãina jiha. ã yoa pũhtoro Jesu wama pisuro mehne watĩare cohã duamaha. ã jia watĩare õ sehe ni dutimaha tina:

—Paulo to yahuriro Jesu to wama mehne dutija mũsare. Wijaaahga. Ahriro mehne pari turi jiena tjiga —nimaha tina watĩare warocaa.

14 Esceva wama tirore siete to pohna sehe ãta yoamaha. Esceva sehe judio masũno sacerdotia pũhtoro jiha. **15** To pohna watĩnore ti wijaa dutiri baharo, watĩno sehe õ sehe niha tinare:

—Jesure masija. Paulo cũhũre masija. ã masipacũta mũa sehere masieraja —niha watĩno tinare.

16 To ã nichũta watĩno to cohtotariro sehe tuaro mehne tinare ñaha mũaa wahaha. Tinare ñaha, ñaabiaro yoa, yũhdũrucanocaha. To ã yoachũ Esceva pohna sehe suhti marieina, cami tiina mũroca wijaa wahaha tina tĩ wũhũre. **17** Ti ã yoari baharo jipihtina Efeso macaina, judio masa, judio masa jieraina mehne tĩre tũhoa, cui yũhdũaha tina. ã jia pũhtoro Jesu yare bũjũpero marieno durucuha masa sehe.

18 ã yoa masa payũ Jesure wacũ tuaina ti ñano yoari buhirire yahu yũhdũa taha. **19** Tina mehne macaina payũ yaya

puti siteina jiha. Ñ jia tina ti joaa tjurire yaya ti yoaa yahua tjurire tópu na ta, masa ti ñurocaroi tí tjurire jū cohānocaha tina. Tí tjuri ti wapa tirire tina ti quihōchū, jipihtia tjuri cincuenta mil tūri plata mehne ti yoaa tūri posa waro wapa timaha tí tjuri. **20** Ñ jia Cohamacu yare cahmaina payu wahaha. Cohamacu tuaa mehne to yaina wahaha.

21 Ti ñ wahari baharo Paulo ñ sehe ni tūhotuha: “Macedonia yahparu su mūhta, tí yahpare yūhdūa Acaya yahpare suihtja. Tí yahpare yu sūri baharo Jerusalēpu wahaihtja. Tí macare yu sūri baharo Romapu wahaihtja”, ni tūhotuha Paulo. **22** Pūaro tire yoadohoinare to pano waroca mūhtaha Macedonia yahparu. Timoteo, Erasto cūhu jiha tina. Ñ jiro Paulo sehe cūirota tjua nūnu tisiniha Asia yahparu.

Efeso masa sua, sañurucuha

23 Tí pjare Efeso Jesu yare paina cahmaeraa, Paulo cūhure payu masa tuhti, sañurucuha. **24** Cūiro platare dahrariro Demetrio wama tiriro plata mehne cohamacu Artemisa wama tiricoro ya wūhu masuri yoiriro jiha. Ñ jiro tiro paina plata dahraina mehne tí masurine dua, pjūro wapataha tina. **25** Ñ jiro Demetrio paina plata dahrainare pji cahmachu ñ sehe ni yahua tinare:

—Tūhoga mūsa. Ahri dahraa mehne pjūro mari wapatarire masina mūsa. **26** Ahriro Paulo to yoirire to buheri cūhure masina mūsa. Ñ sehe ni buhera tiro: “Cohamana masuri masa ti yoiri catiina jierara”, ni yahua tire tiro. To ñ nichu tūho payu Efeso macaina, jipihtiroi paina Asia yahpa macaina cūhu tí buheare “Potocā tjira”, nia tire. **27** Ñ nia mari dahraare masa ñano durucuhto cua yūhdūara. Ñ yoa masa mari cohamacu Artemisa ya wūhure “Wiho jiri wūhu jira”, ni cohāboca. Ti ñ cohāchū ticoro jipihtina Asia yahpa macaina, jipihtiri yahpa macaina ti ño payoricoro to jipachūta to tuaa butiarohca. Ñ jia masa baharopu jiina ticorore masieraboca —niha Demetrio tinare.

28 To ñ nichu tūho tina sehe tuaro sua, sañurucuha:

—Artemisa Efeso macaina mari yacoro cohamacu tuaricoro jira —ni sañurucuha tina.

29 Ñ jia Efeso macaina jipihtina sañurucu yūhdūa, tūho masia pihtia wahaha. Ñ wahaa, Gayore, Aristarco cūhure ñaha, masa

ti cahmachunopɁ tinare waja wahcāha. Gayo, Aristarco mehne Macedonia macaina jia, Paulo mehne tiniina jia tiha. **30** ã jia Paulore masa cahai to waha duachɁ, Jesu yaina sehe tirore waha dutieraha. **31** ã jia paina tí yahpa macaina pɁhtoa, Paulo mehne macaina jia, ti cahamacare yahu dutiha Paulore:

—Masa ti cahmachunopɁ wahai tjiga —ni yahu dutiha pɁhtoa Paulore.

32 ã jia tói cahmachuina mehne macaina sehe payɁ “¿Dohseana tana mari cahmachuna nijari?” ni masieraha. ã jia tina sañurucu namoha. Ahrie sehepɁ jiina soro ni, sañurucuha. Paina cūhɁ soro ni sañurucuha. **33** ã jia judio masa sehe Alejandro wama tirirore masare yahu dutimaha. ã jiro Alejandro “Dihta mariaha”, nino to wamomaca mehne cjātuha. “Ahrina sãre judio masare tuhtia nina”, ni tɁhoturo judio masare dɁcata duaro, durucumaha. **34** Wiho mejeta tiro judio masɁno to jichɁ ñɁa masa jipihitina cãno potori pɁa hora waro sañurucuha:

—Artemisa, Efeso macaina mari yacoro cohamaco tuaricoro jira —ni sañurucuha tina.

35 Ti ã ni sañurucuchɁ ñɁno, Efeso macaina pɁhtoare yoadohoriro masare, “Dihta mariaha”, ni yahuha tinare.

—Musa Efeso macaina tɁhoga. Efeso macaina tuaricoro cohamaco Artemisa ya wɁhɁ cohtaina mari jichɁ jipihitia yahpari macaina masina. ã jia mɁanopɁ bora tari masɁre ñɁ wihboina mari jichɁ cūhɁre masina masa. **36** ã jia paina “Ahri potocã jierara”, ni masierara. ã jina suaena tjiga mɁsa. Noano tɁhotuga mɁsa. **37** Ahrina mɁsa ñaha taina mari cohamacore ñano ni durucuerare. ã yoa tina cohamana wɁhɁsepɁre sãa, yacaerare. ã jina noano yoaga mɁsa. **38** ã jia Demetrio, plata dahraina mehne ahrinare mɁsa ñahainare yahusã duaa, buhiri tiare cahnoina sehere yahusãjaro tina. **39** Pari turi cahmachuna noano mehne cahmachuga. MɁsa yoariro sehe yoarena tjiga.

40 Michare mɁsa sua, sañurucurire mari pɁhtoa tɁhoa, “Marine cohãa nica”, ni tɁhotuahca tina. ã jina mɁsa ni sañurucurire tinare noano poto yahu masieraja mari —niha pɁhtoare yoadohoriro masare.

41 ã ni yahu tuhsɁ, “Tó puro tjira. Wahaga”, niha tiro masare.

**Macedonia yahpapu cūhure,
Grecia yahpapu cūhure Paulo sūha**

20 ¹ Ti ã wahari baharo, Paulo sehe Jesu yainare pji cahmachu yahu quihōha. Yahu quihō tuhsu, tinare wahchechu yoa, tinare coha sitiha. Coha siti tuhsu, Macedonia yahpapu waha wahaha. ² Tópū sū buhe, tí yahpai jia macari macainare Jesu yainare wahchechu yoaha tiro. Tinare buhe tuhsu, Grecia yahpapu sūha tiro. ³ Tói tiro tia sū waro jiha. Tói jirucuma, Siria yahpapu pahāa waha duamaha. Wiho mejeta judio masa cohtamaha tirore ñaha duaa. Ñ jiro Paulo pa mahapu, Macedoniaru wahari mahapu mupanoputa majare tjuaa wahaha tjoa.

⁴ Ñ waharo Asiaputa sūha. Tói Berea macariro Sópatro wama tiroiro Pirro macuno Paulore piti ti wahcāha. Ñ yoa Tesalónica macaina Aristarco, Segundo cūhu tirore piti ti wahcāha. Tuhsu, Derbe macariro Gayo wama tiroiro Timoteo cūhu tiro mehne wahaha. Asia macaina Tíquico, Trófimo cūhu Asiapu tirore piti ti wahcāha. ⁵ Tiro mehne macaina to pano waha, Tróade wama tiri macapu tirore cohtari jire. ⁶ Ti ã cohtachu bucuaerari pāore ti chūa bōse numuri baharo sã sehe Filipoi jiina dohoría mehne waha, cinco dachori pahā, Tróaderu sã tinare mu sui. Siete dachori waro jii tōpūre.

Tróaderu Paulo tinino wahaha

⁷ Domingo jichu Jesu yaina cahmachu pāore duhu payore Santa Cena yoaa taa. Ti ã yoahito pano Paulo tinare buhere. Ñ yoaro Paulo pa dachoi wahahtiro jiro yoari pja tiro buhere. Ñami dacho macapu buhe duhuro taro nimare. ⁸ Ñ jina mūano macari tahtiai payu poca sihāa poca jiri tahtiai cahmachui sã. ⁹ Paulore to tūhoro watoi, cūiro wahmuno Eutico wama tiroiro mahari sopaca cahai mūja pja dujire. Duji, Paulo tinare yoari pja to buhe namochu wahmūnore wūjo tare. Wūjo ta, tiro carī mūa, tia casario buipu dujiri majare bōraa wahare. Bōraa waha, yaria yūhdūa wahare. To yariari baharo tina tirore yariariro cjiropūre na wahcō dapore. ¹⁰ Ti ã yoachu ñūno Paulo dujia, wahmūnore cjā suhsure. To ã yoari baharo Jesu yainare ō sehe ni yahure tiro:

—Yajeripohna ñaena tjiga. Yarierara ahriro. Catira —nire Paulo sehe.

11-12 To ã nichũ wahmũno yariariro cjiro masaa wahare. To ã masachũ ñua tina wahche yũhdũare. Ñ wahchea mũano macari tahtiarũ mũja, pãore duhu payore Santa Cena yoaa taa. Ti ã yoari baharo yoari pja Paulo tinare buhe namore tjoa. Pũ bohreahto panocãrũ tinare buhe duhure. To buhe tuhsũchũ wahaa wahi sã.

Paulo Tróadeprũ jiro waha, Miletopũ sũha

13 Paulo pano dohoria mehne Asõprũ sã sehe sũ mũhtai. Paulo sehe maharũ waha duare. Paulo to niriro seheta Asõprũ tirore sã piti bocai. 14 Tirore sã piti bocachũ, sã mehne tiro samure dohoriarũ. Tia mehne waha, Mitilenerũ sã sũi. 15 Tõprũre sũ yũhdũa pa dachoi Quío wama tiri ñcore yũhdũai sã. Pa dachoi Samorũ sũi sã. Pa nũmũ sehere Miletopũ sũi sã. 16 Paulo Pentecoste dacho waroi Jerusalẽprũ sũ duare. Ñ jiro Asia yahparũ yoari pja ji duaerare. Ñ jiro Efesore poto yũhdũa, Miletopũ wahã sũi sã.

Paulo Efeso macainare Jesu yainare pũhtoare yahuha

17 Ñ jiro Paulo Miletopũ jiro, Efeso macainare Jesu yaina pũhtoare pjirocare tiro. 18 Ñ to pjirocari baharo tina Paulo caharũ wihire. Ti wihichũ ñũno tinare Paulo õ sehe ni yahure: —Asiarũ coã wihicũ mũsa mehne yũ yoarire masina mũsa. 19 Mũsa mehne jicũ ne soro nino marieno Jesu, mari pũhtoro yare yoaa tii yũhũ. Ñ yoacũ mũsare pja ñũi. “Mũsare yũhdũrũcaja”, nierahi yũhũ. Judio masa yũhũre ñano ti yoapachũta Cohamacũ yare yoaa tii yũhũ. 20 Mũsa noano wahahtore cahmacũ mũsare buhe pahũonocai yũhũ. Masa ti ñũrocaroi, ã yoa mũsa wũhũseprũ cũhũre buhei yũhũ. 21 Ñ yoa judio masare, judio masa jieraina cũhũre cũno potori buhei yũhũ. “Mũsa ñaa yoari buhiri tiare masi, Cohamacũ mehne tjuahga. Ñ yoa Jesu mari pũhtoro wacũ tuaga”, ni yahui yũhũ. 22 Ñ yoa mipũre Espíritu Santo to dutiriro seheta Jerusalẽprũ wahi nija. Yũhũ tõprũ wahacũ yũ dohse wahahtore masieraja yũhũ. 23 Espíritu Santo to yahuri dihtare masija. Ñ sehe nihre Espíritu Santo yũhũre: “Nohoi mũ sũa macariperũ mũhũ ñano yũhdũihca. Ñ jia mũhũre peresu yoahca”, nihre Espíritu Santo yũhũre. 24 To ã nipachũta noaa buheare, Cohamacũ masare to cahĩa buheare yahuhtiro cjihto jija. Jesu

mari pũhtoro to yoa dutirire yoa pahño duaja. Ahrire yoiriro jicũ, yũ yariahtore cuieraja yũhũ.

25 'Mũsa mehne jicũ pũhtoro Cohamacũ to sũho jiare yahua tii yũhũ mũsare. Mipũre ne mũsare pari turi ñũsi yũhũ. Ahrire masija yũhũ. 26-27 Ā masicũ michare ahrire yahuja mũsare. Jipihtia Cohamacũ yare yahui yũhũ mũsare. Ā jiro jipihtina mũsa mehne macaina Cohamacũ yare cahmaeraina ti jichũ ya buhiri jierara. 28-29 Mũsa basi noano yoaga. Ā jina Jesu yainare Espĩritu Santo mũsare to ñũ wihbo dutiinare ñũ wihboga. Ovejare ñũ wihboina ovejare ti ñũ wihboro seheta Jesu yaina cũhũre ñũ wihboga mũsa. Cohamacũ macũno to yariaro to di cohãno mehne Cohamacũ tinare to yaina cjihti yoare. Yũ õre wahari baharo paina ñaina sehe yairo ovejare to chũ cohãno seheta Jesu yare mũsa yoaborire dojomehneahca. Ā jina Jesu yainare noano ñũ wihboga. 30 Baharopũre paina mũsa mehne macaina sehe Jesu yainare mahño, paye buheare tũho dutiahca. Ti Ā dutichũ tina tũhohto cua yũhdũara. 31 Ā jina noano yoaga mũsa. Tia cũhma waro dachoripe, ñaminipe pja ñũa mehne buhei yũhũ mũsa jipihtinare. Tĩre noano wacũga mũsa.

32 'Mipũre yũ wahari baharo, Cohamacũ mũsare ñũ wihborohca. Masare to cahĩa buheare mũsa basi cahma buhena, noano jinahca mũsa. Cohamacũ to buhea mehne mũsare wacũ tua namochũ yorohca. Baharopũre to yainare "Noano yoaitja", to niriro seheta mũsa cũhũre noano yorohca. 33 Mũsa niñerure, mũsa suhti cũhũre "Yũhũre waga", nierahi mũsare. 34 Yũ basi dahra wapatai yũ ya cjihtire. Ā yoa yũ cahmaare, yũhũ mehne macaina ti cahmaa cũhũre yũ dahraa wapatai mehne nahi. Yũ Ā yoirire masina mũsa. 35 Mari õ sehe tuaro dahrana paye baro cjuærainare yoadohoro cahmana marine. Ahrire mũsare yoa ñoi yũhũ. Jesu mari pũhtoro to niri cjirire wacũga mũsa. "To wachũ ñahariro yũhdoro wariro sehe wahchera", niri jire Jesu to basi —ni yahure Paulo Jesu yainare.

36 Ā ni batoa Paulo tina mehne na tuhcuca caha sũ, Cohamacũre sinire. 37 To Ā sini batoachũ tina jipihtina Paulore cjã suhsu, wahsupu wihmi, tiihre. 38 "Mũsare pari turi ñũsi yũhũ", pano to nichũ tũhoa tuaro cahyare tina. Ā jia tirore tju nũnũ ti buhare pũ pitamaharũ. Tõpũ sãre ñũ nũnũ tire sã wahachũ.

Paulo Jerusalēpū pari turi wahaha

21 ¹ Jesu yainare “Wahana nija” ni, dohoria mehne Cos wama tiri n̄cōpū poto waha, pahã sui sã. Pa dachopū Roda wama tiri n̄cōpū pahã sū, yūhd̄ua, Pátara wama tiri macapū sui sã. ² Pátarai jina, Feniciapū wahahtiare, dohoriare bocai sã. ã jina tia mehne wahi sã. ³ ã wahana Chipre wama tiri n̄cōre poto ñ̄u yūhd̄uai sã. Cō b̄uh̄usehe sehe jire tí n̄cō. Tí n̄cōre yūhd̄ua, Siria wama tiri yahrapū sui sã. ã jina dohoria macaa pachere dohoria macariro Tiro wama tiri macai to dure moch̄u, tói pahsasini. ⁴ Tói Jesu yainare ñ̄una, siete dachori waro tjuasinii sã tí macai. ã jia tó macaina Jesu yainare Espíritu Santo to yahuriro seheta tina Paulore Jerusalēpū waha dutieramare. ⁵ Ti ã nipach̄uta tí macare siete dachori sã jiri baharo, wahi sã. Sã wahahto panocã jipihtina Jesu yaina, ti namosãnumia mehne, ti pohna mehne, tí maca d̄uht̄u cahai sãre ñ̄u tjuaa wahare. ã jina jipihtina sã pad̄uroi sū, na tuhcuca caha sū Cohamac̄ure sinii. ⁶ Sã ã siniri baharo, “Wahana nija” ni, tinare c̄jã suhsu batoa, wahi sã. Sã wahach̄u ñ̄u n̄n̄u ti, tina sehe majare majaa wahare ti ya w̄uh̄usepū.

⁷ Tiro wama tiri macai jiina wahana Tolemaidapū wahã sui sã. Tóih̄ta pjiri mare waha batoai sã. Tí macai sū, Jesu yainare “Coyea, ¿jimajari?” ni, c̄u dacho sã tina mehne jisinii. ⁸ ã yoa pa dachoi tjoa Cesarea wama tiri macapū sui sã. Tóp̄u sū, noaa buheare yahuriro Felipe wama tiroiro ya w̄uh̄upū sui. ã jina tiro mehne tjuai sã. Felipe Jesu yaina ti siete beseina mehne macariro jire. ⁹ Tuhs̄u, tiro pititiaro numia p̄nc̄uro jire. Tí numia sehe Cohamac̄u yare yahua numia jire. Nuhmia jire. ¹⁰ Tóp̄u sã mahaa dachoricã sã jiri baharo, Agabo wama tiroiro Cohamac̄u yare yahu turiariro Judeapū jiriro sãre ñ̄uno wihire. ¹¹ ã wihiro tiro Paulo ya dare t̄uã dihiri dare na, to basi to dahporire, to wamomacarine d̄uhte cayō ò sehe ni yahure:

— Ñ̄ sehe nire Espíritu Santo: “Ahri dare c̄juariro Jerusalēpū to s̄uch̄u, judio masa ãta d̄uhteahca tirore. D̄uhte tuhs̄u, judio masa jierainare waahca tina tirore”, nire Espíritu Santo —ni yahure Agabo.

¹² To ã nich̄u t̄uhona, sã Cesarea macaina mehne Paulore tuaro cah̄i sã. Tirore Jerusalēpū waha dutieramai. ¹³ Sã ã nich̄u Paulo sehe ò sehe ni ȳuhtire:

—¿Dohse ni tiina nijari mûsa? Yũhũ sehere cahyachũ yoaca mûsa. Tina yũhũre peresu ti yoachũ noanohca. Yũhũ Jerusalẽpũ Jesu mari pũhtoro yare yũ yoari buhiri yũ yariachũ noanohca —nire Paulo sãre.

14 “Wahaeraja”, to nichũ tũho duana nimai sã. To “Wahaihtja” to nichũ, ã tũhotunocahi sã. Õ sehe nii:

—Mari pũhtoro to cahmano seheta yoajaro —nii sã.

15 Tíre sũhũdu batoa, sã yare cahno, wahaa wahai sã Jerusalẽpũ wahana. 16 Tópũ sã wahachũ mahainacã Cesarea macaina Jesu yaina sehe sã mehne wahare. ã yoa tina mehne macariro Chipre macariro Mnasõ wama tiriro ya wũhũpũ sũi sã. Tiro yoari pja Jesu buheriro jire. ã jiro to ya wũhũ sã carĩhti wũhũ jire. Tí wũhũi sã carĩni baharo, Jerusalẽpũ sũi sã.

Paulo Santiagore ñũno wahaha

17 Jerusalẽpũ sã sũchũ, tó macaina Jesu yaina sehe “¿Wihimajari?” ni, wahchea mehne piti bocare sãre. 18 Pa nũmũi Paulo sã mehne Santiagore ñũno sũre. Sã tópũ sũchũ tói jipihtina Jesu yaina pũhtoa jire. 19 Tói ti jichũ ñũno Paulo tinare to wamomaca ñahari baharo judio masa jierainare to buherire yahu pahũore Jesu yainare. Cohamacũ to yoadohoa mehne to yoarire yahu pahũore. 20 To ã ni yahuchũ tũhoa, “Cohamacũ noariro, tuariro jira”, ni ño payore tina sehe. ã ni tuhsũ tina Paulore õ sehe ni yahure:

—Coyeiro, mipũre payũ judio masa Jesure wacũ tuaina jira. Tíre masina mũhũ. ã jia tina õ sehe ni tũhotura: “Cohamacũ to dutiare, Moise cjiropũ marine to cũrire marine yoa pahũono cahmana”, nia nina. 21 Õ sehe ni namona tina. “Pa sehẽpũ jĩinare judio masa jieraina watoi jĩinare judio masare Cohamacũ Moise cjirore to cũri cjirore cohã dutiha Paulo”, nimare õ macaina judio masa mũhũre. “Paulo judio masa pohñare mahari cahsarocãre yihso na dutierara”, nimare mũhũre tina. “Judio masa ti yoaa tiare Paulo duhu dutira”, ni ahri cũhũre ni yahuwajara mũhũre. 22 ã jia mũ õre wihichũ tũhoa tina cahmachuahca mũhũre tuhtia taa. ã jicũ õ sehe yoaro cahmana mũhũre. 23 Mũhũre sã dutiro seheta yoaga. Mipũre õre pititiaro mũa Cohamacũre wacũina “Õ sehe yoanahtja”, niina jira. 24 Tina mehne wahaga. ã jia Cohamacũ Moise cjirore to dutiriro seheta ti basi Cohamacũ yare yoaa taa ti dutiare

yũhdũrũcaare cosaa nina. Mũhũ cũhũ ãta yoaga. ã yoacũ ti ã yoahũ wapare wapaga mũhũ sehe. Mũ ã wapari baharo ti pjoarire wũha duti masina tina. Mũ ã yoachũ ñũa masa mũhũre ti nia mahñori jichũ masiahca jipihtina. Cohamacũ Moise cjirore to cũri dutiare yoariro mũ jichũ masiahca tina. ²⁵ Wiho mejeta judio masa jieraina Jesu yaina sehere sã joari pũre waroca tuhsũ. Õ sehe ni, joai sã. “ ‘Cohamacũ jira’, ti nia masũrine ño payo ti duhu payoa chũare, dire, wamũa ti ñaha wajãinare wahiquinare chũena tjiga mũsa. ã jina numia mehne ñano yoaena tjiga. Numia cũhũ mũa mehne ñano yoaena tjiga”, ni yahu joahi sã joari pũpũre —nire tina Paulore.

Cohamacũ wũhũpũ judio masa Paulore ñahaha

²⁶ Ti ã ni durucuri baharo pa dacho Paulo sehe pititiaro mũa mehne ti basi Cohamacũ yare yoaa taa ti dutiare yũhdũrũcaare cosaa taa, Cohamacũ wũhũpũ sãa wahaha. Tĩ wũhũpũ sãa sũro, tinare yahuha Paulo: “Õpe dachori dũhsara mũsa cosahto”, ni yahuha tiro pititiarore. ã jia ti cosa batoari dachoi tina cãina Cohamacũre wahiquinare ti wahti dacho jire.

²⁷ ã yoa ti cosa pahñoboriro mahanocã dũhsachũ waro Cohamacũ wũhũpũ Paulo to jichũ Asia yahpa macaina judio masa sehe ñũha tirore. ã ñũa Paulore quitĩ dojomehne, tí wũhũpũ jiina jipihtinare tiro mehne suachũ yoaha tina. ã suaa judio masa Paulore ñaha, ²⁸ õ sehe ni sañurucuha:

—Mũsa sã coyera Israe masa sãre yoadohona taga. Ahriro jira marine dojomehneriro. Ahriro Cohamacũ Moise cjirore to cũri dutiare ahri wũhũ cũhũre “Wiho jia jira”, ni buhe sito tara jipihtinare. ã yoa tiro Cohamacũ wũhũpũre judio masa jieraina cũhũre na sãare. ã yoaro ahri wũhũre ñaa marieni wũhũre tiro dojomehnere —ni sañurucuha judio masa Asia yahpa macaina tó macainare.

²⁹ Tó pano Jerusalẽi Paulo Trófimo wama tiriro mehne to jichũ judio masa ñũa tiha. Trófimo sehe Efeso macariro judio masũno jierariro jire. To ã jichũ masia õ sehe ni tũhotuha tina: “Paulo Trófire Cohamacũ wũhũre na sãano nica”, ni tũhotumaha judio masa.

³⁰ Masare ã ni yahu ti sañurucuri baharo tí maca macaina payũ tuaro suaha. Payũ mũroca ta, Cohamacũ wũhũi jirirore Paulore ñaha waja wijaa wahaha. ã wijaa tuhsũ, tí wũhũ

sopacarire bihaha tina. ³¹ Ñ yoa tina tirore wajãa taa nimaha. Ti ã yoachũ ñña paina sehe “Jipihtina Jerusalẽ macaina sua, sañurucua nire”, ni yahua wahaha surara pũtorore. ³² Ti ã nichũ tũhoro surara pũtoro sehe to surarare, ti dutiina cũhũre cahmachuroca, tina mehne Paulore wajã duaina cahapũ mũroca wahcã, sũha. Surara ti sũchũ ñña Paulore cjãmaina cjã duhunocaha. ³³ Ñ jiro surara pũtoro Paulo cahapũ sũ, tirore ñaha, pũa da comaa dari mehne tirore dũhte dutiha. Ti dũhte tuhsũchũ ñũ, surara pũtoro Paulore cjãmmainare sinitu ñũha:

—¿Diro baro jijari ahriro? ¿Yaba buhiri tirore ã yoari mũsa? —ni sinitu ñũha tiro tinare.

³⁴ To ã sinituchũ tũhoa masa sehe “Õ sehe yoare tiro” ni, paina cũhũ soro ni sañurucu, yahua surara pũtorore. Ñ ni ti sañurucuchũ surara pũtoro noano tũhoeraha. Ñ jiro tiro surara ya wũhũpũ Paulore naa dutiha. ³⁵ Tĩ wũhũpũ sũ, Paulo mũjari escadai to mũjano cahachũ masa sehe tirore cjã dua nimaha. Ti ã yoachũ surara sehe tirore na wũa, na mũjaa wahaha. ³⁶ Masa tinare payũ nũnũ ti, sañu nũnũ tihaa:

—Tirore wajãnocahga —ni sañurucuha tina Paulore.

Paulo “Ne masare ñano yoeraja yũhũ”, ni yahuha

³⁷ Ñ yoa Paulore tí wũhũpũ ti peresu yoahito pano, Paulo sehe surara pũtorore õ sehe ni siniha:

—Yũhũ mũhũ mehne sũhũdu duaja —ni siniha Paulo.

—¿Mũhũ griego masa yare durucujari? ³⁸ ¿Sohõ jiri, Egipto macariro jierajari mũhũ? Tiro masare ti pũhtoare cohã dutiro, cuatro mil pũhtoare cohã duaina sehere masa marienopũ naari jire. ¿Tiro jierajari mũhũ? —niha surara pũtoro Paulore.

³⁹ To ã nichũ tũhoro Paulo õ sehe ni yũhtiha:

—Tiro jieraja yũhũ. Judio masũno jija. Tarsoi Cilicia yahpai jiri macai masa bajuai yũhũ. Wiho jiri maca macariro jieraja yũhũ. Yũhũ ahriina masa mehne durucu duaja yũhũ —niha Paulo tirore.

⁴⁰ To ã nichũ tũhoro surara pũtoro sehe tirore durucu dutiha masa mehne. Ñ jiro Paulo mũjari escadai ducuro to wamomacari mehne “Dihta mariahga”, niha masare. To ã yoachũ ñña, dihta mariea pihtia wahaha. Ti dihta marieachũ ñũ, Paulo judio masa ya mehne yahua tinare.

22 ¹—Yũ coyea, yũ yoarire yahuihtja m̄sare. Yũ yahuchũ tũhoga m̄sa —niha Paulo.

² To ã nichũ Paulo judio masa ya mehne to durucuchũ tũhoa masa sehe dihta marieina tjuaha. ã jiro Paulo tinare õ sehe ni yahuha:

³—Yũhũ judio mas̄nota jija. Tarso wama tiri macai, Cilicia yahpai jiri macai masa bajuai yũhũ. Wiho mejeta ahri maca Jerusal̄ihta b̄s̄cai yũhũ. Tuhsũ, yũhũre Gamalie wama tiro buhea tire. ã jicũ yũhũ mari ñ̄ch̄s̄ma cjiri dutiare noano buhei. Mip̄re Cohamac̄re m̄sa yoaro sehetã yũhũ c̄h̄hũ ño payoa timai. ⁴ ã jicũ Jesu yainare ñano yoaa tic̄rũ yũhũ. Cãina tinare wajãa tic̄rũ yũhũ. M̄are, numia c̄h̄hũre ñaha, peresu yoaa tii yũhũ. ⁵ Sacerdotea bui p̄htoro, judio masa b̄s̄c̄na mehne yũ tuahti p̄ri cjihtire Jesu yainare ñaha dutia p̄rine yũhũre joabasare. Mari coyeare Damasco macainare tí p̄rine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusal̄p̄rũ tinare na ta duamai buhiri dahrei tai. Õ sehe yũ nichũ sacerdotea bui p̄htoro, judio masa b̄s̄c̄na c̄h̄hũ noano masina —ni yahuha Paulo.

Paulo Jesu yairo to waha d̄carire yahuha

(Hch 9.1-19; 26.12-18)

⁶ ã ni tuhsũ õ sehe ni yahu namoha:

—ã yoa cohari pja jichũ, Damascop̄rũ yũ s̄i cahachũ waro m̄anop̄rũ wac̄enoca si siteroca boroa tire yũhũre. ⁷ To ã si siteroca boroch̄ta yũhũ yahp̄rũ bora caha s̄ai yũhũ. Yũ bora caha s̄ri baharo durucuro coa tare yũhũre. “Saulo, Saulo ¿dohseacũ yũhũre ñano yoajari?” ni durucuro coa tare yũhũre. ⁸ “P̄htoro, ¿diro baro jijari m̄hũ?” ni sinitui yũhũ. “Yũhũ Jesu Nazare macariro, m̄ ñano yoiriro jija yũhũ”, ni yũhtire yũhũre tiro. ⁹ Yũ ã wahachũ yũhũ mehne macaina buhriarore ñ̄re. Wiho mejeta yũhũ mehne to durucuchũ tũhoerare tina. ¹⁰ “P̄htoro, ¿dohse yoaihcarĩ yũhũ?” ni sinitui Jesure. “Wahc̄rc̄aga. Damascop̄rũ wahaga. Tói m̄ wahachũ, m̄hũre jip̄htia yũ yoa dutihtire paio yahurohca m̄hũre”, nire tiro yũhũre. ¹¹ Tvaro to minoa siterocachũ, yũ capari waroa wahare yũhũre. ã jia, yũhũ mehne macaina yũ wamomacare ñaha, Damascop̄rũ tuã wahc̄re yũhũre.

12 Tóí Anania wama tiro, Cohamacure ño payoriro, marine Cohamacu dutiare yoa pahñoriro jire. Tó macaina judio masa jipihtina ti ño payoriro jire. 13 Ñ jiro tiro yu cahai wihi taruca yuhure yahure. “Coyeiro Saulo, ñuga pari turi tjoa”, nire tiro. To ñ niri baharo pari turi ñni yuhu. Ñ ñni ducacu tirore ñni yuhu. 14 Yu ñ ñuchu tiro Anania yuhure yahure: “Cohamacu to cahmaare noano masihtirore panopu bese tuhsuyuhti muhure. Ñ jiro ‘Yu macu noarirore ñu, tuhoroheca’, ni yahuyuhti muhure Cohamacu panopu. Tiro jira mari ñuchusuma muna ti ño payoriro. 15 Ñ jicu muhu mu ñnure, mu tuhore yahuhca muhu jipihtinare. 16 Ñ jina mipure yoari pja jiena tjijihna. Wahcârucaga. Ñ jicu bautisariro jiga. Jesure mu sinichu mu ñaare yoari buhirire cohãnohca”, nire yuhure tiro —niha Paulo.

Paulo judio masa jierainare to buherire yahuha

17 Ñ ni tuhsu Paulo õ sehe ni yahu namoha:

—Ñ yoa tuhsu yuhu Jerusalêpu tjua ta, Cohamacu wuhupu Cohamacure sinii sui. 18 Yu tóí jichu Jesu yuhure bajua tire. Ñ bajuaro yuhure yahure. “Jerusalê macaina yu yare mu yahuchu tuho duaerara. Ñ jicu cjero pa shepu wahaga”, nire Jesu yuhure. 19 To ñ nichu tuhocu yahui tirore: “Puhtoro, mu yainare judio masa buhea wuhusei jianare yu ñaha, cjãri cjirire masina Jerusalê macaina. 20 Ñ jicu muhure yahurire Estebã sehere ti wajachu ñucu ‘Noano yoa wajãna’, nimai. Tirore ti wajachu ti suhtire cjuabasai yuhu. Tí cuhure masina ahri maca macaina. Ñ jia yu yahuchu tuhoboca yuhure”, ni yahui yuhu Jesure. 21 Yu ñ nichu tuhoro Jesu yuhure õ sehe ni yahure: “Yoaropu judio masa jierainare buhehtirore warocaihtja muhure. Ñ jicu wahaga muhu”, nire yuhure yu puhtoro —niha Paulo masare.

Surara puhtoro Paulo mehne durucuha

22 To yahu muhtari dihtare noano tuhomaha masa. Wiho mejeta judio masa jieraina cahai Jesu Paulore to warocahure to yahuchu tuhoa tina sañurucu ducaha tjoa:

—Ahriro mipu pinihtare yariawahnojaro —ni sañurucuha tina.

23 Ñ jia tina sañurucu namo, sua mehne ti suhtire wahba siteruca, dihta mehne docaha. 24 Surara puhtoro surara ya

wǎhɛrɛ Paulore na sǎa dutiha to surarare. Ǽ jiro surara pǎhtoro “¿Dohse yoa Paulo mehne sua ǎ ñaca sañurucua nijari masa?” ni sinitu duamaha. Paulore tíre sinituro taro, yuta dari mehne tjana dutimaha tirore. ²⁵ Wiho mejeta tirore ti dǎhteri baharo, tiro cahai jiriore surara pǎhtore ò sehe ni yahuha Paulo:

—Yǔhɛ Roma macariro jija. Ǽ jina “Ñano yoariro jira ahriro”, yǔhɛre ni yahusǎ masierara mǔsa. Ǽ yahusǎ masierana yuta dari mehne yǔhɛre tjana masierara mǔsa —niha Paulo tirore.

²⁶ To ǎ nichɛ tǎhoro surara pǎhtoro, to bui pǎhtore ò sehe ni yahuro wahaha:

—Ahriro Roma macariro jira. Ǽ jicɛ noano yoaga tirore —ni yahuha tiro to pǎhtore.



27 To ã niri baharo surara bui pũhtoro sehe Paulore sinituro wahaha:

—¿Potocãta mũhũ Roma macariro jijari? Yahuga yũhũre tíre —niha tiro.

—Tiro tjija yũhũ —ni yũhtiha Paulo.

28 To ã nichũ tũhoro surara bui pũhtoro sehe tirore õ sehe ni yahuha:

—Yũhũ Roma macariro ji duacũ niñeru pjíro wapai —niha tiro.

—Yũhũ Roma yahpa macari macapũ masa bajuai. ã jicu Roma macariro jija —niha Paulo.

29 To ã nichũ tũhoa tirore tjanaborina wahaa wahaha.

ã jiro Paulo Roma macariro to jiriro jichũ masino, tirore comaa dari mehne ti dũhteri cjirire wacũno, cui niha surara pũhtoro sehe.

Paulo judio masa pũhtorore yahuha

30 ã yoa surara pũhtoro judio masa Paulore ti yahusãrire noano masi duaha. ã masi duaro pa dachorũ comaa darire tirore to pjã dutiri baharo, sacerdotea pũhtoare, judio masa bũcũna mehne cahmachu dutiha surara pũhtoro. To ã cahmachu dutiri baharo tiro tórpũ Paulore na wahcã, ti pano duhu dapoha tirore.

23 ¹ ã jiro Paulo judio masa bũcũnare ñũ piti boca, õ sehe ni yahuha:

—Coyea, Cohamacũ to ñũrocaroi jipihtia dachoripe noano yoarucuja yũhũ —niha Paulo.

² To ã nichũ tũhoro jipihtina sacerdotea bui pũhtoro jiriro Anania sehe Paulo dũserore cjã dutiha. ³ To cahai ducuinare cjã dutiha. Tirore ti cjãri baharo Paulo Ananiare tuhtiha:

—Masa ti ñũrocaro dihtare noano yoiro jira mũhũ. Masa ti baharo bũhũsehei ñano yoa cohtariro jira mũhũ. “Cohamacũ dutiare yũhdũrũcai nina”, yũhũre nipaihta yũhũre cjã dutira mũhũ. ã cjã duticũ mũhũ sehe dutiare yũhdũrũcai nica —niha Paulo tirore.

⁴ To ã nichũ tũhoa Paulo cahai ducuína õ sehe niha tirore: —Cohamacũ to beseriro sacerdotea bui pũhtorore ñano durucuí tjija mũhũ —niha tina Paulore.

⁵ Ti ã nichũ tũhoro Paulo õ sehe ni namoha tjoa:

—Coyea, tiro to sacerdotea bui pũhtoro to jiare masierahi yũhũ. ã jii ã nimacanocati yũhũ. Cohamacũ yare ti joari cjiri õ sehe ni yahura tirore: “Mũ ya maca macaina pũhtoro ñano ni, durucui tjiga”, ni joaa tiha —niha Paulo tinare pjãno.

6 ã yoa tõi pũa curua macaina jiha. Cũ curua saduceo curua macaina jiha. Pa curua sehe fariseo curua macaina jiha. Pũa curua ti jichũ masino, Paulo judio masa bũcũnare tuaro saũurucu õ sehe ni yahuha:

—Coyea, yũhũ fariseo curua macariro jija. Fariseo curua macariro macũno tjija yũhũ cũhũ. “Yariaina masa mũjaahca”, yũ ã niri buhiri yũhũre ñano yoa duara mũsa —niha Paulo.

7 To ã nichũ tũhoa fariseo curua macaina, saduceo curua macaina ti basi cahma tuhtiha. ã jia ti basi pũa curua tju waha. 8 Saduceo curua macaina õ sehe niina jiha: “Yariaina masa mũjasi. Espĩritua, anjoa cũhũ ne mariahna”, niina jiha. Wiho mejeta fariseo curua macaina sehe tina yoaro sehe nieraha. ã jia Paulo “Yariaina masa mũjaahca” to nichũ tina ti basi cahma tuhtiha. 9 ã cahma tuhtia, tuaro saũurucuha. ã yoa fariseo curua mehne macaina judio masa buheina wahcãrũca, tuhti, õ sehe ni yahuha:

—Ahriro Paulo ñano yoarare. ã jiro espĩritu o anjo, potocã tiro mehne durucuriro jiboca. [ã jina ahrirore buhiri dahrena, Cohamacũre ñũ tuhtiina jiboca mari. ã yoina jiena tjiga mũsa] —niha tina.

10 Ti ã niri baharo, tina jipihina cahma tuhti, tuaro suaha. “Ti basi cahma sua sayo, tirore wajãboca”, ni cuisãaha surara pũhtoro sehe. ã jiro Paulore, masa watoĩ ducurirore na wio, to ya wũhũrũ na ta dutiro warocaha to surarare.

11 Pa ñamihi pũhtoro Jesu Paulo cahai ducuro, õ sehe ni yahuha tirore:

—Wacũ tuaga. Mipũre õre Jerusalẽi yũ ya buheare yahure mũhũ. Tõ seheta Romarũ cũhũre yahui wahaihca mũhũ —niha pũhtoro Jesu Paulore.

Judio masa Paulore wajã duamaha

12-13 Pa dacho bohrearoi judio masa cahmachu, ti basi õ sehe ni cahma durucuha:

—Õ sehe yoajihna. Paulore wajãjihna. Cohamacũre õ sehe ni yahu cũjihna. Ne mari sihnisi. Ne chũsi, pũ tirore mari wajãri

baharopu. Tirore mari wajãerachu, mari sehere Cohamacu buhiri dahrejaro —niha tina ti basi.

Tina cuarenta bui curero judio masa jiha. 14 Ti ã niri baharo tina sacerdotea puhtoare, bucuna cùhure yahua wahaha:

—Paulore sã wajãhto pano chuare sã chueraja. “Tirore sã wajãerachu Cohamacu sã sehere buhiri dahrejaro”, nihi sã.

15 Æ jina msa, bucuna mehne ò sehe ni pjirocaga. “Paulore pari turi sinitu duaja”, niga surara bui puhtorore. Msa ã niri baharo surara bui puhtorore na ta dutiga Paulore. Wiho mejeta Paulo to òre to wihiro cahachu waro tirore wajãnahca sã —niha tina sacerdotea puhtoare.

16 Wiho mejeta Paulo pjacamacuno ti ã ni durucuchu tuhoha. Ti ã nichu tuhoro waha, surara ya wuhupu Paulore yahuro sãaha. 17 To ã yahuri baharo Paulo sehe cãiro surarare pjiroca, ò sehe ni yahuha tirore:

—Ahriro wahmunore puhtoro cahapu naahga. Ahriro mu puhtorore yahu duaro nina —niha Paulo.

18 To ã nichu tuhoro surara sehe Paulo pjacamacunore to puhtoro cahapu na su, ò sehe ni yahuha:

—Peresupu jiriro Paulo sehe yuhure pjiroca, ahriro wahmunore mu cahapu naa dutihre. Ahriro mnhure yahuro taro nihre —niha surara to puhtorore.

19 To ã nichu tuhoro puhtoro sehe wahmuno to wamomacare ñaha tuã wahcã, masa marienopu tirore sinitu ñcha:

—¿Dohse nii tai niri mnhu yuhure? —niha tiro Paulo pjacamacunore.

20 To ã sinituchu tuhoro ò sehe ni yahuha:

—Judio masa cãno potori, “Ò sehe yoajihna” ni, ñamichapupu judio masa bucuna cahapu mnhure Paulore naa dutiahca. “Bucuna Paulore pari turi sinitu duara”, ni mahñoahca.

21 Wiho mejeta cuarenta bui curero mua tirore wajã duaina bucuna caha duara. Tina tirore ti wajãhto pano chuare chusi. Æ yoa sihnisi. “Tirore mari wajãerachu, Cohamacu mari sehere buhiri dahrejaro”, nire tina ti basi. Æ jia mipu mnhure Paulore na ta dutia tina sehe duhti cohta tuhsuhre, Paulore wajãa taa. Æ jicu ti yahua wihihu tinare yuhtii tjiga mnhu —ni yahuha wahmuno surara puhtorore.

22 To ã nichu tuhoro surara puhtoro ò sehe niha:

—Yuhure mu yahurire painare yahui tjiga —ni yahuha wahmunore.

Ã ni tuhsu wahmunore “Wahaga”, niha tiro.

Paulore puhtoro Feli wama tiriro cahapu warocaha

23 Ã ni tuhsu, surara puhtoro puaro to surarare pji wahca, tinare o sehe ni dutiha:

—Dos cientos surarare, setenta cawaloa bui pisainare, dos cientos doca yucu cjuaina mehne ti yare cahno dutina wahaga. Micha nãmi nueve jichu Cesareapu wahanahca musa. 24 Paulore cawaloare to pisahtinare cahnobasaga. Cesareapu puhtoro Feli cahapu, noano nu nunu sogã tireore —niha surara puhtoro.

25 Ã ni tuhsu paperã joaro, o sehe ni joaha tiro:

26 “Yuhu Claudio Lisiã mure tuariro puhtoro Felire noã dutija. 27 Judio masa ahriro Paulore nãha, wajãmare. Ã jicu tiro Roma macariro to jichu masicu, yu surara mehne tireore yoadohoi sãhi. 28 Ã jicu tireore ti yahusãire masi duacu judio masa bucãna cahã nãhi tireore. 29 Ã jicu tiro judio masa ya dutia dihtare to yuhdurucachu mari ya dutiare to yuhdurucaerachu nu, tireore peresupu cu duaerahi. Yaba buhiri yariaro mariahna tireore. 30 Ã jiro judio masa tireore wajã dua, ti bucãna cahachu tuhoro paio yahure yuhure. To ã yahuri baharo Paulore mipure mu cahapu warocã nija. Ã jicu tireore yahusãinare to nãã yoirire mure yahu duti tuhsu yuhu”, ni joaha surara puhtoro.

31 Ã yoa surara ti puhtoro to dutiriro seheta yoaha. Tã nãmine Antipatri wama tiri macapu Paulore na sãha. 32 Pa dachoi paina surara cawaloa bui pisaeraina tã macã tãta taha ti ya macapu. Paina surara cawaloa bui pisaina dihta tireore na yuhdu wahcãha. 33 Pu Cesareapu na sãha Paulore. Ã jia surara puhtoro to warocari pure puhtoro Felire waha. Ã jia Paulore na sãha puhtoro cahapu. 34 Ti ã wari baharo puhtoro tã pure to nu baharo tiro painare sinitu nuha:

—¿Di yahpa macariro jiji ahriro Paulo? —ni sinitu nuha tiro.

—Cilicia yahpa macariro jira —ni yahuha tireore.

35 Tinare sinitu tuhsu, Feli Paulore o sehe ni yahuha:

—Mure yahusãina ore ti wihichu mu yahuchu tuhohitja —niha Feli Paulore.

To ã niri baharo Herode ya wuhupu tireore cuha. Ã jiro to mure tireore cohta dutiha puhtoro.

Paulo “Ñano yoaerahi yũhũ”, ni yahuha Felire

24 ¹ Cinco dachori baharo, Anania sacerdotea bui pũhtoro, paina judio masa bũcũna, dutiare mihniro Tértulo wama tiroiro mehne Cesareapũ sũha. ² ã jia tina Paulore yahusã dua, pũhtoro Feli cahapũ sũha. ³ ã jiro Paulore tóprẽ ti na sũri baharo Tértulo tirore yahusã dũcaha. ã yahusã dũcaro õ sehe ni yahusãha Felire:

—Mũhũ noano masiriro, sã pũhtoro mũ noano dutichũ sã ahri yahpa macaina noano jinocaja sã cahmacheno marieno. Mũ dutia mehne noaa sehere cohtotaro nina ahri yahpa. ³ ã jina sã noano jinocahna wahcheja. ã jina mũhũ mehne noano wahcheja. ⁴ Mipũre mahanocã mũhũre cariboihtja yũhũ. Mahanocã mũhũ mehne sũhũdu duaja. Sãre tũhorocasinia mũhũ. ⁵ Ahriro sãre caribobiara. Jipihtia yahpari macainare judio masare ti sua sañurucuchũ yoara ahriro. ã jiro masa ti basi cahma tuhtichũ yoara ahriro. ã jiro nazareno wama tiri curua pũhtoro jira. ⁶ ã jina Cohamacũ wũhũre ñano to yoa duachũ ñũna sã ñahahi ahrirore. [Sã ñahari baharo sã ya dutiare to yũhdũrcariro jichũ tirore buhiri dahre duamahi sã. ⁷ Wiho mejeta surara pũhtoro Lisia wama tiroiro tirore sãre tuaro mehne manocahre. ⁸ Baharo tirore yahusãrinare mũ cahapũ waha dutihre Lisia. To ã nichũ tũhona tahi sã.] Mũhũ pinihta ahrirore sinitucũ, jipihtiare to ya buhirire masicũhca mũhũ —niha Tértulo Felire.

⁹ To ã niri baharo paina judio masa “Tértulo to niriro seheta potocã tjira”, niha tina cũhũ. ¹⁰ Ti ã ni yahusãri baharo pũhtoro Feli Paulore yahu dutiha. Õ sehe ni yahuha Paulo:

—Payũ cũhmari ahri yahpa macainare mũ dutirire masija yũhũ. ã jicũ yũ yoarire mũhũre yahucũ wahcheja. ¹¹ Doce dachorita wahara Jerusalẽpũ Cohamacũre yũ ño payori baharo. Mũhũ ahri potocã ti jichũ masi duacũ painare sinitu ñũga. ¹² Judio masa yũhũre Cohamacũ wũhũpũre boca ti ñahachũ masare ñano ni sañurucui nierahi. ã yoa masare sua sañurucuchũ yoai nierahi. ã yoacũ judio masa buhea wũhũsere, ti ya maca cũhũre ne ti nino sehe ñano yoaerahi. ¹³ ã jia yũhũre yahusãrina sehe ti yahusãri cjirire “Õ sehe yoare ahriro”, ni yahu masierara mũhũre. ¹⁴ Mipũ yũ yoarire yahuihtja mũhũre. Dóihã sã ñũchũsuma ti ño payorirore Cohamacũre ño payoja yũhũ cũhũ. ã jicũ to yare yoaja Jesu ya noaa buhea

ti nino seheta. Ahrina “Jesu ya mahñopea jira”, ni durucura ahrina judio masa. Wiho mejeta Cohamacu dutia, Moise cjiropure to cūri cjiire tí cūhure ño payoja yuhū. Cohamacu yare yahu mūhtaina cjiri ti joari cūhure ño payoja yuhū.

15 Ahrina paina judio masa ti tūhoturo seheta Cohamacu jipihtina masare yariainare noaina, ñaina mehne ti masa mūjachū yoarohca. Yuhū cūhū āta ni tūhotuja. 16 Ā jicu buhiri mariaja yuhū. Cohamacu yuhure tíre masina. Ā yoa masa cūhū tíre masina. Ā jii potocāta yahuja yuhū mūhure. Ā jicu noano tūhotunocaja.

17-18 'Paye cūhmarine pa sehēpū tiniriro jicu Jerusalēne tju wihi, yū coyeare judio masa pjasuoinare niñerure wai tai nihi. Tju wihi Cohamacure ño payoi tai to ya wūhupū sumahi. Ā jicu Cohamacu to cosa dutiriro seheta yū basi yū yūhdurucarire yū cosari baharo wahiquirore wa duamahi tirore ño payoi tai. Tópū yū jichū ahrina judio masa yuhure bocahre. Ti bocachū paina yuhū mehne mariahre. Sua, sañurucuina mariahre.

19 Wiho mejeta paina judio masa Asia yahpa macaina tói jihre. Tina yū ñano yoachū ñurina jia yahusāa tajaro. 20 Ahrina ōpū jiina sehe judio masa bucuna mehne yū jichū ñaina yū ñano yoarire masia, tina cūhū yahusājaro. 21 Cūnocā pinihtare yuhure tina yahusā masina: Pano tina mehne jicu ō sehe ni tuaro sañurucuhi yuhū: “ ‘Yariaina masa mūjaahca’, yū niri buhiri, buhiri dahrera mūsa”, nihi tinare —ni yahuha Paulo Felire.

22 To ā ni yahuri baharo Feli ō sehe ni yahuha Paulore:

—Mipū tó puro tjiira. Surara pūhtoro Lisia to wihiri baharo mūhure yū yoahore masiihca yuhū —niha Feli Paulore.

Feli sehe Jesu yaina ti yoarire noano masi pahñoriro jiha.

23 Ā ni tuhsū, Paulore cohtariro surarare Feli noano ñū nūnū dutiha “Peresupū jiriro duhtiri”, nino. Wiho mejeta mahanocā ware to tinihtore. Paulo mehne macainare tirore peresupū jirirore yoadoho dutiro ā dutiha Feli.

24 Mahaa dachoricā baharo Feli to namono Drusila wama tiricoro mehne ta, Paulore pjiha. Feli namono sehe judio masono jiha. Paulore ti pjiri baharo, Jesucristore to wacū tuaare Paulo sehe yahuha tinare. 25 Ā yahuro quihōno yoaaare, ñaaare yoa duaparota yoaaare, pihtiri dacho jichū Cohamacu masare to buhiri dahrehtore yahuha Paulo. To ā ni yahuchū tūhoro Feli cuiro, Paulore ō sehe ni yahuha:

—Mipure wahaŕisa. Baharo yuhure dahraa mariachu mähure pjihtja tjoa —niha Paulore.

26 Ñ nino Paulo to niñeru wachu cahmamaha Feli. Ñ jiro tiro niñerure cahmano, payu tahari Paulore pji, tiro mehne durucua timaha Feli. 27 Pua cñhma baharo Porcio Festo wama tiro pñhtoro Felire cohtotariro jiha. Wiho mejeta Feli sehe judio masare tiro mehne wahchechu yoa duaha. Ñ jiro pñhtoro Feli to pñhtoro wijaahito pano, tiro Paulore peresui ji dutisiniha.

Paulo Festore to yoarire yahuha

25 1 Ñ yoa Festo tí yahparu tia dacho to jiri baharo, Cesarepu jiro waha, Jerusalēpu suha. 2 Tói to jichu sacerdotea pñhtoa, judio masa pñhtoa mehne Paulore ti yahusāre yahuha Festore. 3 Paulo to mahapu wahachu tirore bucua caha, wajā duaa nimaha tina. Ñ jia tina Festore tuaro sinimaha:

—Paulore Jerusalēpu warocaga —ni sinimaha tina Festore.

4 Ti ñ nichu tñhoro, Festo ñ sehe ni yahuha tinare:

—Mipure Paulo Cesarepu peresu jira. Yuhu tópu wahi tai nija. 5 Paulo to ñano yoiriro jichu, masa pñhtoa Cesarepu yuhu mehne waha, tirore yahusāga —niha Festo.

6 Ñ jiro Festo ocho o diez dachori tina mehne to jiri baharo Cesarepu tjuaa wahaha. Pa dachoi tiro buhiri tiare cahnoru wñhu dujiro, Paulore na ta dutiha. 7 Ñ jia Paulo Festo cahapu to wihihu, judio masa Jerusalēpu tarina sehe Paulo cahai ducu, tirore tuaro mehne yahusā ducaha. Ñ yahusāpahta “Ahrro to ñano yoachu ññhi”, ni yahu masieraha. 8 Ti ñ ni yahusāri baharo Paulo to yoarire yahuha:

—Judio masa ti dutiare, Cohamacu wñhu macaa dutiare, Roma pñhtoro to dutiare yñdñrucarahi —niha Paulo.

9 Festo sehe judio masare wahchechu yoa duaro, Paulore ñ sehe ni sinituha:

—¿Jerusalēpu waha duajari mñhu? Mu yoarire yuhure tópu yahuihca mñhu —niha Festo Paulore.

10 To ñ nichu tñhoro Paulo ñ sehe ni yahuha:

—Jipihtina bui pñhtoro César to ya wñhu buhiri tiare cahnoru wñhu jija mipure. Ahri wñhu baroi yu yoarire tñhoga. Judio masare yu ñano yoarerire noano masina mñhu.

11 Dutiare yñdñrucariro yu jichu, yuhure wajāchu noaboa. Wiho mejeta ahriña ti yahusāri sehe mahñoa ti jichu yuhure

yahusārinare yuhure wiho waro wia masierara m̄h̄h̄. Ȳu
 yoirire jipihtina bui p̄htorore Césare yahu duaja. Tiro sehe
 ȳu buhiri tiare to cahnoch̄u cahmaja —niha Paulo.

12 To ã nich̄u t̄horo Festo sehe noano masi yahuinare
 sinitu tuhs̄u, ò sehe ni yahuha Paulore:

—M̄h̄h̄ jipihtina bui p̄htorore m̄u yoirire m̄u yahu
 duach̄u, tiro cahap̄u warocanaht̄ja sã m̄h̄ure —niha Festo
 Paulore.

Paulo p̄htoro Agripare to yoirire yahuha

13 Baharop̄u p̄htoro Agripa, Berenice wama tiricoro mehne
 Cesareap̄u Festore ñ̄na s̄ha.

—¿Ne, wihimari m̄h̄h̄ c̄h̄h̄? —niha tina Festore piti
 bocasinia.

14 Tó̄i paȳu dachori ti jiri baharo Festo ò sehe ni yahuha
 Agripare Paulore:

—Õre Feli to peresu yoiriro jira. 15 ã jia Jerusalēp̄u ȳu
 wahach̄u judio masa ti sacerdotea p̄htoa, ti buc̄na mehne
 ahrirore yahusāhre. “To ya buhirire wajāga tirore”, ni sinihre
 tina yuhure. 16 Ti ã nich̄u t̄hoc̄u ȳh̄u tinare ò sehe ni yahui:
 “Roma macaina sehe peresu ti yoinare masare waerara. ã jicu
 tirore waeraja m̄sare. Sã ñ̄aharirore tirore yahusārinare to
 ñ̄hto pano tirore buhiri dahre masieraja sã. To basi to yoirire
 to yahuerasinich̄u tirore buhiri dahre masieraja sã”, nihi tinare.
 17 ã jicu tina õre ti wihich̄u ñ̄c̄u yoari p̄ja yoaerahi ȳh̄u.
 Wiho mejeta pa dachoi buhiri tiare cahnor̄i w̄h̄ūi d̄ujic̄u, ti
 yahusārirore p̄jirocahi. 18 ã jia tí w̄h̄ūi to wihich̄u ñ̄na tirore
 ñ̄h̄ tuhtiina wahc̄ar̄ucare. Ti ã wahc̄ar̄ucach̄u ñ̄c̄u “Ñ̄biario
 ni yahusāhca”, ni t̄hotumahi ȳh̄u tinare. Tirore yahusā
 duapahta yahusā masierare tina. 19 Wiho mejeta ahrirore
 Cohamac̄u yare to yahuri buhiri judio masa tirore tuhtihre.
 Jesu wama tiro yariariro c̄jiro to masa m̄jarire to yahuri
 buhiri yahusāhre ahrirore. Ahri dihtare yahusāhre. 20 Ahrire
 masierac̄u tirore noano sinitu ñ̄h̄i. “¿Jerusalēp̄u waha duajari
 ȳh̄u mehne? Tó̄p̄u yahuga m̄u yoirire yuhure”, nimahi tirore.
 21 Wiho mejeta tiro waha duaerare. “Ȳu yoirire jipihtina bui
 p̄htorore Césare yahu duaja”, nire tiro yuhure. To ã niri
 baharo õihta tirore cohta dutihi jipihtina bui p̄htoro cahai
 tirore ȳu warocahto pano —niha Festo Agripare.

22 —Ȳu basi t̄ho duaja tirore —niha Agripa Festore.

—Ñamichacapu tirore tuhoga muhu —ni yuhtiha Festo.

23 Pa dachoi Agripa, Berenice mehne ti buhiri tiare cahnori wuhuru su, “Puhtoia jia sa”, nia cua pisaro yoa noha tina, surara puhtoia, ti maca macaina puhtoia mehne. To sehe yoa sa tih ti wuhuru sa. Ti sa sari baharo Paulore pjirocaha Festo. 24 A jiro Festo o sehe ni yahuha:

—Puhtoro Agripa, musa jipihtina ahri wuhure cahmachuina tuhoga. Ore ahriro payu judio masa ti yahusariro jira. Jerusaleru, Cesarepu cuhure tina tirore yahusahre. “Tirore wajaga”, a nirucua nina tina. 25 Ti a nipachuta o sehe tuhoutuja yuhu. Ahriro ne nano yoariro jierara. ¿Yaba buhiri wajabocari mari tirore? A jicu jipihtina bui puhtoro Cesar Augustore ahriro to yoarire to yahu duachu jipihtina bui puhtoro cahapu warocaihtja tirore. 26-27 A jicu ahriro to yoarire noano masierasiniya yuhu. A masierasinicu mari puhtoro yahu joa masieraja. A jicu musare to yahuchu tuho dutii nija mipure. Puhtoro Agripa mipu pinihtare ahriro jira mu sinitu nuhtiro. Mu sinitu nu tuhsuchu mari masiri baharo ahrirore ti yahusarire noano yahu joaihtja. Ahriro to nano yoarire yu masierapachuta mari puhtoro cahapu tirore yu warocachu noaerara. A jicu mipure ti yahusarire noano masi duai nia —niha Festo tinare.

Paulo Agripa to yoarire yahuha

26 1 To a niri baharo Agripa Paulore o sehe ni yahuha: —Mu basita yahuha —niha tiro Paulore.

To a niri baharo Paulo sehe, “Dihta mariaha”, nino to wamomacarine wahcaruca, to yoarire yahuha:


2 —Puhtoro Agripa, yuhure judio masa ti yahusarire, yu yoarire muhure yahucu, mipure noano yajeripohna tija.

3 Muhu judio masa sa yoaa tiare, sa buhea cuhure mu noano masichu pinine wahcheja yuhu. A jicu muhu yuhure noano tuhoga —ni ducaha Paulo.

Paulo Jesu yairo to jihto pano to jia tirire yahuha

4 A ni tuhsuro o sehe ni namoha tiro:

—Wahmuo yu jia tia cjirire jipihtina judio masa masina. Jipihtia dachoripe yu masa bajuari baharo yu ya dihtapure, Jerusaleru cuhure yu jiri cjirire masina tina. 5 Fariseo curua macaina paina yuhdoro sa dutiare yuhduruca dutieraina jira.



Wahmanopære fariseo curua macariro jimai. ã jicũ fariseo curua macaina ti dutiare, ti yoaa barore yoa pahñoriro yũ jichũ tina masina. Tina mũhũre yahu duaa, tíre yahu masina tina. ⁶ Ahri buhirita yũhũre yahusã mũjana. Sã ñũchũsuma cjirire “Yariainare masoihtja”, Cohamacũ to ni cũrĩre “Potocã tjira”, yũ niri buhiri ahrina yũhũre yahusã mũjana. ⁷ Yũ coyeya judio masa jipiltina doce curuari macaina Cohamacũ masare to masohtore wahche cohtarucura. ã yoa Cohamacũre ño payorucura. ã cohtarucuina jia sã yoaro sehetã yoara tina. Pũhtoro Agripa, ã cũno potori yoaina sã jipachũta tina sehe to masohtore yũ cohtari buhiri yũhũre yahusã mũjana judio masa. ⁸ ¿Dohse yoana Cohamacũ to masorire sã yahuchũ tũho duaerajari mũsa judio masa? —ni yahuha Paulo.

Paulo Jesu yainare to ñano yoari cjirire yahuha

⁹ ã ni tuhsũ ò sehe ni yahu namoha:

—Jesure Nazare macarirore ñũerasinichũ, ñaa dihtare yoã duamai to yainare. ¹⁰ ã jicũ Jerusalẽpũ ã yoaa timai yũhũ. Sacerdotea pũhtoã yũhũre ti dutiri baharo payũ Jesu yainare

peresu yoaa tii. Ñ jicü pũhtoa tinare ti wajã dutichü, wajã dutii yũhü cũhü. 11 Payü tahari jipihtia judio masa buhea wũhũsei Jesu yainare ñano yoa dutia tii. Ñ yoacü Jesu yaina Jesure ti cohãchü yoa duai nimai. Tina mehne tuaro suai yũhü. Ñ jicü paina masa ya macaripü cũhũre tinare ñano yoai sũa tihi yũhü —ni yahuha Paulo.

Paulo Jesu yairo to waharire yahuha

12 Ñ ni tuhsü õ sehe ni yahu namoha:

—Damascopü Jesu yainare ñano yoa duacü sũmai. Tinare ñano yü yoa duachü ñna sacerdotea pũhtoa yũhũre waha dutire. 13 Ñ sehe jire pũhtoro Agripa: Cohari pja jichü waroi mahai yü wahachü müano macaa si sitea, sũ dacho macariro yũhũdoro, yũhũre yũhü mehne wahaina cũhũre si sitere. 14 Sã jipihtina yahpapü bora caha sũ, judio masa ya mehne yũhũre to durucuchü tũhoi. “Saulo, Saulo, ¿dohseacü mühü yũhũre ñano yoajari? Mühü yũhü mehne suacü yũhũre yũhtieracü, mü basi ñano yũhũdura”, nire yũhũre. 15 “Pũhtoro, ¿diro baro jijari mühü?” ni sinitui. “Yũhü Jesu, mü ñano yoariro jija. 16 Wahcãrũcaga mühü. Mühũre yü cahamacüno cjihto yoai tai mipü bajuaja yũhü. Michare yũhũre mü ñũrيره, baharo mühũre yü ñohti cũhũre painare yahuihca mühü. 17 Judio masare judio masa jieraina cũhũre mühũre buhe duticü, warocaihtja. Ti cahai mü jichü, mühũre ti ñü tuhtichü mühũre yoadohoihtja. 18 Yü yare tinare masichü yoaga mühü. Ñ jicü nahitianopü tiniina yoaro sehe jĩinare ti ñaare duhuchü yoaga. Buhriaropü tiniina yoaro sehe noaa sehere cohtotachü yoaga tinare. Watĩnore cahmaerachü yoaga mühü. Ñ yoacü Cohamacü ya sehere yũhtichü yoaga mühü tinare. Mü ã yoachü tina yũhũre wacũ tuaahca. Ti ã wacũ tuachü ñũcü ti ñaa yoari buhirire boihca. Ñ jia tina Cohamacü to beserina mehne macaina jiahca. To wahtire cjuahtina jiahca tina”, nire Jesu yũhũre —ni yahuha Paulo.

Paulo to yoarire to dahraare yahuha

19 Ñ ni tuhsü õ sehe ni yahu namoha:

—Pũhtoro Agripa, müano macaa yü tũhoare yũhũdũrũcaerahi. 20 Damascoi buhe mühtai. Baharo Jerusalẽi buhei tjoa. Baharo Judea yahpai, judio masa jieraina cahapü cũhũre masare “Ñaano yoaeraja sã”, ni ti tũhotumari cjirire tũhotu cohtota

duti, Cohamacu yare cahma dutii. “Noaare mûsa yoachû ñûa ‘Noaina jija sã’ ni, mûsa tûhotumari cjirire mûsa tûhotu cohtotarire paina masiahca” nicû, tinare noaare yoa duticû buhei. **21** Cohamacu ya wûhûi yû jichû yû ã ni yahuri buhiri judio masa yûhûre ñaha, wajã duamare. **22** Wiho mejeta dachoripe Cohamacu to yoadohoro mehne ã buherucuja. ã jicû mipûre mûsa jipihtina pûhtoare wiho jiina cûhûre to yare yahui nija. Panopû macaina Cohamacu yare yahu mûhtaina cjiri, Moise cjiro mehne ti yahu mûhtariro seheta yahuja yûhû cûhû. Õ sehe ni yahu mûhtaa tiha tina: **23** “Cristo Cohamacu warocariro sehe ñano yûhdûrohca. ã jiro yariaro masa mûja mûhtariro waharohca tiro. ã jiro masare to yûhdohtore judio masare, judio masa jieraina cûhûre masichû yoarohca”, ni yahu mûhta joaa tiha panopû macaina cjiri. Yûhû cûhû ti yoaro seheta yahuja —ni yahuha Paulo Agripare.

Paulo Agripare Jesu yairo cjihto yoa duamaha

24 To ã ni yahuri baharo Festo tirore tuaro sañurucu ò sehe ni durucuha:

—Paulo, mûhû tûho masierariro jira. Mûhû payû buhecû tûho masierariro wahara —ni sañurucuha tiro Paulore.

25 To ã nichû tûhoro Paulo ò sehe ni yûhtiha Festore:

—Pûhtoro tûho masierariro jieraja yûhû. Yû yahua potocã tjira. ã jicû yûhû ahrire cua pisaro mehne nija. **26** Pûhtoro Agripa sehe, ahri yû yahurire noano masina. ã jicû yûhû tirore cuiro marieno yahuja. Ahri yahuare jipihtina masa masina. ã jicû jipihtia ahrire yû nirire pûhtoro Agripa to masichû masija yûhû —niha Paulo Festore.

ã ni tuhsû ò sehe niha Agripare:

27 —Pûhtoro Agripa, Cohamacu yare yahu mûhtaina cjiri ti yahuri cjirire tûhora mûhû. Ti yahuare mû tûhochû masija yûhû —niha Paulo Agripare.

28 —¿Ahrire yûhûre yahucû mahanocã mû yahua mehne Jesu yairo yû wahachû yoa duai nijari mûhû? —niha Agripa Paulore.

To ã nichû Paulo ò sehe ni yûhtiha:

29 —Mahanocã durucucû o yoari pja durucucû mûsa, jipihtinare “Yû jiro seheta Jesu yaina jijaro”, ni sini payoja Cohamacure. Wiho mejeta yû yoaro sehe peresupû mûsa jichû cahmaeraja yûhû —niha Paulo Agripare.

30-31 To ã niri baharo Agripa, Festo, Berenice jipihtina paina mehne wahcârũca, wijaa, ti basi õ sehe ni durucuha:

—Ahiro to yoari buhiri ne peresu yoa masieraja mari. ¿Ã jina mari yaba buhiri tirore wajãbocari? —ni durucuha tina ti basi.

32 —Ahiro “Jipihtina bui pũhtorore Césare yũ yoarire yahu duaja”, to nierachũ mari wioboa tirore peresupũ jirirore —niha Agripa Festore.

Paulo tirore ti yahusãire Romapũ yahuro wahaha

27 1 Paulore Italiapũ dohoria mehne warocaa taa, tirore paina mehne ti peresu yoarina mehne Julio wama tirirore cũre tina. Julio cien surara pũhtoro jiro, to ya curua “César yaina surara”, wama tire. 2 ã jina Adramitio wama tiro macaria dohoriai samui sã. Tia Asiapũ wahahtia jire. Samu tuhsũ, tia mehne wahi. Aristarco Tesalónica wama tiri maca macariro sã mehne wahare. Tesalónica Macedonia yahpai jira. 3 Pa dachoi sã Sidõpũ sui. Tõpũ sũro Julio Paulore noano yoare. ã yoaro Paulore tó mehne macaina cahapũ ñũno waha dutire. ã jiro Paulo mehne macaina tirore to cahmaare ti wachũ “Noanohca”, nire Julio. 4 Dohoria mehne sã pahãchũ tuaro wihnono sãre pa seherũ wãroca pjohõre. ã jina Chipre wama tiri nũco dũcataroi poto bũhũsehei wahi sã. 5 Pũ Ciliciare yũhdũa, Panfilia cũhũre yũhdũa, Mira wama tiri macapũ Licia yahpai jiri macapũ wahã sui.

6 Tõpũ suna, Alejandríapũ tariare, Italiapũ wahahtiare dohoriare bocai. ã jiro sãre tiapũ surara pũhtoro naare. 7 Payũ dachori pjiro dero waha, “Nu warũoca” ni, waha, Gnido wama tiri maca potoi sui sã. Tõpũ sũ yũhdũa, wihnono tuaro wã, sã waha duariroi sãre wãrocaerare. ã jina sã cõ bũhũseherũ majare paa wahi. ã jina Creta wama tiri nũco to dũcatari pahrẽ sehe sã pahãa waha, Salmo wama tiri ñoacare yũhdũai sã. 8 Tõpũ yũhdũ, tí nũco dũhtũ cahai waha, “Nu warũoca” ni, waha, Noari Pitamaha wama tiropũ wahã sui. Pitamaha Lasea wama tiri maca cahapũ jira.

9 Tõpũ yoari pja sã jiri baharo, sã wahahto sehe cuabiare. ã jiro ti chũ duhuri dacho bõse nũmũ yũhdũri baharo, Paulo tinare õ sehe ni yahure:

10 —Tũhoga mũsa. Chũ duhuri dacho bõse nũmũ baharo mari wahachũ marine minihto cuabiara. Ahria dohoria,

dohoria macaa, m̄sa pache c̄h̄n̄ mari mehne macaina c̄h̄n̄ mari butiboca wahana —nire Paulo.

11 Wiho mejeta surara p̄h̄toro dohoria p̄rore t̄h̄oro, oturiro c̄h̄n̄re t̄h̄oro, Paulo to yahua sehere t̄h̄o duaerare waha duaro. 12 Ti p̄hsari pitamaha noari pitamaha puhiro jich̄n̄ ti p̄hsari pitamaha jierare. To ã jiri pitamaha jich̄n̄ dohoria macaina paȳn̄ waha dua, Fenicep̄n̄ yoja duamare. Fenice Creta wama tiri n̄co macari pitamaha jiro, wihnono to tarirop̄n̄ s̄ m̄ja taro seher̄n̄ c̄ b̄h̄useher̄n̄, poto b̄h̄useher̄n̄ c̄h̄n̄re ñroca, wihnono tach̄n̄ noano d̄catari maca jire. To ã jiri pitamaha jich̄n̄ masia tina t̄p̄n̄ c̄ puhiro ji duamare.

Pjiri map̄n̄ wihnono, coro pj̄iro taha

13 Ñ yoa sur sehe pj̄iroca wihnono ta d̄care. “Michare noari dacho mari wahahti dacho jira”, ni t̄hotumaha tina. Ñ ni t̄hotua tina comaa tañore t̄ã wahc̄o, Creta n̄co d̄ht̄a caha cahi yojai s̄. 14 Wiho mejeta baharo curero wihnono noreste wama tiri wihnono tuaro w̄re. 15 Ñ jiro dohoriare wihnono tuaro wahã wihire. Wihnono to w̄r̄carore waha masierana, majare paha, wihnono mehne wahi s̄. 16 Cauda wama tiri n̄cocã cahap̄n̄ sur seher̄n̄ waha, tí n̄cocã s̄re mahanocã d̄catate. “Marine nu war̄oro wahara”, nina t̄ore pj̄iria dohoria macaria mahariacã b̄socare noano waja payo d̄hte s̄. 17 Tiare dohoriã s̄ waja payo d̄ht̄eri baharo pj̄iria dohoriap̄n̄ pj̄iri da mehne tina wahma ñaha payore. Sirte wama tiri pad̄re “Dohoria doca wahã s̄ri”, nia cui nire tina. Ñ jia tina co turre ti duhu miori baharo dohoria dihtare wihnono w̄rocare. 18 Wihnono, coro mehne tuaro tare. Pa dacho c̄h̄n̄re wihnono m̄nanota t̄joa to tach̄n̄ ñ̄a tina ti pachere diap̄n̄ dureroca ño tuhs̄n̄ pahã wahi s̄. 19 Pa dacho dohoria macaare diap̄n̄ coh̄re tina ti basi. 20 Paȳn̄ dachori ñichua dachori jich̄n̄, s̄ dacho macariro ñahpichoha poca c̄h̄n̄ ne bajuerare. Ñ jiro tuaro wihnono tare. Ñ jina “Minia wahaja mari. Ñ jina yariaa wahanahca”, ni t̄hotumai s̄.

21 Ñ jia tina yoari p̄ja ti ch̄n̄ duhuri baharo Paulo ti pano ducu, ñ sehe ni yahure tinare:

—Pano m̄sare ȳn̄ yahuch̄n̄ t̄hoerare m̄sa. “Cretap̄n̄ jiina mari wahach̄n̄ cua nica”, ȳn̄ nich̄n̄ t̄hoerare m̄sa. Ȳh̄n̄re t̄h̄ona, ahria macaa jipihtiare boeraboa m̄sa. 22 Wiho mejeta mip̄n̄ m̄sare yahuja. Cuiena t̄jiga. Jipihtina mari ȳh̄d̄nahca.



Ahria dohoria dihta marine wahtiabasaroheca. ²³ Micha ñamine Cohamacu yairo anjo yũhũre bajuahre. Cohamacu yairo jija yũhũ. Ā jicu tirore dahra cohtariro jija yũhũ. Anjo sehe yũ cahai taro, õ sehe ni yahuhre: ²⁴ “Paulo, cuiecu tjiga. Jipihitina bui pũhtore mũ yoari c̄jirire mũhũre yahuro cahmana. Cohamacu noariro jira. Ā jiro tirore mũ siniriro seheta mipũre mũhũ mehne macaina cũhũre yoadohorohca”, nihre yũhũre anjo. ²⁵ Ā jina cuiena tjiga mũsa. Anjo yũhũre to niriro seheta waharohca. Cohamacũre wacũ tuaja yũhũ. Ā jicu to yahuriro seheta “Potocã tjira”, ni tũhotuja yũhũ. ²⁶ Wiho mejeta marine nũcorũ wihnono wãroca, cohãnohca —ni yahure Paulo tinare.

27 Cũ ñami p̄na somana baharo pjiri ma Adriático wama tiri mai wihnono sãre tuaro wãre. Tí pjare ñami dacho macai dohoria macaina m̄ua sehe “Dũhtũ cahapũ jija mari”, ni tũhoture tina. 28 Æ ni tũhotua nũcũri taño comaa tañore yuta da mehne dũhte, duhuroca mio, quihõre. Treinta y seis metro waro cũãre. Mahanocã waha, quihõre tjoa. Tí pjare veintisiete metro waro cũãre. 29 Æ jia tãare “Doca wahã sũri”, nia dohoria oturopũ pititia tañori comaa tañorine yuta dari mehne dũhte, duhuroca miore diapũ. Æ jia “Cjero bohreajaro” ni, tuaro sinire tina. 30 Dohoria macaina m̄ua sehe duhtimare. Tina mahariacãre dohoria macariare diapũ waja boro, dohoria quenoĩ comaa tañorine ti boroboriro seheta yoare tina mahariacãre “Marine ñũri”, nia. 31 Wiho mejeta Paulo surara pũhtorore, to surara mehne yahure:

—Ahrina m̄ua mahariacã bũsocai ti wahachũ m̄usa yarianahca —nire Paulo.

32 To ã nichũ tũhoa surara sehe mahariacãre dũhtea darire yihso ta, tiare cohãre.

33 Bohreahto panocã Paulo tinare tuaro chũ dutire.

—P̄na somana waro ne chũerare m̄usa. 34 Æ jina mipũre chũna taga. Tuaro m̄usare chũ dutija. M̄usa cati duana chũga. Jipihtina m̄usa yũhdũnahca —nire Paulo tinare.

35 To ã niri baharo Paulo pãore na, jipihtina ti pano Cohamacũre “Noana” ni, duhu payo, tíre chũ dũcare tiro.

36 To ã chũchũ ñũa tina cuiro marieina waha, jipihtina tina cũhũ chũre. 37 Sã jipihtina doscientos setenta y seis masa dohoriapũ jii sã. 38 Tina jipihtina yapia waha “Ahria dohoria nũcũ nica” ni, payũ trigo chũare diapũ cohãre.

Dohoria padũropũ doca pja sũha

39 Bohreachũ dohoria macaina m̄ua nũcore ñũa, “Õ sehe wama tiri nũco jira ahri nũco”, ni ñũ masierare. Wiho mejeta tina pari tucũi padũro jichũ ñũa, “Mari tí tucũpũ wahana, tũpũre doca pja sũboca padũroi”, nire tina. 40 Æ nia, comaa tañorine dũhtea darire yihso taroca mioha. Oturi pjĩ dũhtea dari cũhũre yihso tanocare tina. Ti ã yolari baharo dohoria queno macari suhtirore wahcõ dapore poto wihnono wãrocachũ cahmaa. 41 Wiho mejeta dohoria queno sehe pa padũropũ caha sũ, nũja masierare. Æ jiro oturore tuaro pahcõri

cjã wahcõchũ tia oturo wahtia wahare. 42 To ã wahachũ ñña õ sehe nire surara:

—Ahria minichũ mari peresu yoaina dũhtũ cahapũ ba wahã sũ duhtinocaahca. ã jina tinare wajã pahñonocajihna —nire surara.

43 Wiho mejeta surara pũhtoro sehe Paulore wajã duaeraro, jipihtina peresu jinare wajã dutierare. ã jiro jipihtina ba masiinare surara pũhtoro poto dũhtũ cahapũ ba wahã sũ dutire. 44 ã jia paina dohoria macaa pjĩni wahti sitea pjĩni mehne bora ñoja, tí pjĩni bui pisa ba nũjare. Sã tó sehe yoana sã jipihtina dũhtũ cahai wahã sũi.

Paulo Malta wama tiri nũcoi jiha

28 1 ã yoa tí nũcorũ sã jipihtina maja sũrucũ sũna tí nũco wamare masii. Malta wama tiri nũco jire. 2 Tí nũco macaina masa sãre noano yoare. ã jina sã coro waari baharo yũsua yũhdũare sãre. ã jia tó macaina sehe pichaca wijã tuhsũ, sãre sohma dutire. 3 Paulo pichare na ta, na tiãre. To na tiãri baharo tí picha puhichapũ sãariro agã tuaro sichũ tũhoturo wijaa taro, Paulo wamomacai bahca wãha sũre yahawero marieno. 4 To bahca wahã sũchũ ñña tí nũco macaina ti basi õ sehe ni durucure:



—Ahriro masa wajāriro jiboca. Ā yoaro tuaricoro buhiri dahrerico ro m̄ano macaricoro tirore buhiri dahrero, cati dutierara. Tiro p̄jiri map̄u minino ȳhdu tuhs̄uri jimare. Mip̄ure ticoro sehe tirore cati dutierara —nimare tina ti basi.

⁵ Wiho mejeta Paulo agāre pichacap̄u wajā siterocare. Tirore agā pur̄ierare. ⁶ “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore pur̄ierare. Yoari p̄ja baharo to wipierach̄u ñ̄ua, to pur̄ierach̄u ñ̄ua, soro t̄hoture tina. “Ahriro cohamana mehne macariro jiboca”, nimare tina.

⁷ Ti ba wahā s̄riro cahacāi Publio wama tiroro ya weseri jire. Tiro tí n̄co macariro p̄htoro jire. Ā jina tiro s̄are to noano yoach̄u, tia dacho waro to ya w̄h̄ui jii s̄a. ⁸ Publio p̄c̄uro yojaro ti, juaro tiroro jire. Ā jiro tiro camai coāre. Ā jiro Paulo dohatiroro ya tahtiap̄u s̄a, Cohamac̄ure sini, to wamomacarine tiro bui duhu payo, noariro wahach̄u yoare tirore. ⁹ To noariro wahach̄u ñ̄ua jipih̄tina paina tí n̄co macaina dohatiinare Paulo cahap̄u na tare. Ti ā na tach̄u ñ̄no Paulo noaina wahach̄u yoare tina c̄h̄ure. ¹⁰ Baharo tina payu s̄are wapa marieno ware. S̄a wahahto panocā jipih̄tia s̄a cahmaare, s̄a wahana s̄a ch̄htire dohoriap̄u dure s̄are tina.

Paulo Romap̄u s̄ua

¹¹ Tia s̄u tí n̄cop̄u s̄a jiri baharo dohoria mehne wahai s̄a. Tia dohoria quenoí p̄aro cohamana Cástor, Pólux wama tiina ti mas̄u ducure. Alejandriap̄u taria jire tia. Puhiro puro tí n̄cop̄u tia dohoria pah̄sare. ¹² Waha, Siracusa wama tiri macap̄u s̄ua, tia dacho waro tí macare jii s̄a. ¹³ Tí macare wijaa, waha, Regio wama tiri macap̄u s̄a sui. Pa dachoi surp̄u wihnono ta, s̄are wārocure. P̄ua dacho baharo Puteoli wama tiri macap̄u sui. ¹⁴ Tórp̄u Jesu yaina mahainacā s̄are piti bocare.

—C̄u somana waro s̄a mehne tjuaga —nire tina s̄are.

Ti ā nich̄u t̄hona c̄u somana waro tina mehne tjuasinii. Baharo mahai maja, Romap̄u sui s̄a. ¹⁵ Tó macaina Jesu yaina sehe Romap̄u s̄a s̄htire t̄hoa, Apio wama tirop̄u pache duarop̄u s̄are piti bocare. Paina Jesu yaina Tia W̄h̄u wama tirop̄u s̄are piti bocare. Ti ā piti bocach̄u ñ̄no Paulo wahchea mehne Cohamac̄ure “Noana” ni, noano yajeri s̄a wahare. ¹⁶ Romap̄u s̄a s̄uri baharo ti peresu ti yoinare tó macarirore

peresu cohtaina pũhtore yahure. Wiho mejeta Paulo sehere cũirota cũre tó macaina pũtoa. ã jiro tirore cũirota surara cohtare.

Paulo Romai buheha

17 Tia dacho baharo Paulo judio masa pũtoa mehne cahmachuno taro, tinare pjire. Ti cahmachuri baharo tiro tinare õ sehe ni yahure:

—Coyea, mari coyeare soro yoaerahi yũhũ. ã yoa mari ñũchũsuma cjiri ti yoaa tirire, marine ti buheri cũhũre yũhdũrũcaerahi yũhũ. ã yũ yũhdũrũcaerapachũta Jerusalẽpũ yũhũre ñahahre judio masa. Ti ñahari baharo Roma macainare yũhũre peresu yoa dutihre tina. 18 Ti ã yoachũ Roma macaina yũhũre sinitu, yũ ñano yoarerariro yũ jichũ yũhũre “Buhiri tiroiro jira”, ni masierare. “¿Ne yaba buhiri wajãbocari mari tirore?” nihre yũhũre tina. ã jia yũhũre sinituina sehe yũhũre wio duamahre. 19 Wiho mejeta judio masa sehe yũhũre wiochũ cahmaerare. Yũ coyeare judio masare yũhũre ti yoarire yahusã duaeraja. Wiho mejeta yũhũre ti wio duaerachũ ñũcũ, “Jipihtina bui pũhtoro Césare yũ yoarire poto yahu duaaja yũhũ”, ni sinihi. 20 ã jicũ mũsare ahrire yahu duacũ pjihĩ. Cristo marine yũhdohtiro judio masa mari cohtariro to yare yũ yahuri buhiri yũhũ peresupũ jija. ã jicũ tíre mũsare yahui tai pjihĩ —nire Paulo judio masa pũhtoare.

21 To ã nichũ tũhoa tina sehe tirore õ sehe ni yahure:

—Judea yahpa macaina Judio masa mũhũre quiti yahua pũrine sãre ne warocaerare. ã yoa tórpũ tarina cũhũ mari coyea sãre mũ ã waharire yahuera tire. Tina “Tiro ñano yoariro jira” ni, mũhũre yahuera tire. 22 Wiho mejeta Jesu yare mũ yahuri curua macainare jipihtiropũ masa ñano ti durucuchũ sã masija. ã masina mũ buheare mũ yahuchũ tũho duaaja sã —nire tina tirore.

23 ã ni tuhsũ, “Pa dachopũ jijihna”, nire tina. Pa dachopũ Paulo mehne cahmachu mũhtaina yũhdooro masa payũ to jiropũ wihire. Ñami curerocã pũhtoro Cohamacũ to sũho jiare noaa buheare tiro buhe dũca, pũ, ñamipũ Moise cjirore Cohamacũ to cũri dutiare, ã yoa Cohamacũ yare yahu mũhtaina cjiri ti joari cjiri cũhũre buhere. ã buhero, tinare Jesure “Tiro tjica mari cohtariro”, ni masichũ yoa duaro nimare Paulo. 24 Cãina to buherire noano mehne tũhore. Wiho mejeta paina sehe

tũho duaerare. **25** ã jia tina ti basi p̄na curua tju wa, wahaa taa nire. Ti wahahto pano Paulo Isaia cjiro to durucuri cjirore tinare yahure. Õ sehe nire tinare:

—Isaia Cohamacũ yare yahu mũhtariro cjiro to yahuri potocãta jira. Mari ñuchũsuma cjirore yahuro taro Espĩritu Santo Isaia cjirore ò sehe ni yahu joa dutiha:

26-27 “Ahrire ahrinare yahui wahaga:

‘Dapu bũtiina jira mũsa.

Yũ yare tũho duaerara mũsa.

Cahmo copari susueraina yoaro seheta tũho duaerara mũsa.

ã jina yũ yare tũhopenahta tũho ñahasi mũsa.

Mũsa ã jieraina jina, noano tũho ñahaboa mũsa.

ã jina yũhũre cahmaboa mũsa.

ã jicũ mũsare pichacapũ wahaborinare yũhdoboa yũhũ’, niha Cohamacũ Isaia cjiro to joari tjuřũ”

—nire Paulo tinare. **28** ã ni tuhsũ, Paulo ò sehe ni yahu namore:

—Ahrire masiga mũsa. Cohamacũ ya buheare masare to noano yũhdoare judio masa jierainare buhenahca sã. Tina sehe tũhoahca —nire Paulo judio masare.

29 [To ã nichũ tũhoa judio masa tíre ti basi tuaro cahma sayo, wijaare.]

30 P̄na cũhma waro Paulo to ã waparucuri wũhũřũ jire. Tói jiro, jipihtina to wũhũřũ wihiinare wahchea mehne piti bocare tiro. **31** ã jiro tiro cuiro marieno pũhtoro Cohamacũ to sũho jiare, pũhtoro Jesucristo ya cũhũre buhea tire. To ã buhechũ ne paina tirore “Buhei tjiga”, nierare.